

大薩遮尼乾子所說經卷第一

九觀天竺三藏菩提留支譯

序品第一

歸命大智海毗盧遮那佛外國今一切經首皆有此句
如是我聞一時婆伽婆在鬱闍延城
王名嚴熾住王園中其園所有殊勝
莊嚴不可稱計所謂婆羅樹多羅樹多
摩羅樹迦尼迦羅樹屈拘律樹波羅
樹鬱曇鉢華樹婆娑樹迦華樹陀菟
迦華樹阿提目多伽華樹瞻蔔華樹
阿輸迦華樹波吒羅華樹如是無量
百千眾妙樹林莊嚴復有種種異相
之水所謂泉水海水直流水曲流水
多羅迦水池水從上注下水從下涌
上水如是無量百千妙相眾水莊嚴
復有種種眾妙華華所謂優波羅華
鉢頭摩華拘牟頭華分陀利華他羅
華摩訶他羅華盧遮華摩訶盧遮華
如是無量百千妙華以為莊嚴復有
種種妙音聲鳥所謂義鳥崑崙遮鳥
拘只羅鳥鈎那羅鳥具多鳥崛多鳥
鸚鵡鳥鸚鵡鳥耆婆耆婆鳥迦陵頻

鳥有如是等無量百千眾妙音鳥

以為莊嚴復有種種妙色眾蜂飛在
虛空迭相連接猶如羅網遍覆於上
以為莊嚴復有種種眾雜色草柔軟
香潔無量百千異種文色莊嚴其心
如是眾妙莊嚴園中與大比丘眾七
十二百千萬等諸大衆俱其名曰慧
命舍利弗大目犍連摩訶迦葉阿菟
樓陀須菩提摩訶迦旃延摩訶訶實
那離波多難陀那提迦葉伽耶迦葉
富樓那彌多羅尼子憍菟波提般他
迦周羅般他迦陀闍摩羅千佉陀林
純陀摩訶拘締羅羅摩羅慧命阿難
等七十二百千萬億諸大衆中而為
上首一切皆修如實法境界諸行
一切皆入法界實性一切皆得無障
無礙虛空境界殊勝妙行一切皆得
無所著行一切皆離煩惱諸垢一切
結使一切皆入如來法性光明照處
一切皆證同一法性平等大慧一切
皆得現諸如來一切智門一切皆得
常不休息大菩提道一切皆得轉不
退轉大菩提道一切皆得證不退轉

大菩提心一切皆到第一彼岸般若

智見一切皆得究竟彼岸方便智慧
復有摩訶波闍波提比丘尼耶輸陀
羅比丘尼等八千比丘尼於百千萬
億比丘尼中而為上首一切皆念具
足善集諸妙白法一切善入一切智
道一切皆近一切智智一切皆入無
所有性一切能觀諸法元相一切善
信法際無際一切皆得無障解脫一
切皆得隨諸有緣可化衆生示佛色
身諸菩薩摩訶薩七十二百千萬億
諸大衆俱其名曰大遠行菩薩大遠
行住持菩薩大奮迅菩薩大奮迅王
菩薩大精進奮迅菩薩大勇奮迅菩
薩現大勇勢奮迅菩薩大力奮迅菩
薩大衆自在菩薩大香像菩薩大月
菩薩善月菩薩月功德菩薩寶月菩
薩月光普照菩薩法無垢月菩薩月
普照菩薩月名稱菩薩放月光明菩
薩滿月菩薩觀音菩薩觀自在在吼聲
菩薩地吼聲菩薩法界吼聲菩薩驚
怖一切魔官吼聲菩薩出法鼓聲菩
薩英藏聲菩薩無分別離分別聲菩

尼札子經卷第一 第四

寶

薩師子吼地勇聲菩薩開塞一切聲
菩薩普嚴菩薩切德嚴菩薩普照嚴
菩薩寶嚴菩薩月嚴菩薩日嚴菩薩
日光嚴菩薩波頭摩嚴菩薩福德嚴
菩薩智勝嚴菩薩大慧菩薩勝慧菩
薩名稱慧菩薩仗慧菩薩上慧菩薩
增長慧菩薩無邊慧菩薩廣慧菩薩
佛慧菩薩無盡慧菩薩留山燈明
菩薩燃大燈明菩薩法燈明菩薩遍
十方燈明菩薩普照菩薩普滅一切
闇燈明菩薩普照諸趣燈明菩薩常
放火光燈明菩薩月光燈明菩薩日
光燈明菩薩離惡道菩薩降魔菩薩
大降魔菩薩布生菩薩難降菩薩難
量菩薩難知智菩薩竭惡道菩薩大
勢至菩薩觀世自在菩薩彌勒菩薩
文殊師利法王子菩薩等七十二百
千萬眾而為上首如是諸菩薩摩訶
薩等一切皆得一生補處一切皆得
諸陀羅尼一切皆得諸三昧海一切
皆得無邊樂說无碍辯才一切皆得
無畏說法一切皆到第一彼岸功德
叢林如意自在一切皆得大神通道

尼札子經卷第一 第五

寶

善逝自在到諸佛國一切皆得無碍
自在身心解脫一切皆得无障無碍
畢竟知見一切皆得普現佛身遊諸
十方無佛國土一切皆得如實正智
轉大法輪無過无謬一切皆得隨順
十方堪聞眾生而為說法一切皆得
陀羅尼門說无非法一切皆得無取
无捨如實法界一切皆得能說諸法
空義無碍一切皆能師子吼吼一切
皆能降伏外道一切皆能摧魔怨敵
一切皆得菩薩神通諸勝妙行一切
皆得離諸悲憫一切皆得地水火風
平等大心一切皆得入諸如來深密
之處一切皆得為諸眾居住持佛事
一切皆得諸佛如來所共讚歎稱譽
隨喜說其勝行一切皆能具足住持
無邊際劫一切皆能住持如來所說
法輪一切皆得放大法寶勝妙光明
一切皆得說不可盡勝行功德一切
皆得於諸世間具足自在一切皆得
具足成就過去諸願一切皆得諸佛
如來信行境界一切皆得過去所修
善行具足一切皆得具足清淨佛无

尼札子經卷第一 第六

寶

折智一切皆得常不休息勇猛精進
供養一切諸佛如來一切皆得勇猛
發起畢定取於不退轉地一切皆得
大悲現前一切皆得自性清淨深心
解脫一切皆得離諸疑悔戒取煩惱
一切皆得過去諸佛神力所加復有
無量諸優婆塞諸優婆夷復有三千
大千世界具大威德具大威德上不
殊勝諸天天王諸龍龍王諸夜叉夜
叉王諸乾闥婆乾闥婆王諸阿修羅
阿修羅王諸迦樓羅迦樓羅王諸緊
那羅緊那羅王諸摩睺羅伽摩睺羅
伽王人及人王彼時一切諸大衆等
各有百千萬億眷屬俱集會坐
尔時世尊為諸無量百千萬億諸大
衆等恭敬圍繞廣在百千萬福莊嚴
功德勝嚴師子座上結加趺坐如來
妙色身光威德其相殊特照曜顯現
蓋諸一切天龍八部譬如須弥山王
涌出大海威光殊勝照曜顯現蓋諸
小山如來世尊大須弥王座在百千
萬福莊嚴師子妙座威光殊特照曜
顯現蓋諸大衆亦復如是譬如初月

光輪漸長至月滿足其光殊勝照曜
顯現映奪一切星宿諸光如來世尊
處在百千萬福莊嚴師子妙座威光
殊特照曜顯現映諸一切天人大眾
亦復如是譬如虛空清淨無垢離諸
一切雲翳塵染其中日輪放大光明
其光殊勝照曜顯現映奪一切諸蟲
螢火所有光明皆悉不現如來日輪
處在百千萬福莊嚴師子妙座威光
殊特照曜顯現映奪一切釋提桓因
諸梵天王四天王等光明不現亦復
如是譬如闇夜在大山頂然大火輪
光明殊勝照曜顯現一切皆見如來
山火處在百千萬福莊嚴師子妙座
光明殊特照曜顯現有緣皆見亦復
如是譬如師子諸獸之王在於深山
威力殊勝照曜顯現降伏一切諸蟲
獸等如來師子諸法之王處在百千
萬福莊嚴師子妙座威光殊特照曜
顯現降伏一切外道異見諸眾生等
亦復如是譬如難垢八楞摩尼如意
寶珠置在高幢放大光明隨眾生願
雨令滿足其光殊勝照曜顯現遍照

十方如來摩尼處在百千萬福莊嚴
師子妙座大智慧明威光殊特照曜
顯現遍照十方滿眾願亦復如是
譬如自在轉輪聖王威德殊勝照曜
顯現志能降伏遍四天下一切無有
能敵對者如來世尊轉法輪王處在
百千萬福莊嚴師子妙座威光殊特
照曜顯現降伏一切諸魔怨敵亦復
如是譬如釋提桓因以帝釋寶座
璽瑠繫在頸上處善法堂諸天眾由
威德殊勝照曜顯現降伏一切諸天
大眾如來帝釋處在百千萬福莊嚴
師子妙座威光殊特照曜顯現蓋諸
天人亦復如是

大薩遮尼乾子所說經問答品第二

今時聖者文殊師利法王子菩薩見
諸無量大眾雲集見佛世尊現大勝
妙希有之相作是思惟今者世尊為
何事故先現此相我有疑事今應當
問何以故如來世尊處在百千萬福
莊嚴師子妙座威光殊特照曜顯現
如是无量大眾集會難可值遇作是
念已即從坐起偏袒右肩古膝著地

合掌向佛即以偈頌讚歎如來而說
偈言

世尊十力雄 天人諸世間 三界無與等
何有能過者 譬如須弥王 出大海小山
深固不傾動 諸天蒙安隱 如來須弥王
過聖生死海 諸功德住持 安住不可動
切德須弥身 顯出諸世間 一切依如來
安隱住涅槃 譬如空无障 滿月獨明照
一切星宿光 隱沒不能現 如來十力淨
智慧月明明 神通弟子眾 亦如星宿光
譬如日光輪 照曜諸世間 除滅一切闇
諸小光不現 如來智目輪 照除世間闇
諸梵王等光 隱沒不能現 譬如夜然火
置在高山頂 以體明淨故 十方闇皆見
如來大明火 智慧山高顯 照煩惱闇界
法性今開現 譬如師子王 雄猛蓋諸獸
不現威怒相 一切獸降伏 如來師子王
無畏力具足 慈心諸外道 自然皆降伏
譬如摩尼珠 放光照世間 隨諸眾生願
一切雨滿足 如來摩尼珠 智慧幢照遠
能雨大法雨 滿足眾願 譬如轉輪王
具足七寶福 遊諸四天下 慈對生親友
如來轉輪王 具足十力寶 攝諸四魔眾

法華經卷第一 第十段 四

皆歸如來道如來道辟如帝釋王三十三天生
布正善法堂諸天歡喜受如來天帝釋
三界大法王慈心觀諸趣坐涅槃法堂
興大慈悲雲雨甘露法雨天人歡喜受
修行无上道

今時聖者文殊師利法王子菩薩說
諸偈頌讚歎佛已合掌白佛言世尊
如來乃能為諸大衆說菩薩行方便
境界奮迅法門以聞此經諸有信樂
無上大乘善根衆生皆發阿耨多羅
三藐三菩提心及信小乘狹劣衆生
亦發無上菩提之心已發无上大心
衆生而能增長菩提之念諸狹劣行
小見衆生能發大行退道衆生而能
進取大菩提道以取菩提勝道衆生
能入如來智慧莊嚴深密法中今時
世尊告文殊師利法王子菩薩言文
殊師利諸佛如來應正遍知所有難
信難知難覺難識難量難入深密之
法一切天人不知如來依何意說文
殊師利如此甚深微妙之法若有衆
生行惡行者不知此法不識此法諸
破戒者不知此法不識此法樂小行

法華經卷第一 第十段 四

者不信此法破壞心者不信此法為
惡知識所攝持者不入此法諸善知
識所不攝者不入此法不為諸佛住
持衆生不聞此法除諸如來加力持
者能聞此法能信此法无有是處今
時世尊重宣此義而說偈言

美妙聲法子能問我此事汝今至心聽
我當為汝說衆生無明覆唯有信小
心聞此大乘法不信故不說若於无量世
過去諸佛所修行諸善行善根具成熟
如是諸衆生常被如來加聞說生歡喜
乃能諦信受若為惡知識毒蛇之所螫
離於善知識不聞甘露法於諸勝法中
起於放逸心墮大邪見坑聞說不生信
衆生心狹劣不堪受大法聞退生不信
起於誹謗心長夜墮惡道永不聞佛法
為彼起悲心故我不遠說

今時聖者文殊師利法王子菩薩白
佛言世尊此會大衆皆善清淨善行
諸行善能供養諸佛如來善能將護
諸善知識善能修集清淨信眼善入
大智信諸境界善具清淨深心直心
此會大衆一切善能觀諸境界能知

法華經卷第一 第十段 四

此法能識此法善哉世尊唯願為我
及時會大衆樂聞之心善說此法而
說偈言

此會諸衆生已於無量劫一切諸佛所
種善根滿足如是衆生等能入佛境界
為滿法器故願佛今速說一切皆瞻仰
天人師面門恭敬合掌觀渴仰目不捨
願世尊慈此渴仰衆生心雨大妙法雨
令生善法牙我今請如來无上大法王
願開甘露門轉寶勝法輪是諸衆生等
若聞佛所說能行無上道究竟涅槃法
大薩婆尼乳子所說經乘品第三

今時聖者文殊師利法王子菩薩如
是問已佛告文殊師利善哉善哉法
王子善哉文殊師利汝今善能問於
如來應正遍知菩薩所行甚深法門
何以故文殊師利汝見諸法實義現
前無有疑惑究竟到於智波羅蜜第
一彼岸為欲利益无量衆生令入菩
薩無上道故問如是法文殊師利汝
能復為未來衆生然大明燈滅諸問
故問如是法善哉善哉文殊師利汝
今諦聽我當為汝說菩薩行方便境

界奮迅法門文殊師利白佛言善哉
世尊願樂欲聞時諸一切菩薩大衆
一心同聲俱白佛言善哉世尊願樂
欲聞

今時世尊欲說此法告諸大衆諸善
男子若有善男子善女人等畢竟成
就十二法者乃能發於阿耨多羅三
藐三菩提心何等十二一者自性信
大乘法為難小乘狹劣心故發菩提
心二者自性成就大悲為欲具足諸
白法故發菩提心三者直心本行堅
固為厭生死向彼岸故發菩提心四
者善集一切功德為欲修滿諸願行
故發菩提心五者能善供養諸佛為
欲善起諸白法故發菩提心六者身
口意業清淨為難一切諸惡行故發
菩提心七者遠離諸惡知識為欲親
近善知識故發菩提心八者聞法如
說修行為不虛妄誰眾生故發菩提
心九者為欲利益一切富諸資生不
貪不慳故發菩提心十者以得諸佛
加護為離一切諸魔加故發菩提心
十一者於諸眾生常起大悲能捨肉

外一切諸物為離慳嫉故發菩提心
十二者具法行為能成就諸功德
故發菩提心善男子是名十二妙法
若善男子善女人成就此十二法者
乃能發於阿耨多羅三藐三菩提心
善男子復有十二種勝法菩薩成就
名發阿耨多羅三藐三菩提心何等
十二一者安隱心為與一切眾生樂
故發菩提心二者慈念心他惡來加能
忍將護不生異相故發菩提心三者
大悲心為荷眾生大重擔故發菩提
心四者大慈心為拔一切惡道苦故
發菩提心五者清淨心能於餘衆不
生願樂故發菩提心六者無染心為
離一切煩惱濁故發菩提心七者光
明心為求无上自性清淨光明照故
發菩提心八者幻心能知諸法究竟
無物故發菩提心九者无物心能知
一切無所有故發菩提心十者堅固
心於諸法中不可動故發菩提心十
一者不退心能證諸法究竟盡故發
菩提心十二者度諸眾生不生欺心
如說修行故發菩提心今時世尊重

說偈言

諸善男子等若有諸眾生欲修諸白法
成就無垢法能於怨親中悲憫心平等
如是諸菩薩名發菩提心若有眾生等
已於無量劫將護惡知識供養善知識
護持菩提門起諸大願行如是諸菩薩
名發菩提心若有諸眾生憶念過去世
无量億劫事堅固如山王精進心無倦
常行不休息如是諸菩薩名發菩提心
若有眾生等捨離諸惡法具足悲愍心
安隱心成就念亦諸眾生一切善善道
如是諸菩薩名發菩提心若有眾生等
見諸勝智者念於大菩提無上勝功德
欲於餘衆中心淨无點穢如是諸菩薩
名發菩提心善得淨心離虛妄分別
觀世間涅槃平等无差別雖行化眾生
如見鏡中像如是發心者是實菩提心
已離煩惱過一切諸塵勞清淨如虛空
不為垢所染諸相永寂滅出離言語道
是名滿足修清淨菩提心如是諸菩薩
不久坐道場得大陀羅尼無上勝辯才
具足三十二八十相好身能住一切佛
本性功德中

尼乳子經卷第一 第十六段 四

復次文殊師利菩薩摩訶薩能住如是勝功德中有十二種布施妙行能大利益疾到菩提菩薩應行檀波羅蜜何等十二一者布施能速增長无上菩提功德利故菩薩應行檀波羅蜜二者布施生處富足手中常出無盡寶故菩薩應行檀波羅蜜三者布施隨願得生釋梵天王諸大家故菩薩應行檀波羅蜜四者布施能離一切慳貪心過棄捨諸有不生願樂故菩薩應行檀波羅蜜五者布施能捨世間貪染縛故菩薩應行檀波羅蜜六者布施出餓鬼門離諸惡趣故菩薩應行檀波羅蜜七者布施離諸世間多人共物能得菩提不共物故菩薩應行檀波羅蜜八者布施能稱眾生歡喜心故菩薩應行檀波羅蜜九者布施能捨內外行佛行故菩薩應行檀波羅蜜十者布施於諸一切所受事中能離縛著垢害心故菩薩應行檀波羅蜜十一者布施行能滿足無上檀波羅蜜故菩薩應行檀波羅蜜十二者布施行能隨如來教所願

尼乳子經卷第一 第十六段 四

成就故菩薩應行檀波羅蜜善男子是名菩薩摩訶薩十二種修行檀波羅蜜得大利益迴向阿耨多羅三藐三菩提今時世尊即以偈頌讚歎檀波羅蜜重說偈言

欲求無上道 修行諸功德 破於慳貪心 布施第一 佛手行捨心 見來乞求者 能生歡喜心 一切無吝惜 國城及妻子 乃至天王位 身肉及手足 頭目諸髓腦 清淨无垢眼 施已心歡喜 如是行捨心 名檀波羅蜜 一切諸如來 滿足諸功德 具勝涅槃道 皆由布施故 是故諸佛子 欲求無上道 常當修捨心 行檀波羅蜜 施能得菩提 不住於世間 是故諸菩薩 常當行捨心 施能斷貧窮 富足无淨財 怪嫉妬心盡 清淨佛菩提 布施能滿足 成就十自在 是故諸如來 讚歎行施捨 菩薩見是利 為成波羅蜜 是故修捨心 常施一切物 善男子菩薩復有十二種持戒得大利益菩薩應行尸波羅蜜何等十二一者持戒能攝一切諸善根故菩薩應行尸波羅蜜二者持戒入菩薩道

尼乳子經卷第一 第十七段 四

故菩薩應行尸波羅蜜三者持戒解脫一切煩惱縛故菩薩應行尸波羅蜜四者持戒能過一切諸惡道故菩薩應行尸波羅蜜五者持戒能拔惡道苦眾生故菩薩應行尸波羅蜜六者持戒身口意業不為諸佛如來訶故菩薩應行尸波羅蜜七者持戒諸佛如來常讚歎故菩薩應行尸波羅蜜八者持戒能入諸有不放逸故菩薩應行尸波羅蜜九者持戒即施眾生無怖畏故菩薩應行尸波羅蜜十者持戒成就身口意善善故菩薩應行尸波羅蜜十一者持戒能得於諸法中隨順自在故菩薩應行尸波羅蜜十二者持戒成就第一彼岸功德波羅蜜業故菩薩應行尸波羅蜜善男子是名菩薩摩訶薩十二種修行尸波羅蜜得大利益迴向阿耨多羅三藐三菩提今時世尊即以偈頌讚歎尸波羅蜜重說偈言 欲離諸生死 安隱到涅槃 一切如來說 持戒第一 戒如清涼池 能生諸善花 亦如猛熾火 能燒諸惡草 戒善持行者

如鳥飛虛空 不懼墮生死 諸趣惡道中
惡道大毒龍 無明諸羅刹 見持淨戒者
恭敬捨害心 一切諸如來 安隱住涅槃
斷諸惡趣道 皆由持戒故 是故諸佛子
欲求無上道 堅固諸善本 持戒波羅蜜
菩薩應思惟 善住戒品中 解脫煩惱縛
閉諸惡趣門 若欲持淨戒 應當如犛牛
為護一毛故 守死不惜命 如是護諸業
是名持戒人 如來常讚歎 所求皆成就
能持淨戒者 有如是功德 是故諸菩薩
常當持淨戒 身口意業淨 諸惡皆不行
是能到菩提 一切智現前 持戒不放逸
諸善皆堅固 法中得自在 能淨諸佛戒
菩薩持淨戒 視物無怨親 等心諸群生
見者無怖心 我住於彼處 常脩不放逸
是故今得離 一切諸惡趣 到第一彼岸
如實功德地 是故諸菩薩 常當持淨戒
菩薩若欲求 菩提佛功德 持戒如聲牛
常念不放逸 如是諸菩薩 是名為智者
能速到彼岸 住佛果菩提
善男子 菩薩如是修行諸法已復有
十三種觀修行 昇提波羅蜜 得大利
益 菩薩應行忍波羅蜜 何等十三

者忍行堪忍 諸惱能離 一切諸法空
故 菩薩應行忍波羅蜜 二者忍行不
見有我 為他害故 菩薩應行忍波羅
蜜 三者忍行不見眾生有怨親 故菩薩
應行忍波羅蜜 四者忍行不見自他
身可損故 菩薩應行忍波羅蜜 五者
忍行聞毀讚歎心 常不動故 菩薩應
行忍波羅蜜 六者忍行能斷煩惱諸
結使故 菩薩應行忍波羅蜜 七者忍
行能斷瞋恨諸結使故 菩薩應行忍
波羅蜜 八者忍行能成三十二相 八
十種好故 菩薩應行忍波羅蜜 九者
忍行能離惡道生梵天故 菩薩應行
忍波羅蜜 十者忍行能過一切損害
境界故 菩薩應行忍波羅蜜 十一者
忍行能得盡智 無生智故 菩薩應行
忍波羅蜜 十二者忍行能降一切惡
魔 諸境界故 菩薩應行忍波羅蜜 十
三者忍行能見如來無量功德 莊嚴
身故 菩薩應行忍波羅蜜 善男子 是
名菩薩十三種觀修行 昇提波羅蜜 得
大利 益 迴向阿耨多羅三藐三菩提
亦時世尊即以偈頌讚歎忍辱波羅

空重說偈言

若欲為眾生 作諸歸依處 令生無畏心
忍辱第一能 行忍辱者 見者皆歡喜
怨家捨毒心 皆生親友想 一切諸如來
成就平等心 眾生所歸依 皆由行忍故
是故諸佛子 欲求無上道 為物作依止
當堅固忍辱 菩薩若欲住 一切佛菩提
當觀諸法空 眾生不可得 如是行忍行
能具佛功德 是故諸菩薩 常應修忍辱
菩薩若修忍 當遠離二邊 不見自他身
能有損益者 如來大慈悲 讚歎如是觀
是故諸菩薩 常應修忍辱 若欲得盡智
滅諸使煩惱 不怯弱修忍 常無分別心
如是觀諸法 成忍波羅蜜 是故諸菩薩
常應修忍辱 菩薩欲莊嚴 如來相好身
復生梵世界 出離諸魔道 樂行忍辱行
一切皆成就 是故諸菩薩 應堅固忍辱
忍辱力寂上 諸行無過者 一切諸功德
住在忍行中 四魔力難敵 忍力能除滅
是故諸菩薩 常應修忍辱
大薩遮尼乾子所說經卷第一

癸卯歲高麗國大藏都監奉
勅彫造

大薩遮尼乳子所說經卷第二

九觀天竺三藏菩提留支譯

一乘品第三之二

善男子菩薩復有十二種發勇猛心
修行毗梨耶波羅蜜得大利益菩薩
應行精進波羅蜜何等十二一者精
進能速覺知諸佛法海故菩薩應發
大勇猛心修行精進波羅蜜二者精
進能速往詣諸佛所故菩薩應發大
勇猛心修行精進波羅蜜三者精進
能速十方供養恭敬一切佛故菩薩
應發大勇猛心修行精進波羅蜜四
者精進所作之業能稱一切諸佛意
故菩薩應發大勇猛心修行精進波
羅蜜五者精進能動化度一切眾生
不生厭足故菩薩應發大勇猛心修
行精進波羅蜜六者精進能置眾生
諸佛法中趣解脫門故菩薩應發大
勇猛心修行精進波羅蜜七者精進
速能令諸一切眾生離諸愚癡故菩
薩應發大勇猛心修行精進波羅蜜
八者精進速能悉與一切眾生諸佛

尼乳子經卷第二 第三之四

智慧故菩薩應發大勇猛心修行精
進波羅蜜九者精進速能清淨諸佛
國土故菩薩應發大勇猛心修行精
進波羅蜜十者精進行能建立盡未
未除一切劫數為諸眾生行菩薩行
不生疲倦心故菩薩應發大勇猛心
修行精進波羅蜜十一者精進行能
於一念中遍詣佛國種種善根故菩
薩應發大勇猛心修行精進波羅蜜
十二者精進行能遍詣一切諸佛國
土成無上道轉大法輪故菩薩應發
大勇猛心修行精進波羅蜜善男子
是名菩薩十二種發勇猛心修行毗
梨耶波羅蜜得大利益迴向阿耨多
羅三藐三菩提今時世尊即以偈頌
讚歎精進波羅蜜重說偈言

若欲為眾生修行善行速成無上道
精進第一如來無量劫所行諸善行
一切皆能忍不生怯弱故是故諸佛子
欲速成佛道常當勤修行精進波羅蜜
菩薩行精進能速到勝處過諸百千國
供養觀諸佛菩薩求大樂為拔眾生苦
修行菩薩道堅固不轉退能為諸眾生

尼乳子經卷第二 第三之四

無量百千劫受普元憊怠皆由精進故
願我常精進清淨佛國土次願能覺知
一切諸佛法能遍詣佛國轉大妙法輪
願諸眾生類一切皆覺知悉入大乘中
離餘乘魔界滿足諸大願速到無畏地
菩薩精進故能於一念時覺大菩提法
開示涅槃門化作無量身遍滿十方國
為利益眾生亦如是勝事

善男子菩薩復有十二種觀行禪波
羅蜜得大利益菩薩應修禪波羅蜜
何等十二一者禪定能滅一切諸煩
惱除菩薩應修禪波羅蜜常元分別
心故二者禪定心住寂靜念不散亂
菩薩應修禪波羅蜜不取諸境界故
三者禪定心無所著能滿諸行菩薩
應修禪波羅蜜能過三界故四者禪
定能出世間不著諸有菩薩應修禪
波羅蜜過世間故五者禪定能觀勝
法心無疲倦菩薩應修禪波羅蜜不
以為足故六者禪定柔軟自在不隨
禪生菩薩應修禪波羅蜜自在轉諸
禪故七者禪定得无相心不見諸物
菩薩應修禪波羅蜜以離諸相故八

者禪定心淨能照無量境界菩薩應
修禪波羅蜜以過有量諸三昧等呵
責過故九者禪定能滅觀心不見能
觀菩薩應修禪波羅蜜以得寂靜心
故十者禪定證柔軟心滅諸覺觀菩
薩應修禪波羅蜜以得調伏心故十
一者禪定心能寂滅一觀諸根不動
菩薩應修禪波羅蜜以得降伏不善
根故十二者禪定心能於諸法中有
大方便菩薩應修禪波羅蜜以能不
捨大菩提心故何以故以諸菩薩住
禪波羅蜜故不起憍慢心住禪波羅
蜜故不起邪見心住禪波羅蜜故不
起憎愛心是故諸菩薩能降一切學
諸禪定聲聞辟支佛外道梵行入禪
三昧者善男子是名菩薩十二種修
行禪波羅蜜得大利益迴向阿耨多
羅三藐三菩提今時世尊即以偈頌
讚歎禪波羅蜜而說偈言

欲修無漏智 出離欲淤泥 滅除諸業障

禪定第一 禪定難思議 是諸佛境界

二乘諸凡夫 三昧不能知 大地諸山海

劫火能燒除 若心住禪定 安隱無損害

◎大薩遮尼乾子所說經

如來智慧日 無漏摩尼珠 不從餘處生
禪定海中出 是故諸佛子 求佛大智寶
當除散亂心 念禪波羅蜜 諸善菩薩定
寂滅諸煩惱 是故智者說 勝修餘禪者
深心常寂滅 不樂諸境界 能攝諸亂心
住勝涅槃處 菩薩修禪定 三界無所住
是故不依止 彼非依止處 菩薩能過
世間出世間 是故三昧勝 勝世間二乘
菩薩修柔軟 隨意無罣碍 是故能迴轉
生於欲界中 菩薩所修禪 勝餘一切觀
諸禪非究竟 故佛說勝者 菩薩禪元量
從於勝境生 離諸衆生相 及離諸垢法
是故諸菩薩 所修禪定勝 降修餘禪者
及諸少分禪 菩薩一向觀 清淨諸境界
如是所修禪 從慧方便生 正智為根本
不起邪見心 是故菩薩禪 元有可護過
菩薩入禪定 不住有無中 以觀實境故
能離有無相 如是勝智禪 不同餘境界
羅漢辟支佛 智慧迷悶

善男子菩薩復有十二種觀修行般

若波羅蜜得大利益菩薩應修慈波

羅蜜何等十二一者般若速離諸垢

能發光明菩薩應修慈波羅蜜以能

離諸黑闇法故二者般若若能覺了
諸闇障導菩薩應修慈波羅蜜以能
照除煩惱稠林故三者般若若能放一
切智慧光明菩薩應修慈波羅蜜以
離一切諸無智故四者般若如犁耕
地除諸草穢菩薩應修慈波羅蜜以
能拔諸無明根本故五者般若如利
鐵鉤隨意琢斫菩薩應修慈波羅蜜
以能鉤斷諸愛網故六者般若如金
剛杵不為一切諸物所壞菩薩應修
慈波羅蜜以能破碎煩惱山故七者
般若如大日輪離諸雲翳菩薩應修
慈波羅蜜以能乾竭一切煩惱諸淤
泥故八者般若如大火聚燒諸穢草
菩薩應修慈波羅蜜以能焚燒業煩
惱樹故九者般若如摩尼珠能照一
切菩薩應修慈波羅蜜以無闇心不
迷諸法故十者般若若能住寂滅究竟
實際菩薩應修慈波羅蜜以無所有
故十一者般若若能滅有相心無分別
菩薩應修慈波羅蜜以無相故十二
者般若若能成無願心無求樂菩薩應
修慈波羅蜜以過三界故善男子是

名菩薩十二種修行般若波羅蜜得
大利益今時世尊即以偈頌讚歎般
若波羅蜜而說偈言

尼乾子經卷第一 第七

四

究竟斷有種安隱入涅槃諸波羅蜜中
智慧第一譬如世間燈能破一切闇
亦如高幢火世間取勝觀一切諸如來
出離諸有流降伏四魔眾智慧為猛將
諸佛子若欲自利利眾常當勤修行
般若波羅蜜譬如犁耕地能除諸荒穢
智滅疑愛草如犁耕淨地帝釋金剛杵
滅惡阿修羅智碎煩惱山能壞亦如是
一切諸如來說於智慧力猶如夏中日
亦如世間燈能竭煩惱海照除无明闇
以體出世間無漏火明故智慧能割截
无明癡闇樹猶如使利刀剪除諸細草
智如摩尼珠平等照世間如空無分別
不住有涅槃智慧心自在決定於一切
能斷諸疑悔及斷所有問說世間惡報
及顯涅槃果普示諸眾生如闇示明燈
諸佛明月眼現見諸法相諸菩薩同彼
无垢智修行如人夜執燈去處皆明了
生死黑闇中慧明能度彼
菩薩復有十二種境界修方

尼乾子經卷第二 第九

四

便行得大利益是故菩薩應修方便
波羅蜜何等十二一者方便不離涅
槃清淨境界而現世間垢濁境界故
菩薩應修方便波羅蜜二者方便不
離一寂靜境界而現世間憤悶境
界故菩薩應修方便波羅蜜三者方
便不離禪定甚深境界而現世間王
宮境界故菩薩應修方便波羅蜜四
者方便不離清淨無功用境界而現
世間切用境界故菩薩應修方便波
羅蜜五者方便不離無生真實境界
而現世間生此退彼退此生彼諸境
界故菩薩應修方便波羅蜜六者方
便能過一切四魔境界而現世間降
魔境界故菩薩應修方便波羅蜜七
者方便不離一切聖人境界而現世
間凡夫境界故菩薩應修方便波羅
蜜八者方便不離能出世間境界而
住世間諸有境界故菩薩應修方便波
羅蜜九者方便不離一切智慧境界
而現世間无智境界故菩薩應修方
便波羅蜜十者方便不離菩薩實際
境界而現聲聞緣覺境界故菩薩應

尼乾子經卷第三 第九

四

修方便波羅蜜十一者方便力能善
知一切諸法無相而能示現三十二
相八十種好教化眾生故菩薩應修
方便波羅蜜十二者方便力能入諸
一切平等境界而能示現諸魔境界
故菩薩應住方便波羅蜜善男子是
名菩薩十二種住方便波羅蜜得大
利益今時世尊即以偈頌讚歎方便
波羅蜜而說偈言
一切諸菩薩行諸波羅蜜若無方便者
不能到彼岸自利亦利他住世間涅槃
如是無淨染皆由方便故一切諸如來
所行諸境界二乘不思議斯由方便力
是故諸佛子欲行如來事常當勤修行
方便波羅蜜菩薩常清淨方便利眾生
實無諸欲垢亦現行淨行涅槃池中浴
方便現諸有是名諸菩薩不住於二邊
身口意常住第一義寂靜為利益眾生
方便同世間如蜂入華林不專採一華
菩薩方便行一切諸境界或現種種相
殊妙莊嚴身遍諸宮女中行於放逸行
或現在地獄救諸苦眾生雖現如是相
常不捨禪定不捨諸三昧而現散亂中

亦現行捨等是名方便力 菩薩已能離一切有為行於諸有無中 亦无分別心 雖現行諸染 不生妄欲火 方便中亦現分別有為相 菩薩於諸有 不生亦无退示現生退事 方便智力故 棄捨魔業處 住佛境界中 智慧不怯弱 示現諸魔事 菩薩大悲力 奮進方便智 住聖無上處 而現凡夫事 以入諸法相 知諸法體空 常處於涅槃 而不捨世間 諸法自體空 寂靜及无相 為利益衆生 相好莊嚴身 無礙現无智 無瞋現无慈 而能益衆生 是名為方便 菩薩摩訶薩 住彼如是處 是名亦聖人 種種諸方便

復次諸善男子如來應正遍知更有方便汝等應知何以故諸善男子諸佛如來有十二種勝妙功德猶如醍醐於諸味中軍為勝上清淨第一能淨一切諸佛國土如來於中成阿耨多羅三藐三菩提何等十二一者示現劫濁二者示現時濁三者示現衆生濁四者示現煩惱濁五者示現命濁六者示現三乘差別濁七者示現不淨佛國土濁八者示現難化衆生

濁九者示現說種種煩惱濁十者示現外道亂濁十一者示現魔濁十二者示現魔業濁善男子一切諸佛所有國土皆是出世功德莊嚴具足清淨無有諸濁如此過者皆是諸佛方便力現為利衆生汝等應知今時聖者文殊師利法王子菩薩白佛言世尊如來應正遍知說此十二軍一切德清淨佛國如來當於何等國土成阿耨多羅三藐三菩提佛告文殊師利一者彼佛國土衆生畢竟能成勝清淨劫難諸劫濁具足功德如是淨土如來於中成阿耨多羅三藐三菩提二者彼佛國土衆生畢竟能成最勝妙時諸佛法行不失時節如是淨土如來於中成阿耨多羅三藐三菩提三者彼佛國土衆生畢竟能成最勝法器受佛正法如是淨土如來於中成阿耨多羅三藐三菩提四者彼佛國土衆生畢竟能成淨妙智海清淨一切諸煩惱垢如是淨土如來於中成阿耨多羅三藐三菩提五者彼佛國土衆生畢竟能成柔軟之心其

中常有調伏衆生如是淨土如來於中成阿耨多羅三藐三菩提六者彼佛國土衆生畢竟能成最勝妙乘能以一乘究竟取於無上涅槃如是淨土如來於中成阿耨多羅三藐三菩提七者彼佛國土衆生畢竟能成勝器世間無有餘相如是淨土如來於中成阿耨多羅三藐三菩提八者彼佛國土衆生畢竟能成如來正教無諸一切外道邪法如是淨土如來於中成阿耨多羅三藐三菩提九者彼佛國土衆生畢竟能成直心正心無有諂曲如是淨土如來於中成阿耨多羅三藐三菩提十者彼佛國土衆生畢竟能成无垢功德成就一切清淨白法如是淨土如來於中成阿耨多羅三藐三菩提十一者彼佛國土所有衆生畢竟能成諸聖人法其中常有勝福田衆如是淨土如來於中成阿耨多羅三藐三菩提十二者彼佛國土所有衆生畢竟能成勝妙道場過去諸佛於中成道如是淨土如來於中成阿耨多羅三藐三菩提文

珠師利是名十二種取勝功德能淨
凡觀子經卷第二 第五段 四
佛土如是淨土如來於中成阿耨多
羅三藐三菩提文殊師利我佛國土
無有聲聞辟支佛等差別之說何以
故諸佛如來離於種種取相過故文
殊師利如來若為一種眾生說於大
乘一種眾生說緣覺乘一種眾生說
聲聞乘如是說者是如來成不清淨
心是如來成不平等心是如來成閻
諍過心是如來成無有平等慈悲之
心是如來成諸相過心是如來成於
諸法中生慳惜心文殊師利我為眾
生說於何等何等之法彼一切法隨
順菩提隨順大乘取一切智畢竟究
竟能到一處謂能到於一切智處文
殊師利是故我土無乘差別
余時聖者文殊師利法王子菩薩白
佛言世尊若無三乘差別性者何故
如來為諸眾生說三乘法而言此是
聲聞學乘而言此是緣覺學乘而言
此是菩薩學乘佛告文殊師利諸佛
如來說三乘者示地差別非乘差別
諸佛如來說三乘者說法相差別非

乘差別諸佛如來說三乘者說人差
凡觀子經卷第二 第六段 一
別非乘差別諸佛如來說三乘者示
少功德知多功德而佛法中無乘差
別何以故以法界性無差別故文殊
師利諸佛如來說三乘者令諸眾生
悉入如來諸佛法門令諸眾生漸入
如來大乘法門如學諸伎次第修習
文殊師利譬如射師於射智中究竟
到射第一彼岸能以種種无量方便
教諸弟子如已知見一切究竟文殊
師利如來射師亦復如是於諸法中
皆悉究竟到於彼岸即以如來一切智
智分別而說亦諸眾生三乘差別如
世射師教諸弟子文殊師利譬如少
火所有炎漸漸增長能遍世界乃
至成於劫燒大火文殊師利如來智
火亦復如是即彼一智光明之性次
第增長成就如來一切知見大智光
明能燒一切諸染煩惱文殊師利譬
如諸大須弥山王無分別心眾生到
者皆同一色所謂金色文殊師利如
來世尊无上大智須弥山下亦復如
是於諸眾生無有分別若有眾生入

佛法者彼諸眾生皆成一色所謂一
凡觀子經卷第二 第七段 四
切種智妙色文殊師利譬如因陀羅
淨妙清色摩尼寶珠置在一切器世
間中彼摩尼寶所有境界彼境界中
一切諸色種種諸相摩尼珠力皆同
一色所謂青色文殊師利如來世尊
無上青色摩尼寶珠亦復如是智慧
光明照眾生者皆同一色所謂一切
種智之色文殊師利譬如大海无量
百千河澗水入已一切皆同一味
所謂滋味以常住故文殊師利大海
水者名為如來一切智慧種種河澗
水皆入者名為聲聞緣覺菩薩入已
一切同滋味者名為一乘常住者名
無分別一切種智文殊師利依此義
故汝應當知无乘差別文殊師利是
故佛說地差別者亦諸眾生三乘作
業漸次令入說法相差別者亦現眾
生如來種種智漸次令入說少功德知
多功德者亦諸眾生三人差別亦現
如來奮迅方便無導辯才文殊師利
諸佛如來說三乘者依世諦說文殊
師利諸佛如來說一乘者依第一義

說第一義者

是佛子經卷第二 第六十一

文殊師利我佛國土所有外道僧徒毗世師遮梨迦尼軋子等皆是諸佛如來方便皆是如來神力住持世間能見何以故以諸如來善除一切諸惡對故文殊師利諸佛如來名為善逝有怨對者無有是處文殊師利譬如世間轉輪聖王成就少分善根功德斷絕善根非究竟法具足一切貪瞋癡等諸結煩惱不離三有不離一切諸使煩惱不離一切垢染煩惱彼轉輪王畢竟無有一切怨對畢竟無有一切敵對何以故文殊師利以轉輪王无怨刺故文殊師利何况如來成就一切功德智慧得不斷絕大慈悲心行於無漏虛空法界滿足七覺諸善功德畢竟成就就不忘失法能轉無上大妙法輪畢竟成就无上菩提而有棘刺諸魔怨刺外道敵對無有是處文殊師利我佛國土所有僧徒毗世師遮梨迦尼軋子等皆是如來住持力故方便示現文殊師利此諸外道善男子等雖行種種諸異些相

皆同佛法

是佛子經卷第二 第七十一

一橋梁度更無餘濟故文殊師利一切禽獸無有能於師子王前立出聲者文殊師利如來師子大丈夫具足十力四無所畏一切外道尼軋子等无一敢於如來境中與佛世尊諍論法是非作師子吼者無有是處除諸如來方便力者文殊師利譬如日輪出能放大光明羅網一切諸魚並火光明皆悉休息一切摩尼諸火光明亦不能現文殊師利如來出世放大智慧日輪光明一切外道尼軋子並螢火智慧諸光明等皆悉閉塞不能顯現文殊師利譬如鐵王名阿塞件陀彼所在處一切凡鐵皆不敢住何以故以獨相故不共凡鐵同在一處文殊師利如來鐵王亦復如是隨何國土出世之處一切凡鐵諸外道等皆不得生何以故以佛如來獨相出世故文殊師利譬如何等何等處所有如意寶摩尼王出彼處不生偽琉璃珠文殊師利如來如意大智寶王隨何國土出現於世彼處一切諸外道等皆不得生文殊師利譬如何等寶性中出閻浮檀金彼處不出諸銅鐵等文殊師利如來寶性亦復如是隨何國土出現於世彼處不生諸外道等文殊師利依此義故汝應當知隨何國土如來出世彼處不生諸外道等何以故文殊師利我佛國土有諸外道尼軋子等皆是如來住持力故為欲示現不可思議方便境界何以故此諸一切諸外道等皆是住於不可思議解脫門故皆是大智究竟般若波羅蜜門故一切皆得大方便力奮迅自在故一切皆得不捨佛法僧等念故一切皆到第一彼岸以大神力教化衆生故一切皆得如來加力教化衆生故說此一乘門時八千天子依聲聞行聞一乘已發阿耨多羅三藐三菩提心五百比丘得住一乘平等大智燈明三昧千二百萬菩薩得無生忍此三千大千世界六種震動諸天在於虛空界中悉皆雨天優鉢羅華鉢頭摩華拘牟頭華分陀利華雨天栴檀諸末香等一切盈滿如來足下无量百千諸天子等

尼釵子經卷第二 第十九張

名

住虛空中作諸百千種種伎樂俱出妙聲供養如來雨天衣雨擊諸天鼓而作是言我於世間未曾聞此希有上妙最勝法門復自佛言世尊願此法門究竟住於閻浮提中作大饒益一切衆生八千比丘各各脫身所著上衣奉獻如來今時世尊而說偈言

文殊汝當知諸佛勝方便我出有法時方便示時濁一切時有法畢竟常清淨隨衆生受法故現衆生濁諸佛勝智人出於妙劫中國土常清淨是故說无濁我於無量劫具足修苦行清淨諸業障得勝智功德能於无量劫壽命常无盡除佛方便力是故無命濁衆生起常想故我亦无常以無數劫命示行短壽相如來勝功德无量劫所修薄福性衆生聞生驚怖心為此衆生故分別差別說究竟皆成佛更無有餘衆我為化衆生分別說餘道漸化令入一故無三差別譬如善射師快能知刀箭為教諸弟子一藝種種說如來亦如是為成就衆生而於一法中種種差別說我於諸衆生

尼釵子經卷第二 第三張

名

無有差別心以器不同故所說有分別若无平等心人說我慳嫉自取寂上乘與衆生下法上因陀羅寶隨處青光色普照物皆同而實无分別佛无上智寶光明照世間同一菩提色離諸分別心譬如微小火增長成火明諸羅漢少智增長成佛慧一切諸衆生住諸須彌處依須彌光力一切同一色如是諸衆生住佛須彌法如來法力故同一佛色身譬如蜜蜂方集諸種種物置在一器中和合成一味佛說三亦介為熟衆生根說諸種種法成佛菩提味譬如轉輪王出無怨敵對我法王出時亦无外道刺譬如日輪出餘光皆閉塞佛日輪出已外道自除滅隨生鐵王處不生餘凡鐵隨佛所生處不生諸外道隨生妙金處不生餘銅鐵隨佛成道處自然無外道譬如摩尼寶不共鐵雜住是故出生處無偽琉璃珠如來摩尼珠出處亦如是不雜諸外道同時一國土外道大神通皆自在菩薩汝當知方便亦現如是相一切諸菩薩聞諸外道等具足方便力皆發歡喜心各各生尊重恭敬恭敬意

尼釵子經卷第二 第五張

名

散花供養佛種種妙香薰於彼說法時大地六種動虛空出聲音希有未曾聞無量諸天子空中含掌讚同聲言善哉善哉修伽陀大薩遮尼釵子所說經諸嚴熾喜品第四

爾時南方國大薩遮尼釵子與八十八千萬尼釵子俱遊行諸國教化衆生次第到於鬱閼延城復有無量百千諸衆或歌或舞吹脣唱嘯作百千種種伎樂前後侍從大薩遮尼釵子詣鬱閼延城今時國主嚴熾大王聞大薩遮尼釵子衆從南大國與元量衆詣鬱閼延聞如是已即生尊重大薩遮尼釵子心生尊重心已為欲迎大薩遮尼釵子以大王力王神通力王奮迅力與諸大目及諸王子受學師長合家眷屬國大長者諸小城邑衆落土主為馬車步四部大衆前後導從恭敬圍遶推鍾鳴鼓作百千種種無量伎樂打百千種種妙聲鼓吹百千種種妙聲疊建百千種種雜色繒蓋幢幡散百千種種妙華優波羅華鈴頭摩華拘牟頭華分陀利

華阿輪迦華薄拘羅華鞞羅迦華阿
提目多伽華通布道路金瓶銀瓶威
百千種諸雜妙花以百千種諸寶香
爐燒無價香置前而行詣薩遮尼乳
子處時大薩遮尼乳子還見嚴熾王
與大眾來薩遮尼乳子見已下道在
一樹下敷座而坐時嚴熾王還見薩
遮尼乳子所坐摩尼寶百千巧妙元價莊
嚴如意寶林時大薩遮尼乳子問許
於王作如是言善來大王王今善種
無上軍勝希有功德福多不少何以
故以王能降天尊貴重自在之心屈
意卑下來詣沙門問訊起居大王於
汝所治國內無諸盜賊之命羣黨亂
人民不無有諸官殘暴侵食諸人民
不無諸異業對偽僞詐欺誑世間諸
人民不無諸反叛叛亂國土諸人民
不無諸偷劫相竊盜不所在邊國諸
官禁司无欺大王不行王命不大王
汝所治化國內所有沙門於淨行人
安樂住不衣服飲食房舍卧具疾病
湯藥資生所須一切之物不乏不少

不汝國人民皆得善心尊重供養諸
沙門衆淨行人不大王汝今所治國
內無諸屠獵羅網河岳焚燒山澤放
鷹走狗鈎刺魚龍彈射禽獸作諸坑
陷毒箭機擄行然害不大王汝今一
國之主制命自在教令善惡無敢違
者汝登王位所設教令無不善不國
內人民所行善惡汝悉知不能行善
者汝勸進不行不善者汝勸捨不大
王汝身不起惡念加害一切二足四
足多足無足諸衆生不何以故大王
當知一切衆生有識之類實重身命
無不畏死至於業對百年壽終莫問
老少無一引分言應去者何以故受
命重故何況加害而不生憐命終之
後更相怨嫉與怨相報无有窮已是
故大王汝當遠離離生之罪捨離刀
杖無起害心大王汝今應當遠離偷
盜之罪捨自資生當生知足於他資
生無起欲心大王汝今應當遠離邪
姪之罪自妻知足他妻无求無起邪
心大王汝今應當遠離妄語之罪常
作實語出言成法無發虛言大三汝

今應當遠離兩舌之罪無破壞語於已
破者當念和合無起壞心大王汝今
應當遠離惡口之罪常作愛語柔軟
妙語无起虛語大王汝今應當遠離
綺語之罪常決定語憶念語無不正
語大王汝今應當遠離貪欲之罪於
他受用無希望心於他所護无生奪
心生歡喜心大王汝今應當遠離瞋
恚之罪常生慈心清淨心業無起恨
心大王汝今應當遠離邪見之罪見
自業果隨順聖人而生正見無起異
見何以故然生之罪能令衆生墮於
地獄畜生餓鬼若生人中得二種果
報一者短命二者多病偷盜之罪亦
令衆生墮於地獄畜生餓鬼若生人
中得二種果報一者貧窮二者共財
不得自在邪嫉之罪亦令衆生墮於
地獄畜生餓鬼若生人中得二種果
報一者婦不受語二者自妻為他侵
奪妄語之罪亦令衆生墮於地獄畜
生餓鬼若生人中得二種果報一者
常為他人所謗二者常為他人所誑
兩舌之罪亦令衆生墮於地獄畜生

法苑珠林卷第二 第六卷四

餓鬼若生人中得二種果報一者得破壞眷屬二者得弊惡眷屬惡口之罪亦令衆生墮於地獄畜生餓鬼若生人中得二種果報一者不聞善名二者常起鬪諍綺語之罪亦令衆生墮於地獄畜生餓鬼若生人中得二種果報一者得不敬重語二者言無定實不為他樂貪欲之罪亦令衆生墮於地獄畜生餓鬼若生人中得二種果報一者不知足二者常生貪心瞋恚之罪亦令衆生墮於地獄畜生餓鬼若生人中得二種果報一者无安隱心二者常念損害無有慈心邪見之罪亦令衆生墮於地獄畜生餓鬼若生人中得二種果報一者常生邪見家二者心常諂曲大王當知如是無量无边苦衆皆由十不善業集因緣故是故大王汝莫放逸輕作惡業當觀諸法有為無常一切世間无可保者人命無常住少時間勿生常想大王當觀劫初已來天尊王位土地人民皆就無常无一在者當知此身甚為危脆如焰如響如影如電如水

法苑珠林卷第二 第六卷四 四

中月如鏡中像如水聚沫如水上泡如芭蕉實如琢石火如夢所見如山谷中瀑水卒起過滿瀾澗須臾過盡還就枯竭大王當知身命非實元常亦尔俄尔零落就未來世不可免脫是故大王莫恃現在當畏未來大王當知善惡果報共相追逐如聲發響如影隨形無能免者亦如連鑠不可斷絕莫輕作業自招重苦今時大薩遮尼乾子重說偈言

大王汝今當莫作放逸行若不捨諸惡死必入地獄以作惡行者定入泥犁故攝心不放逸生天帝釋處一切諸衆生無不受壽命王若求長生不應行煞害大王知世人立苦集財寶常憂不活命不應起侵奪以不侵奪故生處常富足若故侵損他常生貧窮家節已莫輕他自妻生足心是故妻愛己不為他人侵莫說虛妄言常念依實語實語生帝釋妄語生餓鬼常念離兩舌和合破壞人眷屬常離惡遇此生梵天出言莫虛鑠說今他樂聞善語生天上常聞美妙音念離諸綺語善思美妙言報生天帝釋

法苑珠林卷第二 第六卷四 四

諸天欲受教若欲自利益莫令侵惱他生貪榮世報錢財資五家若不修慈悲能行眼害心雖行諸善行死入於泥犁大王汝今當應捨瞋恚癡常慈念衆生莫行諸惡害王當捨邪見堅固正見心常持清淨法天中受樂身比丘修梵行汝當常供養是故捨惡道受樂於天上今時大薩遮尼乾子問說王已為嚴熾三說不放逸十善業道相應法已默然而住

大薩遮尼乾子所說經卷第二

癸卯歲高麗國大藏都監奉勅彫造

大薩遮尼札子所說經卷第三

四

王論品第五之一

元觀天生三藏菩提留支譯

今時國王嚴熾王聞大薩遮尼札子所說正法歡喜信受即時問訊大薩遮尼札子言大師仁慈而能遠涉造化衆生道路多難不審大師四大調和氣力安不衆生易化不諸弟子衆如說所不幸蒙大師不耻我國今得奉見聞說正法我心歡喜如見慈母如飢得食如渴得水如裸得衣如貧得寶如熱得涼如寒得火如盲得視如聾得聽如囚得赦如賤得貴如迷得返如學達師我心歡喜亦復如是復作是言大師當知我徒向來心自思念正法難聞良師難遇人身難得諸根難具正見難生信心難發合會難俱自在難達太平難值如是諸難我皆免離今遇大師如入大海欲採珍寶得大寶諸我有所疑志欲請問特大薩遮尼札子告嚴熾王言隨王

所疑今悉可問我當為王分別解說除決所疑令王開解今時嚴熾王見大薩遮尼札子聽許問已心生歡喜而發問言大師何等生法何等住持於何法上而有此名薩遮尼札子言大王當知所言生者謂諸衆生言住持者謂器世間言衆生者謂五取陰聚名為衆生以何等法名五取陰謂色取陰聚受取陰聚想取陰聚行取陰聚識取陰聚大王當知依此五法說名衆生說器世間說衆生者謂攝四生外生胎生濕生化生說器世間者謂攝虛空地水火風王言大師誰能護此一切衆生誰能護持此器世間答言大王皆是衆生自業果報及王國主力能護持王復問言大師云何自業果報能護衆生答言大王有諸衆生自業增上果報力故而生勝處而彼衆生於一切物無怙護心不生彼我自他之心一切所須資生之物不加功力隨念具足盡其命住安隱快樂離憂痛苦寒熱飢渴種種痛惱亦無惡心迭相加害亦无欺誑虛

妄之心聚落城邑七寶莊嚴常行勝樂妙觸境界滿足千歲壽盡捨身而後生天上善道受樂如此所謂北鬱單越業護衆生大王當知復有衆生依於自業果報力故生勝妙處身有光明飛騰虛空處禪悅樂以為美食不八胎生壽命無量住世長遠如此所謂初衆生大王當知復有衆生依自業報過去功德勝因力故生世間中而知敬心尊重父母及家尊長并諸沙門淨行人等以為福田常行善行作所應作畏於惡行常受善持五戒八戒而作布施集諸福德此謂初衆生第二時中善根衆生大王當知今時衆生善根滿足不起諸惡是故世間未立王法如是名為自業果報能護衆生王言大師如是業護我已知竟云何名為國主王力能護衆生答言大王諸王衆生是衆生主而彼主力能護衆生王言大師彼諸王等何故名王答言大王王者民之父母以能依法攝護衆生今安樂故名之為王大王

卷之三 第四

當知王之養民當如赤子推乳去濕不待其言何以故大王當知王者得立以民為國民心不安國將危矣是故王者常當憂民如念赤子不離於心當知國內人民苦樂以時安行知水知旱知風知雨知熱不熱知豐知儉知有知無知憂知喜知老知少知病不病知諸獄訟知有罪知無罪知輕知重於諸王子大目諸官知有王者知无功者如是知者名不離心大王當知王於國內如是知已以力將護所應與者及時給與所應取者念當量量役使知時不奪民利禁貪暴民得安樂是名攝護名之為王

大王當知王有四種一者轉輪王二者少分王三者次少分王四者邊地王轉輪王者有一種轉輪王謂灌頂刹利統四邊畔獨草軍勝護法王彼轉輪王七寶具足何等七寶一者夫人寶二者摩厘寶三者輪寶四者鳥寶五者馬寶六者大目寶七者主藏寶彼轉輪王如是七寶具足成就遍行大地無有敵對无有怨刺無有

卷之三 第五

諸惱無諸刀仗依於正法平等无偏安慰降伏王言大師云何名為轉輪聖王統四邊畔答言大王以王四天下得自在故王言大師云何名為獨尊軍勝答言大王所出教令無違逆故王言大師云何護法答言大王修十善法不令邪法發生等壞名為護法王言大師云何法王答言大王轉輪聖王以十善道化四天下悉令受持離十惡業行十善道具足成就名為法王王言大師彼轉輪王依何因得第一夫人寶云何成就答言大王轉輪聖王依離瞋心不善業故得夫人寶與已相對愛敬勝樂名為成就云何名為受軍勝樂大王當知彼轉輪王夫人身中常出無價栴檀妙香口中常出優鉢羅華無價之香身體柔軟如迦陵伽鳥迦陵伽鳥在大海渚彼諸眾生若有觸彼迦陵伽鳥者即得遠離身諸疲勞亦離飢渴并諸憂惱受第一無極快樂轉輪聖王見彼夫人所受快樂亦復如是大王當知彼夫人身寒時能暖熱時能涼世

卷之三 第六

間無人手能觸彼夫人身者何以故以離貪心不善業道依善根因故一切眾生觀察敬重如母如女如姊妹故而彼夫人於轉輪王生三種心何等為三一者心常尊奉於王不生異心二者心常恭於王三者心常念轉輪王何以故以王能離貪心垢故復次大王轉輪聖王夫人寶者離於女人五種惡法何等為五一者離於女人無志輕躁之心二者離貪餘男子心三者離於怪嫉妬心四者離於非處起貪顛倒之心五者轉輪聖王命盡彼亦俱盡復次大王彼夫人寶有五種功德何等為五一者知念不違王心二者能生千子具足三者自然姓尊豪貴四者能令住處具足一切資生五者若王與諸女人受欲樂時不起嫉妬瞋恨惡心復次大王彼轉輪王夫人成就三種功德何等為三一者離惡口二者離邪見三者若王餘行不在五欲境界不能動心大王當知轉輪聖王夫人捨身生於天上何以故以離貪嫉故如是名為轉

輪聖王夫人功德令王受於軍勝上樂

居天子經卷第三 第七卷 四

王言大師轉輪聖王依何因得彼摩
尼寶答言大王轉輪聖王依離瞋心
不善業故得彼第二摩尼珠寶得受
軍勝光明寶生無上樂故云何軍勝
大王當知轉輪聖王摩尼珠寶有八
種功德何等為八第一功德者彼摩
尼寶於夜黑闇放大光明如秋滿月
光明能照一百由旬至於夏日衆生
患熱以摩尼寶放光觸身得清涼故
第二功德者轉輪聖王若行曠野无
水之處衆生飢渴時摩尼寶即放八
味具功德水充足飢渴第三功德者
轉輪聖王有所須者一切皆從摩尼
寶出第四功德者彼摩尼寶有八楞
相一一楞中出種種光謂青黃赤白
頗梨紅紫第五功德者彼摩尼寶在
所能令一百由旬所有衆生皆離病
苦常得定心所作善業無空過者第
六功德者彼摩尼寶所住境界无諸
惡龍能放毒氣電風惡雨傷害衆生
第七功德者一切山川溪谷溝澗泉

水乳竭急令還復樹林草木華果枯
悴能令滋茂鉞頭摩等池水華林一
切具足第八功德者彼摩尼寶所在
之處人民無有疾疫諸毒非時死者
至於畜生虎狼師子蛇鼠猫狸鷹鷄
之類相食斃者不起害心復次大王
轉輪聖王千子滿足身體洪壯勇猛
雄傑降伏世間隨順王命能護大法
隨順法行心能慈愍一切衆生是名
轉輪聖王摩尼寶用令王得受軍上
勝樂

居天子經卷第三 第八卷 七

王言大師轉輪聖王依何因得第三
輪寶答言大王轉輪聖王依離瞋心
不善業故得彼輪寶所住之處自然
降伏得大勝樂王言大師云何名為
得大勝樂大王當知轉輪聖王所有
輪寶具足能有五種功德何等為五
一功德者彼輪寶體純閻浮檀金具
足千輻廣五由旬顯現世間如第二
日輪二功德者彼輪寶去飛騰虛空
無能障碍一日能行八千由旬三功
德者隨順轉輪王心中念欲詣四天
王行四天下南閻浮提西拘耶尼北

居天子經卷第三 第九卷 四

鬱單越東弗波提時彼輪寶隨王念
履即飛虛空在前而去依彼輪力四
兵爲馬及車步等一切悉皆飛騰而
去四功德者所有不伏轉輪王者王
若心念而彼輪寶隨所念履即飛而
去悉令降伏五功德者彼輪寶勢无
有敵對一切小王見者降伏以轉輪
王依法修行離瞋心故是名轉輪聖
王輪寶之用令王受於軍勝大樂
王言大師轉輪聖王依何因得第四
輪寶答言大王轉輪聖王依離瞋心
不善業故得於爲寶受於第一軍勝
乘樂王言大師云何名為軍勝乘樂
大王當知彼大爲寶猶如良馬調伏
柔軟隨自在用降伏他國七支善住
所謂四足首及陰尾是七種支善住
大力力能堪敵凡爲千數自如凝雪
譬如帝釋伊羅鉢羅爲一切凡爲無
能現前來嗅香者大王彼爲能於三
處有自在用所謂虛空中陸地大
王彼爲能速疾行一日三匝行閻浮
提大王當知彼轉輪王乘爲王者彼
時爲王與王心同道王念履即從而

子三經卷第三 第十口 七

去行步平正猶如鴉王不疾不遲不曲不戾凡人中行不令驚怖乃至女人有摩觸者心不瞋嫉至鬪戰時極能現大兇害之相不可侵犯近行住坐卧眠食拘繫一然能掣牽挽去住隨順無違是名轉輪聖王為寶之用令王受於眾勝乘樂

王言大師轉輪聖王依何因得第五馬寶答言大王轉輪聖王依離瞋心不善業故得彼馬寶受眾近疾第一乘樂王言大師云何近疾大王當知彼馬寶者色白如彼拘牟頭華天旋輪文遍滿身相不大不小不高不下身體正足心性柔軟善能調伏如帝釋王婆羅何馬隨意去住一日三遍行閭浮提無疲勞想大王當知如是名為轉輪聖王為寶之用令王受於第一近疾上勝乘樂

王言大師轉輪聖王依何因得第六大目寶答言大王轉輪聖王依離瞋心得大目寶令王閑遊得受第一無事勝樂王言大師云何無事第一勝樂大王當知彼大目者代王理一

子三經卷第三 第十口 七

如王心憂國忘身不營私務念護百姓如養雙目隨王所念如念即辦不尋不著修行正道難於非法隨時隨處不行惱害正依王命行十善法不違善行不違如法不違如法義皆能具足大王當知如是名為轉輪聖王大臣寶用令王得受第一勝樂

王言大師轉輪聖王依何因得第七主藏寶答言大王轉輪聖王依離瞋心不善業故得主藏寶滿王願心安隱受樂王言大師云何滿足安隱受樂大王當知彼主藏寶有大功德一切諸山深澗幽谷曠野川澤丘陵堆埤坵坎高下不平之處能以金剛寶因陀羅寶摩羅迦多寶馬瑙寶等一切珍寶以用填滿而實不盡何況金珠琉璃頗梨不在數者彼主藏寶心常歡喜無論曲相元異心相不生他惱一切見者心皆歡喜大王當知如是名為轉輪聖王主藏寶用令王滿足一切願樂大王當知轉輪聖王具足如是七寶用故王四天下及諸龍王二種天王謂四天下三十三天共

子三經卷第三 第十口 七

天帝釋分座而坐以依離一瞋恨惡心不善業道得如是等七寶具足受用勝樂何況具足行十善道

大王當知轉輪聖王復有七種名為軟寶所有功德少前七寶何等為七一者劍寶二者皮寶三者牀寶四者圍寶五者屋舍寶六者衣寶七者足所用寶王言大師云何轉輪聖王第一劍寶有何等用大王當知彼劍寶者轉輪聖王所王國內若有心念違王命者時彼劍寶即從虛空飛往詣彼彼諸小王見即降伏拜問劍寶而彼劍寶不起熱心害一眾生是名轉輪聖王劍寶功德一切國土不加刀仗自然隨順大師云何轉輪聖王第二皮寶大王當知彼轉輪聖王所有皮寶者海龍王皮出大海中海商主所持奉獻轉輪聖王彼皮寶身廣五由旬長十由旬體淨鮮潔光曜白日大燒不燒水漬不爛猛風推岳吹不能動體含溫涼能却寒熱隨王去處皮寶亦去而彼皮寶隨轉輪王所有士眾滿十由旬遍覆其上能作屋舍

充足一切人衆所居而彼人衆各得別屋不相防導是名皮實功德之用大師云何轉輪聖王第三牀實大王當知彼轉輪王所有牀實立能平正安隱不動不高不下不廣不狹不長不短不埤不埵不堅不軟不澁不滑柔軟得所若王入禪坐彼牀實即入解脫禪定三昧若王欲起貪瞋癡心坐彼牀實即時俱滅女人見王坐實牀者即皆得離貪瞋癡心是名牀實功德之用大師云何轉輪聖王第四圓寶大王當知彼轉輪王若欲入於禪定之時入彼圓中即得定心若王欲受五欲樂時入彼圓中依王所行善業功德諸天界中所有可樂華果諸鳥泉水流水池水河水效樂歌舞戲樂之具於彼天中自然隱沒現於王前時轉輪王亦如諸天受諸欲樂是名圓寶功德之用大師云何轉輪聖王第五舍寶大王當知彼轉輪王若入彼屋欲見日月彼諸星宿即彼屋內一切悉見彼天宮殿所有種種殊異珍翫悉見无導彼諸天中所作

效樂屋中悉聞即離憂惱一切疲勞於睡眠中極受快樂於其睡中夢見種種希妙瑞相寒時暖風柔軟香美熱時涼風清冷適悅受快樂夜二分眠第三分起遠離睡眠起受法樂第四分中說法教化是名舍寶功德之用大師云何轉輪聖王第六衣寶大王當知彼轉輪王所有衣寶天如世間綃布絲縷縱橫文章第一柔軟一切塵垢不能點汙者彼寶衣即離寒熱飢渴病瘦憂惱疲極大王當知而彼衣寶火不能燒刀不能割水不能爛是名衣寶功德之用大師云何轉輪聖王足所用寶大王當知轉輪聖王足所用寶者所謂鞞等若王者者涉水不沒如行陸地入火不燒如清涼池王欲遊行步受戲樂雖復遠行百千由旬不覺疲極是名足寶功德之用大王是名轉輪聖王七種軟寶是十善中少分習氣功德果報非正具足十善業道

無有諸惱云何名為無有刀仗云何名為依於正法云何平等云何名為安慰降伏答言大王通行大地无敵對者以遍大地得自在故無諸刺者以无惡對怨敵刺故無諸惱者不以強力威逼人故无刀杖者離於刀仗不行損害故依正法者以離非法貪瞋癡使行於正法化愚闇故平等者等慈衆生如念一子不偏護故安慰降伏者餘王衆生各各住處不移不奪安隱住故何以故大王當知轉輪聖王王四天下彼時以處所有城邑有諸小王彼諸小王迎轉輪王而作是言大王當知此諸大地如是安隱如是滿足如是大豐如是大樂如是无病衣服飲食自然而得无諸苦惱多諸衆生人民爲馬一切滿足皆是大天聖王所有隨王受用我等隨順大王教命無敢違逆時轉輪王告諸王言汝諸王等各安汝國我來爲汝不爲國土汝等當依正法行化其依邪法依平等心其依偏心汝等國內若邪法起速除滅者是順我命名受

在觀子經卷第三 第十六頌

七

汝國若不除滅我當與汝極大重罪
大王當知如是名為轉輪聖王護諸
衆生諸小王者謂少分王次少分王
邊地王彼二種王隨順轉輪聖王教
令大王當知如是名為大地國主王
化衆生王言大師諸餘小王依何等
法治國養民得為如法答言大王諸
小王等依王論法以道治國護諸衆
生除轉輪王何以故轉輪聖王出在
世時彼時衆生離諸不善惡貪法心
離顛倒貪心離邪見心彼彼諸國無
有非法屠獵師等何以故依法王法
明識罪福心不迷悶不疑於法動則
合理不生過非故大王當知如是名
為轉輪聖王依自業力功德護持於
彼世時諸小王論一切不行
大薩遮尼釐子所說經卷第三

癸卯歲高麗國大藏都監奉
勅彫造

大薩遮尼釐子所說經卷第四

四

元魏天竺三藏菩提留支譯

王論品第五之二

王言大師於何時中諸小王等行王
論法答言大王於末世時轉輪聖王
隱沒不現正法不行邪法覺興衆生
心惡起三種過一者樂於非法貪心
二者起於顛倒貪心三者邪法羅網
纏心彼諸小王自無智慧退失明解
是故聖人說諸小王治國論法為行
正法護世界生王言大師云何名為
樂於非法貪心答言大王於十不善
惡業道中生於樂心是名樂於非法
貪心云何名為顛倒貪心自己手力
得諸資生依時節得依正法得依如
法得不生足心更求他財如是名為
顛倒貪心王言大師云何名為邪法
羅網之所纏心答言大王於諸外道
非義論中起義論想於無益論生利
益想於非法中生是法想於末世時
非是智者所作論中以為正論生於
信心熏修邪見以為福德是名邪法

在觀子經卷第四 第五頌

八

羅網經心王言大師以何等法名為
王論令諸小王依彼論法治國理民
是名如法能護衆生答言大王離諸
顛倒貪欲之心離諸顛倒瞋恚之心
離諸顛倒愚癡之心依對治依實體
依差別依利益依對治依實體者對
所治法所謂名為不貪善根不瞋善
根不癡善根云何能起所治法能治
法所治法者謂放逸心及無慈心能
治法者謂行法行王不放逸心大慈
悲心知身無常資生无常善自觀身
見諸過失能如實知如是遠離受用
資生行法行王雖得自在不行非法
如是名為不放逸心大王當知依王
論法不應得物得不應取所應得者
非時不敢取若依時節應得之物於
貧窮人不逼惱取至於儉難賊難逐
逆難相害難如此難時當起慈心不
避危害護諸衆生於貧窮者施與衣
食於惡行者教以善法是名慈心大
王當知依此二法是則名為行法行
王正護衆生不放逸心大慈悲心
王言大師行法行王有慈悲心云何

而能治彼惡行諸衆生等答言大三
彼法行王若欲治彼惡行衆生先起
慈心智慧觀察思惟五法然後當治
何等為五一者依實非不實二者依
時非不時三者依義非無義四者依
柔軟語非麤獷語五者依慈心非瞋
心王言大師云何依實非不實答言
大王如法詰問取其自言依實過治
不依不實是名依實非不實王言大
師云何依時非不時答言大王王有
力時彼違王命應治其罪若王无力
應止不治是名依時非不時王言大
師云何依義非無義答言大王當問
前人何心起罪若從惡心應如法治
若非惡心不應治罪是名依義非無
義王言大師云何柔軟非麤獷語答
言大王知此衆生所犯王法但應呵
責不合餘治應如其過正說不隱善
說若言如是呵責非不呵責是名軟
語非麤獷語王言大師云何慈心非
瞋心答言大王智者知此非但呵責
斷此罪過除却斷命不得割截手脚
眼耳鼻舌依於大慈大悲之心聽繫

閉牢獄枷鐐打縛種種呵責奪取資
生驅擯他方為令改悔非常惡心捨
此衆生是名慈心非瞋心王言大師
行法行王云何如是答他衆生繫閉
打縛驅擯他方而復說言有慈悲心
二法相違云何名為行法行王今時
大薩遮尼乾子告言大王如此之義
我今為汝說於譬喻大王當知譬如
父母於惡行子為念子故欲令改悔
方便苦治除不斷命不壞諸根餘打
罵等隨心苦治不名捨心不名惡心
不名惱心以念子重為令改悔更不
作故而彼父母不名非法名為念子
不失慈心大王當知行法行王治諸
一切惡行衆生亦復如是慈心重故
為令改悔除却斷命不壞諸根生大
慈心起大悲心繫閉打縛惡口呵罵
奪其資生驅擯他方為令改悔捨惡
從善亦令其餘念惡衆生不作非法
非常惡心捨此衆生亦不故心為惱
衆生而行苦切如是名為行法行王
以慈悲心行惡口等治罪衆生不名
非法不失慈心是故二行名雖有違

而不相違
王言大師何等是惡行衆生答言八
王惡行衆生略說有五如是應知何
等為五一者於王無利益衆生二者
迭共作無利益衆生三者起逆衆生
四者邪行衆生五者邪命衆生大王
當知於王无利益衆生有十一種何
等為十一者返逆衆生二者教他
返衆生三者與王毒藥衆生四者奪
王資生衆生五者破王所應作事衆
生六者侵奪王妻宮女衆生七者違
王命衆生八者出王密語衆生九者
覘伺國土衆生十者罵王衆生十一
者毀譽王衆生如是等大王當知是
名於王无利益衆生
大王當知迭共作無利益衆生者有
十種何等為十一者迭共相煞衆生
二者迭相劫奪衆生三者迭相侵妻
衆生四者虛妄證他衆生五者虛妄
誑他衆生六者壞他親友衆生七者
惡口罵他衆生八者惡業斗秤欺誑
損他衆生九者迭相毀譽衆生十者
迭相焚燒衆生大王當知如是等名

送共作無利益眾生

尼釵子經卷第四 第六張 四

大王當知返逆眾生者謂諸邊地城邑小王聚落主等不目根本大王教命如是名為返逆眾生

大王當知邪行眾生者謂无戒眾生何等無戒所謂具足諸惡律儀屠兒獵師畜養猪羊雞犬鵝鴨猫狸鷹鷄釣射魚鼈造諸羅網火燒毒箭劫奪虫獸斷害他命自恣作惡如是名為邪行眾生

大王當知邪命眾生者所謂出家剃除鬚髮斷諸資生修無著行者諸種種異相衣服不護禁戒起種種見行諸異行種種方便求諸利養非法活命各各不能自法中住如是名為邪命眾生

王言大師行法行王云何治彼五種眾生答言大王行法行王治彼罪人不斷其命不行割截耳鼻舌手足身報有三種治法何等三法一者呵責以為治罪二者奪其所有資生以為治罪三者牢獄繫閉枷鎖打縛呵罵驅擯以為治罪隨彼五種作惡眾

生上中下罪三種治法是名行法行

尼釵子經卷第四 第七張 四

王治彼五種作惡眾生

王言大師行法行王云何治彼於王作無利益眾生答言大王如是罪人除不斷命不壞諸根得繫閉牢獄枷鎖打縛奪其資生驅擯他處以為治罪大王當知如是名為行法行王治彼於王作无利益眾生之罪

王言大師行法行王云何治彼迭共作無利益眾生答言大王除不斷命不壞諸根得繫閉牢獄枷鎖打縛不得全奪所有資生六分之中奪其一分驅擯他處大王當知如是名為行法行王治彼迭共作无利益眾生之罪王言大師行法行王云何治彼起逆眾生答言大王行法行王先以善言如法開示若聞王命即捨逆心請罪王所者王放大恩恕其重罪依其國土王領之處不減不奪亦不驅出何以故為令知王有三種事故何等三事一者有信二者有恩三者大力未降伏者為令降伏已降伏者令不更作欲返逆者令不敢起大王當知

彼有罪人得免其罪還伏王位人民安隱彼如法王得福無量善名流布

尼釵子經卷第四 第八張 四

若彼罪人聞大王命不肯伏罪當加重治不得斷命不壞諸根盡奪資生國土人民驅擯他處何以故為餘眾生不起逆故大王當知如是名為行法行王治彼起逆眾生之罪

王言大師行法行王云何治彼邪行眾生答言大王如是惡人不得斷命不壞諸根不得驅擯不得奪其資生之物惟呵責治罪而作是言若汝更作如是如是事者與汝重罪是名行法行王治彼邪行眾生之罪王言大師行法行王云何治彼邪命眾生答言大王應當隨順如法僧眾大王當知若彼比丘破戒邪見不依正法如實修行邪命自活者僧當和合喚令現前取其自言彼若自引所作是罪隨犯輕重當如法治若彼比丘非違僧命不從師友善知識語惱亂眾僧不得修道者若彼國主是法王者僧當往語令王教勅順從僧命令時行法行王先應喚彼破戒比丘

善言勸喻令順僧命若其不從當集
二衆現前對實若得其罪助如法衆
治彼比丘不得斷命不得割壞一切
諸根不得因閉不得枷鎖不得搥打
不得脫袈裟不得奪其資生之物得
呵責得驅擯大王當知若有二衆明
黨諍訟依破戒依邪見依顛倒邪行
依種種邪命起種種異諍種種異說
種種異語行法行王若自知法若自
知義應當如法斷彼諍事若彼國王
闇鈍無知不自知法不自知義不知
正法不知邪法不知如法衆不知非
法衆不知如法語不知非法語余時
彼王應問國內大德沙門知法知義
有大智慧常行正法利益衆生善知
斷諍能如法語者問其正法知犯非
犯如是知已然後如法為滅彼諍大
王當知如是名為行法行王治彼邪
命衆生之罪

王言大師若彼國王闇鈍無智國內

多諸沙門婆羅門所行各異不相是

非各各自言我是沙門修正道者能
利衆生我是福田應受供者如是各

各不相是非云何得知是真沙門非
真沙門是正道是邪道是如法語非
法語大王當知有大沙門釋迦子出
家為道得神通證有大名稱如來應
正遍知彼諸弟子比丘比丘居於彼
瞿曇法中住者是真沙門能行正道
利益衆生是福田者能知正法是如
法語者大王當知除彼沙門瞿曇法
外餘諸一切婆羅門等是名邪道非
實沙門非法語者不應取語何以故
大王當知彼無正法云何能得如法
之語

王言大師若彼國王闇鈍無智不知
王論不行正法自在作惡是國王罪
誰應當治答言大王彼王自身自罪
自治王言大師云何自身而自治罪
答言大王彼王當依二法自治何等
二法一者依自力二者依外力依自
力者彼王應當如是思惟我今所行
為是放逸為非放逸為有慈心為無
慈心為是應作為不應作為是善業
為是惡業若知所作是不應作是惡
業者即止不作生慚愧心悔過自責

畏惡名稱畏惡道當依二法護惜
自身何等二法一者放逸二者無慈
悲心如是名為依自智力自罪自治
若王無智不能如是自思惟者應於
國內處處推求有大智慧善知王論
常行正法能如實語諸沙門等王應
自往彼沙門所若不自往當遣大臣
王子貴人所重者詣彼沙門宣王
渴仰尊重之心將至王所若彼來者
王應迎送禮拜問訊盡恭敬心盡尊
重心問沙門言何等善行何等惡行
行何等法能有利益行何等法無有
利益我心闇鈍無有智慧願為我說
時彼沙門應當為王廣說過去行法
行王所行之法諸王論法以柔軟語
語彼王言如是如是法應當奉行有
大利益謂十善法不熟生等如是如
是法不應行无有利益謂十惡法如
熟生等如是如是等是行法行王所
行之法王今不知應捨十惡等惡行
法應行十善等善行法聞已受持如
法改悔若能如是名依外力自罪自
治王言大師行法行王云何護器世

尼乳子經卷第四 第二法四

聞者言大王行法行王不焚燒不破壞不澆灌是名護器世間行何以故一切皆是作不善業是故行法行王不應焚燒破壞澆灌城邑聚落山林川澤園觀宮殿莊嚴樓閣一切行路及諸橋梁自然窟宅一切穀豆麻麥花果草木叢林不應焚燒不應破壞不應澆灌不應斫伐何以故以彼諸物皆共有命畜生等有無不用者而彼衆生無有罪過不應損其所受用物令生苦惱又彼一切外樹林等諸善淨天一切鬼神皆悉共有於中受用屋舍宮殿莊嚴樓觀諸天共住又彼園池屋舍宮殿莊嚴樓觀一切水陸有命諸虫悉皆共用所謂雀鼠鷄狗鳩鵲鸚鵡爲馬牛羊貓狸蛇蝎飛鴨魚鼈乃至一切微細諸虫所共受用行法行王與諸衆生共依止此器世間活不應破壞如是名為行法行王護器世間安樂衆生王言大師行法行王無量諸天侍從護王天力自在能護於人云何而言人能護天若言大王行法行王能與彼天正命淨

尼乳子經卷第四 第三法四

食所謂爲說如來正教甘露法門釋定解脫十善道等今其得離諸惡道苦以是爲護除諸不善煞生鬼等何以故攝在惡命自治衆生分故是故行法行王即身能集無量功德資益現在未來復能集諸善果大王當知行法行王不應焚燒破壞除滅如來塔廟及諸沙門淨行人等房舍窟宅資生之物園觀樓閣樹林華果亦不應取亦不應貪除欲爲利佛法僧者王言大師行法行王所有目佐宰官禁司不受國計但求利己或從私忿以害公政或受貨財以枉治道增長百姓迭相欺亂以強陵弱以貴輕賤以富欺貧以曲枉直富者獲申貧者受屈諂佞宰政忠賢隱退或時在朝懼危自默或行求財貨用安已百姓貧苦不堪充濟默苦思亂不聞王命斯由目吏不行忠節欺上亂下胃受王祿如是之人攝在何等衆生數中答言大三如是惡人攝在劫奪衆生數中上品治罪何以故大王當知其受三宅官重祿捨公念私不存公

尼乳子經卷第四 第四法四

政禍亂之生莫不由之此是國之軍大惡賊王是法王不得斷命是故攝在劫奪數中上品治罪王言大師行法行王國內若有不孝衆生不念父母生養之恩捨背父母與妻子居所有衣食病瘦醫藥念給妻子不與父母父母衰老出入無力曾不生憂親近扶持於其妻子晝夜不離得一美味不敢自取持與妻子或偷父母所有財寶私共妻子歡樂食毀父母善言不肯隨順妻子惡語信用無捨或爲妻子呵罵父母或共親族母女姊妹尊卑上下行於姓欲無慚愧心如是衆生攝在何等衆生數中答言大王如是惡人攝在劫奪衆生數中上品治罪何以故大王當知父母恩重至心孝養猶不能報何況棄捨違逆教命是名世間最大劫賊王言大師行法行王國內有人放逸無慈於其妻子奴婢者屬能行不忍非法驅使非時驅使不應作者強逼令作至於打罵無過能行衣食不充眠卧無所嘆不及應走則嫌遲出言

常罵如似怨家如是之人攝在何等衆生分中答言大王攝在邪行衆生分中中品治罪何以故大王當知居家資生奴婢共報有其半分自分衣食恣意著取奴婢之分護惜不與設令給與不依時節應多與少常令不足是名世間軍大邪行

王言大師行法行王國內有人於佛法僧作不利益焚燒破壞塔寺形像及諸經書惡言毀謗言造作者元有福利其供養者虛損現在無益未來或嫌塔寺及諸形像妨導廢所破壞陰賊迷置餘廢或破沙門淨行人等房舍宮宅或取佛物法物僧物園林田宅爲馬車牛驢騾駝奴婢僮僕衣服飲食金銀琉璃車馬瑤一切珍寶或捉沙門禁役驅使責其發調罪令還俗或時輕心持諸沙門欲爲戲笑不備時供虛詐請喚不與飲食設與飲食不及時節與非法食或時輕賤毀謗罵詈惡言誹謗或以杖木土塊瓦石及自手撻打諸沙門或捉刀槊弓箭鋒戟斫射傷害或推水中

或推火中或推山巖坑陷之中或放爲馬虎狼師子惡狗毒獸傷害其身如是惡人攝在何等衆生分中答言大王如是惡人攝在惡逆衆生分中上品治罪何以故以作根本極重罪故王言大師何者根本罪答言大王有五種罪名爲根本何等爲五一者破壞塔寺焚燒經像或取佛物法物僧物若教人作見作助善是名第一根本重罪若謗聲聞辟支佛法及大乘法毀謗留難隱蔽覆藏是名第二根本重罪若有沙門信心出家剃除鬚髮身著袈衣或有持戒或不持戒繫閉牢獄枷鎖打縛禁役驅使責諸發調或脫袈裟這令還俗或斷其命是名第三根本重罪於五逆中若作一業是名第四根本重罪謗無一切善惡業報長夜常行十不善業不畏後世自作教人堅住不捨是名第五根本重罪大王當知若犯如是根本重罪而不自悔決定燒滅一切善根趣大地獄受無間苦大王當知以王國內行此不善極重業故梵行羅漢

諸仙聖人出國而去諸天悲泣一切善鬼大力諸神不護其國大目相煞輔相爭覓四方逆賊一時俱起天王不下龍王隱伏水旱不調風雨失時諸龍皆去泉流河池悉皆枯涸草木焦然五穀不熟人民飢餓劫賊縱橫迭相食取白骨滿野疫毒疫病死亡無數時諸人民不知自思所作是過而怨諸天許諸鬼神是故行法行王爲救此苦行治罪法

王言大師行法行王若無染心無惡心者何故不得惡心斷命割截諸根答言大王行法行王以無染心無惡心故不能得起如是心念斷衆生命割截諸根何以故彼法行王見彼衆生至於死時依自業過生瞋恨心死已命斷生惡道中惡心隨逐長夜不斷是故行法行王不行斷命不壞諸根何以故此事難故若斷其命割截諸根一作已後不可救故繫閉枷鎖打縛呵罵等非永棄捨是故佛聽行法行王爲護衆生若斷其命割截諸根不名滿足護衆生者大王當知斷

五乳子經卷第四 第十八

衆生命割截諸根寧是世間大怖畏
事故佛不聽行法行王作如是事王
言大師行法行王國內人民所應輸
王課調物者為是王物為是他物答
言大王非王自物亦非他物何以故
他自手力能作能得是故非王自己
有物非他物者以王能護彼衆生故
是故非是一向他物彼衆生等立如
法是故輸王王應得分非是他物王
言大師行法行王若有人民應輸王
物而不輸王彼民為是偷盜王物為
非偷盜答言大王非偷王物彼民貪
惜歎王不輸得無量罪何以故以應
輸物不輸王故王言大師於王國內
合諸物者而不肯輸然王即行鞭杖
打責若取彼物為是劫奪為非劫奪
答言大王非是劫奪何以故大王當
知以王有力能護其難彼由王護得
安自業應輸王物故非劫奪王言大
師若貧窮人應輸王物以無物故強
加鞭打而責其物為是劫奪為非劫
奪答言大王有人邊是劫奪有人邊
非劫奪有人邊非劫奪者彼人若是

五乳子經卷第四 第十九

竊墮懈怠不勤家業非法邪姓樗蒲
禁博如是等戲輸他財物致貧窮者
如是人邊行法行王鞭打徵責乃至
他邊貸物輸王王非劫奪何以故王
作是念為令彼人更不敢作非法之
事損失財物故如是王民二俱有益
王得益者庫藏滿足民得益者資生
成就又得无罪故王言大師何等
邊王是劫奪大王當知王雖合得若
知彼人所有家業為賊劫奪詐親人
奪非法王奪失火焚燒暴風疾雨飛
沙雹石壞其家業或時住處不得安
隱人民走散失沒家生或有虫螻雀
鼠鸛鵲毆傷五穀或時復值天旱不
熱水澇不收如是等緣家業不立資
生壞盡於此人邊應當默然不應徵
責若取此物名為劫奪何以故以不
慈慈此貧窮人不名具足護衆生故
大王當知我為此事說一譬喻智者
於中以喻得解譬如有入欲以飲食
供養沙門淨行人等備具種種一切
美味其家忽然失火焚燒風吹水漂
賊所劫奪飲食都盡或為不淨惡物

五乳子經卷第四 第二十

所行不任食敬諸沙門等食時既至
到施主家見其損失反助憂苦乞食
來與何心敬責施主飲食然彼施主
不與飲食亦無有罪大王當知行法
行王亦復如是王雖合得彼人不與
不犯王法不合打責如是行法行王
在世治化民常願樂

大薩遮尼乳子所說經卷第四

癸卯歲高麗國大藏都監奉
勅彫造

大薩遮尼乾子所說經卷第五

四

王說第五之三

九觀天生三藏菩提留支譯

王言大師如是不放逸行法行王成就教法得名行法行王言言大王成就十法而得名為行法行王何等為十一者自性成就二者眷屬有禮三者智慧成就四者常勤精進五者尊重法六者猛利七者恩厚八者善解世間所行法九者能忍諸苦十者不取顛倒法大王當知自性成就王者有於二種功德成就一者王子大目長者居士城邑聚落所有人民皆愛重王二者無諸一切疾病大王當知眷屬有禮王者亦有二種功德成就一者於王所作事中即各覓辦不煩王憂二者謹慎不犯王法大王當知智慧成就王者亦有二種功德成就一者善知方便依法善護眾生二者於欲所作之事自智能知不依他作大王當知常勤精進王者亦有二種功德成就一者一切庫藏滿足二者

無諸一切怨賊歡喜安住大王當知尊重法王者亦有二種功德成就一者常行一切善法元有休息二者能化惡行眾生大王當知猛利王者亦有二種功德成就一者於心所欲求事速能滿足二者發心所欲作事不久思惟即成如法大王當知恩厚三者亦有二種功德成就一者所有眷屬樂王二者大目一切人民皆信重王大王當知善解世間所行法王者亦有二種功德成就一者能知惡行眾生善行眾生二者王應民違得物不令有失大王當知能忍諸苦王者亦有二種功德成就一者於王所欲行事能滿成就二者不畏諸苦惱事大王當知不取顛倒法王者亦有二種功德成就一者自能進趣勝道二者常不離善知識大王當知成就如是十種功德者名為成就行法行王王言大師成就如是十種功德而得名為行法行王者若其國內有逆賊主具四種兵與法行王鬪諍國土及外國王未相侵奪欲與大鬪集四部

兵一切現前行法行王云何與彼而共鬪戰答言大王行法行王當應思惟於三時中出三方便入陣鬪戰何等三時謂初入時中入時後入時大王當知初欲入時作方便者行法行王若見逆王今時復作三種思惟一者思惟此逆王所有兵馬為與我等為當勝我若與我等共鬪戰者俱損無益若其勝我彼治我死如是念已應覓逆王所有親友及善知識當令和解滅此鬪諍二者行法行王見彼逆王與已平等及勝已力者心自思惟不應與戰當與其物求滅鬪諍三者若見逆王多有士眾眷屬朋黨為馬車步四兵力勝行法行王士眾雖少能以方便現大勇健難敵之相令彼逆王生驚畏心以滅鬪諍如是名為於初時中思惟三種方便之用大王當知若以親友與物驚怖如此三事不能滅彼鬪諍事者行法行王今時復起三種思惟入陣鬪戰何等三種一者思惟此逆王無慈悲心自然眾生餘人然者亦不遮護我今

法華經卷第五 第四品 大七

不令如此相煞此是初心護諸眾生
二者思惟當以方便降伏逆王士馬
兵眾不與鬪戰三者思惟當以方便
活繫縛取不作煞害生此三種慈悲
心已然後莊嚴四種兵眾分布士馬
唱說号令簡選兵眾分作三品於上
品中有上中下以上品中下勇猛者
列在於前次列第二中品健者次列
上品軍健兵馬分在兩廂令護步眾
不生畏心行法行王處在軍中與眾
上品為馬車步猛健眾俱如是入鬪
何以故有五種事能令大軍莫進不
退何等為五一者慚愧王二者畏王三
者取王意四者令眾背後無畏五者
令念報國王恩如力如分不生退轉
能勇戰鬪大王當知行法行王設是
方便入陣鬪戰余時雖復煞害眾生
而彼王得輕微少罪非決定受懺悔
能滅何以故彼法行王為欲入戰先
生三種慈悲心故雖作此惡得罪輕
微非決定受大王當知彼法行王為
令眾生為護沙門護沙門法為護妻
子族姓知識能捨自身及資生物作

法華經卷第五 第五品 四

如是業因此事故彼法行王得無量
福大王當知若為護國養活人民興
兵鬪戰彼時國王應當先發如上述
心勅令主將一依王教如是聞者有
福無罪王言大師行法行王生氣種
心常能如是護諸眾生各言大王行
法行王於諸眾生生八種心何等八
種一者念諸一切眾生如念子想二
者念於惡行眾生如病子想三者常
念受苦眾生大慈心四者念受勝
樂眾生生歡喜心五者念於怨家眾
生生護過想六者能於親友眾生生
覆護想七者能於資生之中生如樂
想八者能於自身生無我想大王當
知念諸眾生如念子想者起二種心
一者能如父母念子遮護諸惡二者
常於一切眾生不捨慈心大王當知
念惡行眾生如病子想者起二種心
一者能忍如世病人罵諸良師良師不
生瞋恨之心二者為斷一切過失行
如是心大王當知念受苦眾生生大
慈心者起二種心一者能於諸惡難
中救免其苦二者能與勝安隱樂大

法華經卷第五 第六品 四

王當知於受樂眾生生歡喜心者起
二種心一者能於他財物中他資生
中不生貪心二者於他富貴勝樂不
生嫉心大王當知於怨家眾生生護
過想者起二種心一者常念斷彼過
因遠離怨家二者能於怨家眾生生
親友心何況其餘非怨家者大王當
知於親友眾生生覆護想者起二種
心一者念令親友堅固二者念令一
切眾生不生怨憎大王當知於資生
中生樂想者起二種心一者有欲不
行邪淫二者能於色香味中隨世受
用不生貪著大王當知於自身中无
我想者起二種心一者往詣沙門大
智人邊問法二者聞法如說修行大
王當知行法行王常念思惟如是八
法故不求資生而世間人自然奉獻
珍奇異物國內無者庫藏盈溢而諸
世間非法惡王鞭打百姓逼惱索者
了無其一大王當知行法行王行此
八法者於所作業歲時日月星宿節
朔常與吉會一切非人諸惡邪鬼欲
覓其便無能得者於其國內風雨以

時五穀豐熟人民飽足無飢渴想一切諸畜雀鼠龍蛇能與世間作無利者悉皆息滅若有怨賊在其國內一切即依自業罪過受諸苦惱依自業盡依自業滅大王當知行法行王若能如是護諸衆生護器世間者不負一切世間衆生諸善行人智慧人聖人一切衆生无能呵責者何以故無罪過故大王當知如是善行王若命終時當生天上受彼諸天妙境界樂而說偈言

重法不放逸 常念利衆生 眷屬有扎法 善能知他行 自身常清淨 離諸无益業 彼王勝世間 名行法行王 親重言常和 於善勸精進 善能知世間 一切諸伎藝 以常不懈怠 方便護世間 衆生得安樂 無有苦惱者 常樂利益他 將護一切心 出口說愛語 安隱決定言 知過有功德 知勝知不如 如是王能共 衆生受安樂 於他平等心 能捨物解義 諸目及眷屬 一切愛樂王 具足善衆集 常有大勢力 如是正法王 能久住王位 慈心離煞生 布施斷偷盜 正欲防邪婬 實言止妄語

和合除兩舌 軟語遮惡口 正說治綺語 淨命對飲酒 淨心捨三毒 受妙天王位 大王應當知 常善護諸衆

大薩遮尼乾子所說經請食品第六

今時嚴熾王聞大薩遮尼乾子所說法已心大歡喜即語薩遮尼乾子言大師仁慈不遺我國今此曠野不可停止願降神德將諸大衆與我俱詣宮內寢息何以故我今心念欲為大師及諸大衆設於時供薩遮尼乾子言善哉善哉善哉大王欲與我食今正是時何以故大王當知我從遠來道路疲極常多飢渴日時已至我受王請時嚴熾王聞大薩遮尼乾子受其請已心大歡喜即以薩遮尼乾子及諸大衆置在於前王與四兵導從前後俱入王宮入已王請薩遮尼乾子坐三七寶莊嚴間錯無價寶牀餘諸一切尼乾子衆隨所應坐悉皆令坐薩遮尼乾子受坐已嚴熾王即生至心恭敬心尊重心希有心自手供給薩遮尼乾子及諸大衆百味飲食極令飽足慈意令取豐滿盈溢薩遮尼

乾子食已嚴熾王即以價直百千万億上下衣服奉施薩遮尼乾子餘弟子衆所應得者悉皆施與上下衣服今時薩遮尼乾子食訖已攝諸鉢器澡漱清淨即語嚴熾王言大王當知王今至心奉施沙門飲食衣服福不可量今且略說十五功德何等十五一者閉塞慳貪之心二者能開布施心三者能滅無布施福邪見之心四者能生果報不亡正見之心五者隨順善知識人六者遠離下元智人七者能開諸善道門八者能閉諸惡趣門九者能種善根種子十者能拔不善根十一者能漸薄一切諸煩惱結十二者能增長一切諸善根分十三者能飽足一切諸持戒人十四者能應為自身所作已作十五者能為利益他應作已作何以故大王當知能施布施得大富施好色食後得妙色觀者無厭施好香食後得名稱世間普聞施美味食後得資生過諸世間種種勝妙施樂觸食後得手腳細滑柔軟施能至心後得一切世

人親愛恭敬供養自手布施得多在乳子經卷第五 第十段 四
僕園遠給侍依時節施隨心所須慮
時即得以愛物施後得勝妙資生境
界不損害施後得資生堅固不壞不
疲勞施安坐受報眷屬常愛與飲食
者後得大力自在無尋與衣裳者得
好妙色世間敬愛施燈明者得明淨
眼無諸病壞施伎樂者得耳不聾常
聞妙聲施諸衆者常得安樂羣衆隨
身施湯藥者得無疾病形色肥鮮施
屋舍者離諸恐怖得安隱樂布施法
者後得不死甘露法樂離煞生者後
得長壽命不中天難劫盜者後得大
富資生无盡離邪姪者後得好妻他
不能奪離妄語者後得實報不被他
謗離兩舌者後得和合眷屬無諍離
惡口者後得常聞勝妙音聲離綺語
者有所言說他人受用離貪心者得
不增上厚重貪心離瞋心者得不增
上厚重瞋心離妒見者得不增上厚
重癡心離憍慢者生豪貴家得人尊
敬離瞋心者得身端正見者愛樂離
嫉心者得大威力所願皆成離慳心

者生處富足資生無乏離非處姪者
得勝諸根具丈夫相大王當知施飲
食者即是與命與色與力與樂與辯
大王當知施主愛衆生智者讚歎名
聞十方入諸大衆心不怯弱若命終
已生上天中受妙境界於後身得
無上道余時薩遮尼乳子而說偈言
至心持戒人能生歡喜心時食施沙門
來世得七福得勝色命力樂辯才樂說
生天善道中終得至涅槃所為事布施
畢竟得後事為求樂布施後畢得安樂
施福富勝樂所求者畢成當生天中
及色無色界智慧聖施主若修精進行
畢竟盡諸苦得上勝智慧以作無量福
天魔魔眷屬行惡不善者不能作障難
以故常布施求三種勝事善道及富貴
能證无上道

大薩遮尼乳子所說經問罪過品第七
余時嚴熾王即生是心薩遮尼乳子
所說法者皆是隨順如來正法作是
思惟我今當問薩遮尼乳子於如來
所有尊重心不令時嚴熾王作是念
已即移座更敷下座恭敬而坐問
薩遮尼乳子言大師當知我有少疑
今欲請問為見聽不余時薩遮尼乳
子答言大王隨汝所問我當為汝分
別解說令得開解時嚴熾王聞大薩
遮尼乳子聽其問已即作是言大師
世間頗有衆生於衆生界中聰明大
智利根熟慧有罪過不答言大王有
此衆生亦有罪過王言大師如是衆
生今者誰是答言大王此能雨婆羅
門聚明大智利根熟慧善知星宿善
知祭祀種種諸天善知呪術善知事
欠善知天文日月八星善知天雨石
雹灾害善知地動吉凶變異善知日
月運轉殃灾善知年歲國土豐儉善
知世間安隱破壞彼婆羅門而有罪
過王言大師彼能雨婆羅門罪過云
何答言大王此能雨婆羅門常多姪
欲喜侵他妻大王當知惡慧之人不
應侵他妻何以故大王當知侵他妻
者現在未來多受苦惱一切天人之
所呵責而說偈言
自妻不生足好姪他婦女是人無慚愧
常被世呵責現在未來世受苦及打縛

捨身生地獄受苦常無樂

王言大師世間頗更有諸衆生聰明大智利根點慧有罪過不答言大王有此衆生亦有罪過王言大師如是衆生今者誰是答言大王此頗羅墮婆羅門聰明大智利根點慧知法知禮而有罪過王言大師彼頗羅墮婆羅門罪過云何答言大王此頗羅墮婆羅門常多睡眠大王當知點慧之人不應睡眠何以故大王當知多睡眠人退失諸行失於世間出世間法妨導智慧難諸煩惱而說偈言
若人多睡眠懈怠妨有得未得者不得已得者退失若欲得勝道除睡眠放逸精進策諸念離惡功德集
王言大師世間頗更有諸衆生聰明大智利根點慧有罪過不答言大王有此衆生亦有罪過王言大師如此衆生今者誰是答言大王此黑王子聰明大智利根點慧有大威力而有罪過王言大師彼黑王子罪過云何答言大王此黑王子多諸嫉妬大王當知點慧之人不應嫉妬何以故大

王當知若有人得生富貴家資財豐足不肯布施懷嫉妬心如是之人於資生中不取堅固彼人空手命終即去生餓鬼中生彼處已受諸種種飢餓苦惱而說偈言

惜財不布施藏積恐人知捨身空手去餓鬼中受苦飢渴寒熱等憂悲常煎責知者不聚積為破慳貪故

王言大師世間頗更有諸衆生聰明大智利根點慧有罪過不答言大王有此衆生亦有罪過王言大師如此衆生今者誰是答言大王此勝仙王子聰明大智利根點慧有大威力而不怯弱好行布施有大威德而有罪過王言大師彼勝仙王子罪過云何答言大王此勝仙王子多作煞生大王當知有點慧者不應煞生何以故大王當知煞生之罪得短命報命終生於地獄畜生餓鬼之中而說偈言
煞生無善報短命多諸疾來世生惡道具受種種苦欲離諸苦惱未來求勝樂應當護他身如愛自己命
王言大師世間頗更有諸衆生聰明

大智利根點慧有罪過不答言大王

有此衆生亦有罪過王言大師如是衆生今者誰是答言大王此無畏王子聰明大智利根點慧而有罪過王言大師彼無畏王子罪過云何答言大王此無畏王子慈心太過大王當知點慧之人不應慈心太過何以故大王當知若王王子慈心太過者被王王子國內多有群賊亂民不可遮護多有憐難而說偈言
若王及王子慈悲心太過長賊多欺誑民怖王命危王應思此過善量行慈惠念世間受苦捨離太過心

王言大師世間頗更有諸衆生聰明大智利根點慧有罪過不答言大王有此衆生亦有罪過王言大師如是衆生今者誰是答言大王此天力王子聰明大智利根點慧而有罪過王言大師彼天力王子罪過云何答言大王此天力王子飲酒太過大王當知點慧之人不應飲酒太過何以故大王當知飲酒太過忘失諸事障修大道失於世間出世間利而說偈言

在般若經卷第三 第十六

飲酒多放逸 現世常愚癡 忘失一切事
常被智者呵 來世常聞鈍 多失諸功德
是故慧人 離諸飲酒失

王言大師世間頗更有諸衆生聰明
大智利根 慧有罪過不答言大王
有此衆生亦有罪過王言大師如是
衆生今者誰是答言大王此婆數天
王子聰明大智利根 慧有大威力
心不怯弱 常好布施有大威德而有
罪過王言大師彼婆數天王子罪過
云何答言大王此婆數天王子了達
諸事而行事太遲大王當知有慧
人不應行事太遲何以故大王當知
行事太遲者不及時節多失諸利令
闍諍事堅固難滅是故大王慧之
人有所作事不失時節不應太遲而
說偈言

在般若經卷第三 第十七

衆生今者誰是答言大王此大仙王
子聰明大智利根 慧有大威力而
有罪過王言大師彼大仙王子罪過
云何答言大王此大仙王子貪心太
過為顛倒覆心常棄他財大王當知
慧之人不應過貪何以故大王當
知過貪之人不為一切衆生親附捨
此身命即生地獄而說偈言

貪人多積聚 得不生厭足 無明顛倒心
常念侵損他 現在多愁憎 捨身墮惡道
是故有智者 應當念知足

王言大師世間頗更有諸衆生聰明
大智利根 慧有罪過不答言大王
有此衆生亦有罪過王言大師如是
衆生今者誰是答言大王此大天王
子聰明大智利根 慧有大威力而
有罪過王言大師彼大天王子罪過
云何答言大王此大天王子輕躁戲
笑放逸太過大王當知慧之人不
應輕躁放逸太過何以故大王當知
放逸太過者能障奢摩他毗婆舍那
法此戲笑之罪是惡道因而說偈言
戲笑垢染心 心不住三昧 為智者所呵

在般若經卷第三 第十八

行善不解脫 欲得速利益 應離諸放逸
現世無安隱 失名稱功德

王言大師世間頗更有諸衆生聰明
大智利根 慧有罪過不答言大王
有此衆生亦有罪過王言大師如是
衆生今者誰是答言大王此憍薩羅
國波斯匿王聰明大智利根 慧而
有罪過王言大師彼波斯匿王罪過
云何答言大王此波斯匿王耽食太
過大王當知慧之人不應耽食太
過何以故大王當知耽食太過者體
難運動 懶惰懈怠 所食難消 速轉現
在未來二世善法利益而說偈言
耽食太過人 身重多懈怠 現在未來世
於身失大利 瞋眼自受苦 亦惱於他人
迷悶難寤寤 應時善量食

所有罪過云何答言大王大王之罪
太極暴惡大王太嚴大王太忽大王
太輕大王太事大王當知點慧之人
不應太惡何以故大王當知若王王
子性太惡者彼為一切多人不用多
人不愛多人不喜乃至父母亦不喜
見何況餘人大目王子長者居士等
是故大王點慧之人不應太惡大王
當知有點慧人所欲作事應當安詳
不應太卒而說偈言

若王行惡行瞋心不見事動則怖衆生
乃至父母長何況餘非親而當有念愛
大王應當知智者捨瞋惡

今時嚴熾王在坐對面聞大薩遮尼
乳子毀譽自身心生不忍瞋心惡心
懊惱心無歡喜心生毒害心即作是
言薩遮尼乳子汝今云何於大衆中
說我過惡毀譽於我我從昔來無人
敢正看我面者汝今毀我罪應合死
作是語已以瞋惡心告諸目言汝當
捉此說不愛語惡癡沙門斷其命根
今時薩遮尼乳子驚怖毛豎語嚴熾
王言大王汝今莫速卒作如是惡事

不饒益我我有善言願王暫時施我
无畏聽我所說王言沙門與汝無畏
所欲說者汝當速說薩遮尼乳子言
大王當知我亦有罪王言沙門何者
汝罪薩遮尼乳子言大王當知我罪
過者由太實語不虛語稱事語以我
如是大惡人前可畏人前惡性人前
無慈悲人前卒作事人前如是惡行
人前說如實語大王當知點慧之人
不應一切時一切處常說實語何以
故有不饒益故大王當知點慧之人
應當善觀可與語人不可與語人應
當善知可語時非語時應當善知可
語處非語處然後說語何以故大王
當知實語人者世人不愛世人不喜
智者不讚歎世間癡人瞋而說偈言
智者不知時卒隨意說實彼人智者呵
何況无智者智者一切處亦不皆實語
是實僞尸迦實語人惡道

今時嚴熾王聞薩遮尼乳子說自身
過即便開解心生歡喜白薩遮尼乳
子言大師師無罪過由我太卒今聞
師教如闇得燈如盲得眼常當受持

我今懺悔願師於我莫捨實語而說
偈言

我實愚癡闇不識知識語是故生惡心
出如是惡口我今聖人前懺悔如是罪
願慈諸衆生令我罪除滅
大薩遮尼乳子所說經卷第五

癸卯歲高麗國大藏都監奉
勅彫造

大薩遮尼釤子所說經卷第六

九觀天生三歲菩提留支譯

如來無過功德品第八之二

今時嚴熾王聞薩遮尼釤子所說得歡喜已更問所疑作如是言大師今此衆生界中衆生衆中頗更有人聰明大智利根熟慧知法非法無過失不答言大王有此衆生無諸過失王言大師今者誰是答言大王此沙門瞿曇釋家子生釋王家出家為道大王當知如我有四圍陀經中說彼釋種沙門瞿曇無有過失所謂生在大家不可識嫌何以故以是轉輪王家生故種姓豪貴不可識嫌何以故以甘茂姓種家生故福德莊嚴不可識嫌何以故以三十二相八十種好莊嚴身故具足實事不可識嫌何以故以具持戒十力四無所畏十八不共法畢竟成就故是故知彼沙門瞿曇無有過失大王當知彼釋種子沙門瞿曇若不捨家出家為道者當作轉輪聖王王四天下當行法行而為法

王具足七寶輪寶為寶馬寶如意寶六

尼釤子經卷第六 第二版 四 前

夫人寶大目寶主藏寶千子具足勇猛雄傑有丈夫相身諸威德無可嫌毀力能降伏他諸軍衆具足成就轉輪王相於四天下而得自在無與等者於此大地無諸怨刺无諸惱害無有刀杖依法降伏行於平等自在而住而彼王子沙門瞿曇不樂如是世間之樂捨家出家勇猛精進行大苦行日食一麻或食一米心不懈怠六年苦行成等正覺坐於道場菩提樹下降諸魔力一心念於相應智慧所有應知所有應得所有應見所有應覺所有應證彼諸一切所應得法不從師學自智即能如實覺知是故知彼沙門瞿曇一切世間天人魔梵沙門婆羅門等無與等者何況有勝彼沙門瞿曇元等等無勝等是故彼无一切過失何以故以彼沙門瞿曇家姓無等形色无等智慧無等是故无過失重說偈言

家色生姓勝 諸相百福勝 八十種妙好在 嚴佛自身 六年修苦行 坐於菩提樹

降伏諸魔衆 遠得一切智 是諸天人師 當念利世間 慈悲心平等 救苦無怨親 波羅捺城設 四諦相應法 無我令衆生 是故无過失

尼釤子經卷第六 第二版 四 前

今時嚴熾王語大薩遮尼釤子言大師應說何者是如來三十二大丈夫相以是三十二相莊嚴身故得大丈夫師子王名今時大薩遮尼釤子告嚴熾王言大王今當一心諦聽當為汝說王言大師願樂欲聞薩遮尼釤子言大王當知沙門瞿曇三十二相者一者沙門瞿曇足下平滿踏地善住二者沙門瞿曇足下具足千輻輪相三者沙門瞿曇手脚柔軟如天劫貝四者沙門瞿曇諸指纖長五者沙門瞿曇指皆網縐六者沙門瞿曇足跟圓滿七者沙門瞿曇足上隆八者沙門瞿曇底王踰相九者沙門瞿曇身相端嚴十者沙門瞿曇馬王陰藏十一者沙門瞿曇一孔一毛不相雜乱十二者沙門瞿曇身如青妙淨瑠璃色十三者沙門瞿曇身毛上靡十四者沙門瞿曇皮如金色十五者

沙門瞿曇皮膚細軟十六者沙門瞿曇七處平滿十七者沙門瞿曇兩肩圓厚十八者沙門瞿曇兩肩高峻圓如金山十九者沙門瞿曇身體廣長二十者沙門瞿曇身圓正直如左拘樹王二十一者沙門瞿曇類如師子一十二者沙門瞿曇四十齒滿二十三沙門瞿曇齒間明密二十四者沙門瞿曇齒白如雪二十六者沙門瞿曇舌得上味二十七者沙門瞿曇舌能覆面二十八者沙門瞿曇聲如梵聲二十九者沙門瞿曇眼如牛王上下俱瞬三十者沙門瞿曇目相鮮明如青蓮華三十一者沙門瞿曇額上毫相功德滿足三十二者沙門瞿曇頭相高顯無見頂者大王當知此沙門瞿曇三十二相沙門瞿曇以此三十二相莊嚴身故說名大丈夫師子王而說偈言

頂高相微妙 寂勝莊嚴身 髮如青琉璃
色淨輪右旋 眼瞬如牛王 青蓮華華形
是故瞿曇身 皆歎不可嫌 瞿曇微妙身

過諸梵世音 如彼迦陵伽 衆鳥悲非倫
古能覆面門 淨如蓮花葉 妙相過群生
是故世無及 舌根得上味 諸味无差別
速成妙相人 故佛無過失 瞿曇功德
一切無與等 明淨如珂雪 齊平无差跌
頰相稱上廣 方如師子王 膚色衆歡美
喻如頻婆果 兩肩相高顯 前後俱團圓
神光曜衆目 峻美如金山 瞿曇身諸相
三十二莊嚴 上下體圓滿 如左拘樹王
瞿曇身廣長 善住不可嫌 智者常渴仰
樂觀無厭心 瞿曇功德體 七處俱滿足
皮色常暉鮮 如閻浮檀金 身毛細柔軟
塵垢無能染 生則輪右旋 相善俱上靡
髮淨色青美 厚滿不偏布 是故瞿曇相
過諸世間姿 瞿曇身正直 坐立無委曲
馬王陰藏相 亦如大龍王 胫如鹿王蹄
麤細上下均 是故智者觀 無有疲歇心
手足指細錫 内外常鮮明 甲如赤銅華
指如銅指形 足趺上豈高 體滿如珂圓
脚跟相端嚴 圓滿無高下 諸指皆纖長
屈申相柔軟 足下平善住 蹈地常安隱
此是瞿曇福 功德諸相山 依此功德聚
顯成瞿曇身 如是功德身 過天人間

如彼淨滿月 顯於衆星中 瞿曇大相
功德莊嚴身 大悲自在現 能利諸世間
法身淨无垢 無量諸功德 如是諸妙相
唯瞿曇境界
王言大師何者如來八十種好百福
功德以是相好莊嚴身故名為如來
百福莊嚴功德相身答言大王我今
為成此事說喻大王當知若三千大
千世界所攝四生衆生謂卵生胎生
濕生化生此等衆生假使一時得於
人身得人身已彼一一衆生皆修十
善成就轉輪聖王福德彼諸衆生所
修成就轉輪聖王福德之聚彼一一
福德更增百倍始得成就沙門瞿曇
一毛孔中下相功德如是一毛孔中
功德餘一一毛孔所有功德亦復如
是大王當知如是一切毛孔功德更
增百倍始得成就沙門瞿曇身中所
有一好功德如是一好功德餘一一
好功德亦復如是大王當知如是一
切諸好功德更增百倍始得成就沙
門瞿曇身中所有大丈夫相一相功
德如是一相功德餘一一相功德亦

凡乳子經卷第六 第六四

復如是大王當知如三十二相功德更增百倍始得成就沙門瞿曇眉間白毫一相功德如是眉間白毫功德更增百倍始得成就沙門瞿曇文

夫相中一項相功德大王當知如是頂相功德更增百千萬億倍始得成就沙門瞿曇丈夫相中一法盡聲功德沙門瞿曇以此法盡聲功德故所有眾生界眾生所攝彼一一眾生言音不同一時各各作百千種種異問彼一一眾生所問之事餘不重問能以一念相應智慧以一音答令所眾生能令一時各得其解大王當知沙門瞿曇以此功德莊嚴身故名為成就大丈夫相是故瞿曇成就百福功德身相是故瞿曇成就梵王法盡妙聲而說偈言

瞿曇功德身百福相住持導濟諸群生故号天人師見聞及受物其福不可量瞿曇出世間競益諸眾生眾生界差別隨類各異問瞿曇一念智一音答令解瞿曇現世間能以梵音聲轉眾上法輪令天人皆盡

凡乳子經卷第六 第六四

今時嚴熾王問薩遮尼乾子而說偈言大師向說名如來諸小相願為諸眾生及我分別說

今時薩遮尼乾子答嚴熾王言大王汝能為諸眾生顯發如來功德小相多有益汝今諦聽我當一一分別顯說沙門瞿曇八十種好依彼諸好廣宣瞿曇諸功德相如秋滿月現眾星中何等八十一者沙門瞿曇頭相端嚴上下相稱二者沙門瞿曇頭相滿美如摩陀羅樹果三者沙門瞿曇髮長弱美如委黑然四者沙門瞿曇髮縷條理不相雜亂五者沙門瞿曇髮毛婉轉疊文右旋六者沙門瞿曇髮色光澤如青瑠璃七者沙門瞿曇眉長皎潔如月初生八者沙門瞿曇眉相長廣如青蓮華九者沙門瞿曇星耳瑤輪成如似垂露十者沙門瞿曇鼻脣高直孔相不現十一者沙門瞿曇口氣香潔嗅者無厭十二者沙門瞿曇舌色光赤如赤銅鏤十三者沙門瞿曇舌相細滑薄利柔軟十四者沙門瞿曇唇色紅赤如頻婆果十

凡乳子經卷第六 第六四

五者沙門瞿曇牙白纖利光曜面門十六者沙門瞿曇面色華艷光如明鏡十七者沙門瞿曇面貌上下廣狹相稱十八者沙門瞿曇面貌豈美如似滿月十九者沙門瞿曇面貌端正殊特可美二十者沙門瞿曇身體常淨塵垢不染二十一者沙門瞿曇身體淨軟如練春華二十二者沙門瞿曇洪身正直如帝釋幢二十三者沙門瞿曇身諸文相攝德超絕二十四者沙門瞿曇身體柔潤如塗膏澤二十五者沙門瞿曇身相麤細如巨拘樹王臚圓得所二十六者沙門瞿曇身諸相好無能嫌者二十七者沙門瞿曇身力無敵如鄰羅延二十八者沙門瞿曇威儀容止進退有法二十九者沙門瞿曇身諸相好一切眾生樂觀無厭三十者沙門瞿曇身諸形相惡眾生見生歡喜心三十一者沙門瞿曇行步容儀眾生見者觀无厭足三十二者沙門瞿曇迴身顧視如大鳥王三十三者沙門瞿曇身動威相如師子王三十四者沙門瞿曇身

相凝重無輕舉相三十五者沙門瞿
星身相廣大不可度量三十六者沙
門瞿星身相廣長無短小相三十七
者沙門瞿星光輪遍身周匝一丈三
十八者沙門瞿星身諸光相照曜十
方三十九者沙門瞿星身相尊重見
者歸伏四十者沙門瞿星皮膚細密
常有光澤四十一者沙門瞿星皮膚
平滿無老皺相四十二者沙門瞿星
身色光明曜衆生目不能正觀四十
三者沙門瞿星身色光明晝夜无異
四十四者沙門瞿星身諸毛孔常出
妙香四十五者沙門瞿星形貌威德
過諸世間四十六者沙門瞿星身諸
筋脉深隱不現四十七者沙門瞿星
骨節相連如似鈎鐺四十八者沙門
瞿星身毛細軟一右旋四十九者
沙門瞿星毛色光曜如闍浮檀金五
十者沙門瞿星手足赤白如蓮花色
五十一者沙門瞿星手足鮮淨常有
潤澤五十二者沙門瞿星十指纖長
瞻圓可美五十三者沙門瞿星踪相
不現平無高下五十四者沙門瞿星

踰骨堅長上下滿好五十五者沙門
瞿星手足圓滿無有高下五十六者
沙門瞿星手指柔軟內外受握五十
七者沙門瞿星手所有文細現深隱
五十八者沙門瞿星手所有文正直
分明五十九者沙門瞿星手所有文
文不中断六十者沙門瞿星指甲薄
潤如赤銅色六十一者沙門瞿星立
不傾斜平正得所六十二者沙門瞿
星住立安隱無能動者六十三者沙
門瞿星身動威勢如師子王六十四
者沙門瞿星迴身顧視如大鳥王六
十五者沙門瞿星行步平正无有傾
曲六十六者沙門瞿星行步安詳如
似爲王六十七者沙門瞿星動足去
步如白鵝王六十八者沙門瞿星行
不履地輪相炳著六十九者沙門瞿
星九孔門滿相皆具足七十者沙門
瞿星腹小不現七十一者沙門瞿星
齊孔深圓七十二者沙門瞿星聲響
調和底細俱美七十三者沙門瞿星
妙聲速徹隨聞無障七十四者沙門
瞿星所有言音隨衆生意聞皆和悅

七十五者沙門瞿星語隨方音不增
不減七十六者沙門瞿星說法應機
無有差謬七十七者沙門瞿星語能
隨俗方音爲說七十八者沙門瞿星
一音說法令諸異類一時俱解七十
九者沙門瞿星隨有因緣次第說法
八十者沙門瞿星曾有萬字亦功德
相大王當知是名沙門瞿星八十種
好莊嚴成就功德相身一切聲聞辟
支佛諸天魔梵沙門婆羅門及諸外
道莫能有者是故我言無有過失而
說偈言
地主聽我說 如來八十好 以是諸相好
莊嚴瞿星身 瞿星章圓好 形如半竹筒
美艷赤銅色 光澤如油漆 指間肉平滿
次第均無差 手文齊正直 深細相分明
脉深无異相 膚色如頻婆 脚善住无差
是故常安隱 踪骨隱不現 高下難分別
手中相明顯 亦現諸功德 舌相妙柔軟
如天新華綿 薄如赤銅葉 光色常暉鮮
諸節皆深隱 妙相甚難見 兩手過雙膝
天人皆讚歎 妙聲甚深遠 猶如大龍王
如天中雷雨 聲微妙軍勝 瞿星滿月身

尼釵子經卷第六 第十四段 六

實相淨相應 妙形善端美 上下俱臍圓
永盡惡身相 滿足諸功德 膚滿如師子
一一好差別 手足善光澤 皮如金色鮮
如是諸功德 二不可嫌 身相次第好
離諸魚涎觸 齋輪相圓正 孔深無窪曲
一切諸身分 功德所集成 諸行皆清淨
光明離闇濁 如是功德身 善倫不可嫌
以是諸世間 樂觀無厭足 起如大龍王
奮迅動重洲 步如牛王相 威如師子轉
身相甚柔軟 骨節不相違 趨進如魏王
不疾亦不遲 腹相小不現 脇柔軟肋平
毛右旋燭燿 光色如流電 行步及去來
諸相甚端妍 離隨順惠愛 成就諸好因
瞿曇无諸惡 萬相表吉祥 離於黃黑等
不好諸鬚相 眉如月初生 色如金精黑
淨眼无妬眼 廣眼曜如星 面門方圓好
妙聲吐和音 諸相過群生 離諸煩惱纏
眉相甚妍美 鼻高如懸筒 雙目相廣長
如青蓮花葉 眉齊不相離 相滿圓如規
齒高次第利 二牙光面門 身毛無參差
咽頸離高下 是故瞿曇相 天人無等者
頭圓如金蓋 紋骨項夷平 皮類俱不皺
如珂體圓實 瞿曇毛細滑 不乱亦不散

尼釵子經卷第六 第十四段 四

宛轉輪右旋 常出諸妙音 瞿曇毛鮮潔
塵垢不能染 如彼淨琉璃 不為淤泥點
瞿曇毛滿足 一二次第住 如多楞祇草
齊細不相繞 瞿曇毛細軟 如蜂王腹毛
離病衰老相 駸甲不變白 瞿曇鬚相滿
亦如師子坐 如魚如高幢 亦如金剛鉤
如似立金甕 如盡還復旋 如鋒頭摩花
如珂功德天 如結加趺坐 一一諸節中
力如那羅延 是故過世間 瞿曇曾萬字
具足千輻輪 手脚相不異 千輻輪无差
人主此正是 瞿曇諸小相 二乘及外道
天人皆無等

大王當知沙門瞿曇成就如是諸相
好身一切衆生無如此者是故我言
沙門瞿曇无有過失

大王當知沙門瞿曇究竟成就大慈
心力能大饒益一切衆生無有害心
彼大慈心無尋故无障故常行故自
然照故遍至一切世間境界入諸衆
生煩惱使故大王當知譬如淨水摩
尼寶珠自體淨故而能清淨一切濁
水大王當知沙門瞿曇大慈心水亦
復如是自身清淨復能清淨一切衆

尼釵子經卷第六 第十五段 四

生煩惱淤泥諸見濁水大王當知沙
門瞿曇畢竟成就如是大慈是故我
言無有過失而說偈言

瞿曇大慈悲 遍觀十方界 一切衆生心
無時能捨離 故名佛世尊 成就大慈心
是故一切智 无有諸過失 如彼能淨水
如意摩尼珠 以體明淨故 能清諸濁水
瞿曇亦如是 自性離諸垢 能以慈心水
淨衆生濁心

大王當知沙門瞿曇於諸衆生畢
竟成就三十二種大悲觀心何等
三十二一者沙門瞿曇見諸衆生墮
墮癡闇大黑處故起大悲心二者沙
門瞿曇見諸衆生墮墮无明所纏密
故起大悲心三者沙門瞿曇見諸衆
生墮墮世間大險處故起大悲心四
者沙門瞿曇見諸衆生離寂靜處墮
世間故起大悲心五者沙門瞿曇見
諸衆生墮大瀑水隨漂流故起大悲
心六者沙門瞿曇見諸衆生墮在顛倒
險難大苦處故起大悲心七者沙門瞿
曇見諸衆生墮在惡道離聖道故起
大悲心八者沙門瞿曇見諸衆生為

大煩惱能縛所縛常為種種煩惱羅網所纏累故起大悲心九者沙門瞿曇見諸眾生於諸境界常不可足不可滿故起大悲心十者沙門瞿曇見諸眾生屬諸愛主不自在故起大悲心十一者沙門瞿曇見諸眾生常為老死大苦劫害不生獸故起大悲心十二者沙門瞿曇見諸眾生不離諸病為諸一切種種病苦所逼惱故起大悲心十三者沙門瞿曇見諸眾生三火常然晝夜常燒常不滅故起大悲心十四者沙門瞿曇見諸眾生下業所纏增長世間諸苦惱故起大悲心十五者沙門瞿曇見諸眾生常懷驚怖無安隱心故起大悲心十六者沙門瞿曇見諸眾生少利所纏忘大過故起大悲心十七者沙門瞿曇見諸眾生為諸種種放逸所醉無始瞋地常瞋在心在曠野道常為五陰怨家逐放起大悲心十八者沙門瞿曇見諸眾生常為諸益劫善財故起大悲心十九者沙門瞿曇見諸眾生元明覆眼常瞋不見善知識故起大悲

心二十者沙門瞿曇見諸眾生常為種種事亂其心猶如亂絲無理者故起大悲心二十一者沙門瞿曇見諸眾生常在憤悶離寂靜故起大悲心二十二者沙門瞿曇見諸眾生常在難處離元難故起大悲心二十三沙門瞿曇見諸眾生云何云何邪見見諸眾生隨逐貪餌依止種種邪見使故起大悲心二十五者沙門瞿曇見諸眾生長夜執在想倒心倒無常法中生於常想於苦法中生於樂想不淨法中生於淨想無我法中生我想故起大悲心二十六者沙門瞿曇見諸眾生無始世來常負生死諸惡重擔受大苦惱不疲歇故起大悲心二十七者沙門瞿曇見諸眾生依止世間羸薄少力非堅固中謂堅固故起大悲心二十八者沙門瞿曇見諸眾生為深所深常在元量諸垢中故起大悲心二十九者沙門瞿曇見諸眾生為有貪縛不歇捨故起大悲心三十者沙門瞿曇見諸眾生為諸供養

恭敬降伏常求資生諸供養故起大悲心三十一者沙門瞿曇見諸眾生常為種種境界纏心生憂惱故起大悲心三十二者沙門瞿曇見諸眾生墜墮憐憐我憐地故起大悲心大王當知是名沙門瞿曇於諸眾生畢竟成就三十二種大悲觀心是故我言無有過失而說偈言
瞿曇見眾生 閉在世間獄 輪迴過諸趣 常受一切苦 癡闇覆其心 不知生獸離 是故元上尊 常起大悲心 瞿曇見眾生 樂著諸世間 四流河所漂 隨順不得返 常沒生死海 不知求出離 是故十力者 常起大悲心 瞿曇見眾生 墜墜大險中 人於非正道 無有能救者 是故瞿曇觀 起於大悲心 置於佛菩提 取勝無畏處 瞿曇見眾生 縛在牢獄中 與愛作僮僕 策使諸境界 宛轉老死海 不覺亦不知 是故十力者 常起大悲心 瞿曇見眾生 熾然三種火 常在諸惡趣 種種苦所害 怖畏諸惡道 無有依止處 是故十力者 常起大悲心 瞿曇見眾生 樂著於諸有 放逸心自在 貪著諸境界 常被種種害

尼乳子經第六 第六卷 四

而不生怖畏是故十力者常起大悲心
瞿曇見衆生無明黑所覆種種障所障
不離一切蓋諸見亂如熱無有能解者
是故十力者常起大悲心瞿曇見衆生
墮在八邪見為愛女住處以是常縛心
如是諸難中樂不生厭離是故十力者
常起大悲心瞿曇見衆生起於顛倒心
於苦不淨中而生樂淨想无常無我中
而反我常實是故十力者常起大悲心
瞿曇見衆生依止羸薄力常為重擔押
無心生厭離起於堅固想淨者不能捨
是故十力者常起大悲心瞿曇見衆生
在有貪海中利養覆心故常求受境界
貪心如野火熾然不知足是故十力者
常起大悲心瞿曇見衆生具造諸苦業
常為諸憂悲苦惱之所逼為拔彼衆生
種種諸惱害是故十力者常起大悲心
瞿曇恒觀彼一切衆生界常起大悲心
是故無過失

尼乳子經第六 第六卷 四

答言大王無喜心者沙門瞿曇在衆
說法若有衆生身正恭敬攝耳不散
隨順受教如說修行沙門瞿曇不以
為喜不生踊悅不生踊躍何以故沙
門瞿曇捨心平等安住一心故王言
大師云何無喜心答言大王沙門瞿
曇在衆說法若有衆生身不恭敬耳
不專聽違背聖教不如說行沙門瞿
曇不生喜心亦復不起不忍之心亦
復不生非可信心亦不生彼違我教
心何以故沙門瞿曇捨心平等安住
一心故王言大師云何不喜不喜心
答言大王沙門瞿曇在衆說法於其
衆中身正恭敬攝耳不散隨順受教
如說修行有不恭敬失耳境界違背
聖教不如說行沙門瞿曇於此二人
不生喜心踊悅心踊躍心不生喜心
亦復不起不忍之心亦復不生不可
信心亦不念彼違我教心何以故沙
門瞿曇捨心平等安住一心故大王
當知沙門瞿曇依三念處不淨心住
是故我言无有過失而說偈言
瞿曇說法中一心正受者常住正念故

尼乳子經第六 第六卷 四

不起歡喜心瞿曇說法中不正心諦受
常住正念故亦不起喜心瞿曇說法中
受不受二分常住平等故不喜亦不喜
大王當知沙門瞿曇畢竟成就三不
護業王言大師何者如來三不護業
答言大王一者身業不護二者口業
不護三者意業不護王言大師云何
身業不護答言大王沙門瞿曇身行
清淨沙門瞿曇無有諸行不清淨者
是故沙門瞿曇不作心念我身業不
清淨恐畏他知作心防護何以故沙
門瞿曇無有身行不清淨故是名第
一身業不護王言大師云何口業不
護答言大王沙門瞿曇口業清淨沙
門瞿曇無有口業不清淨者是故沙
門瞿曇不作心念我口業不清淨恐
畏他知作心防護何以故沙門瞿曇
無有口業不清淨故是名第二口業
不護王言大師云何意業不護答言
大王沙門瞿曇意業清淨沙門瞿曇
无有意業不清淨者是故沙門瞿曇
不作心念我意業不清淨恐畏他知
作心防護何以故沙門瞿曇无有意

業不清淨故是名第三意業不護大王當知沙門瞿曇畢竟成就三不護業是故我言無有過失而說偈言

瞿曇三種業 離妄及無記 是故當清淨 出諸護境界 為諸弟子眾 平等心說法 有過者能除 無過者便攝

大王當知沙門瞿曇畢竟成就一切種智清淨王言大師何者如來一切種智清淨答言大王沙門瞿曇一切種智清淨有四種一者身一切種智清淨二者觀一切種智清淨三者心一切種智清淨四者智一切種智清淨王言大師云何如來身一切種智清淨答言大王沙門瞿曇身一切種智清淨者離諸煩惱一切習氣皆滅無餘隨意所欲取捨生退於一切處身得自在是名身一切種智清淨王言大師云何如來觀一切種智清淨答言大王沙門瞿曇觀一切種智清淨者於應化身離一切煩惱及煩惱習氣皆滅無餘迴轉現沒一切觀中而得自在是名觀一切種智清淨王言大師云何如來心一切種智清淨

答言大王沙門瞿曇心一切種智清淨者一切煩惱煩惱習氣及心所諸皆悉遠離心得自在聚集一切善根滿足是名心一切種智清淨王言大師云何如來智一切種智清淨答言大王沙門瞿曇智一切種智清淨者一切無明分及諸煩惱煩惱習氣皆滅無餘一切法中得無障自在是名智一切種智清淨大王當知沙門瞿曇畢竟成就如是一切種智清淨是故我言無有過失而說偈言

癸卯歲高麗國大歲部監平 勅賜造

大薩遮尼乾子所說經卷第七

九觀天竺三歲菩提留支譯 四 如來無過功德品第八之二

王言大師何者如來自在答言大王沙門瞿曇有十自在一者命自在二者心自在三者物自在四者業自在五者生自在六者如意自在七者信自在八者願自在九者智自在十者法自在大王當知得上甘露名命自在能知一切惟是一心名心自在於虛空中攬成殊寶名物自在遠離一切煩惱及習無明諸使名業自在於深禪定解脫三昧三摩提提隨意迴轉名生自在於一切行自然而行名如意自在於諸入中得自在觀名信自在即生心時現前成就一切諸事名願自在身口意業以智為本名智自在現住平等真如法界无垢實際名法自在大王當知遠離無生無瞋害心是命自在因平等心捨一切事物求大菩提是物自在因三業所作清淨無染是業自在因以菩提心攝

凡聖子經卷第七 第二十四

計善根是生自在因捨諸一切供養恭敬禮拜讚歎為馬車乘施與眾生是如意自在因常說三寶教化眾生是信自在因稱讚一切眾生所求應時給與是願自在因常行法施不為利養名聞恭敬是智自在因常為眾生說諸如來及諸眾生真如平等法身為體非飲食身是法自在因大王當知得命自在故對治一切生死怖畏得心自在故對治一切煩惱怖畏得物自在故對治一切貧窮怖畏得樂自在故對治一切惡道怖畏得生自在故對治一切生縛怖畏得如意自在故對治一切追求怖畏得信自在故對治一切謗法怖畏得願自在故對治一切心念縛怖畏得智自在故對治一切疑刺怖畏得法自在故對治一切大衆怖畏大王當知沙門瞿曇畢竟成就如是自在是故我言無有過失而說偈言

瞿曇修正行為利諸群生是故諸法中一切得自在念護諸眾生不行惡空心是故於壽命生處常自在常行檀施

凡聖子經卷第七 第二十五

梁

永斷諸惡因心樂無障礙生處常自在常念善根本不憚眾生心讚歎三寶福廣利諸眾生三業依智行心常住法界生處意信願智法常自在

大王當知沙門瞿曇畢竟成就三十七品菩提分法所謂四念處四正勤四如意足五根五力七覺分八正道沙門瞿曇成就如是清淨道法是故我言無有過失王言大師何者如來四念處蒼言大王沙門瞿曇四念處者一者身念處二者受念處三者心念處四者法念處大王當知沙門瞿曇身念處者謂觀內身外身內外身於此身中作二種觀一者不淨觀二者淨觀不淨觀者觀身不淨穢惡充滿諸諸凡夫故淨觀者作是思惟我今因此不淨身故得淨佛身得淨法身淨功德身一切眾生所樂見身作是觀已能淨二行一者無常二者常亡何無常觀身无常畢竟當死如是觀已不為身故造諸惡業邪命自治當為此身修三堅法一修身堅二修命堅三修財堅如是觀已遠離一切

凡聖子經卷第七 第二十六

梁

身口意曲行正直心云何為常觀無常已得於常身因無常故得功德身因無常故不斷佛種法種僧種何以故修身念處觀察一切眾生之身畢竟成就諸佛法身以有法身故作是觀故得平等心無分別心不起諸漏所謂欲漏有漏無明漏不見有我及我所住如實際成一切智是名身念處大王當知沙門瞿曇受念處者謂觀內受外受內外受於是受中作二種觀謂常无常起慈悲心觀諸眾生若受樂時生於貪心若受苦時生於瞋心若受不苦不樂受時生於癡心作是思惟有受皆苦畢竟樂者斷一切受即是常樂隨所受生常生一切慈心悲心若自若他受樂受時遠離染心生於慈心若受苦時觀三惡道遠離瞋心生於悲心若受不苦不樂受時離無明心生於捨心觀一切受无常苦無我見受樂者即知是苦見受苦者如癩如瘡見受不苦不樂受者是不寂靜觀於樂受即知無常觀於苦受即知是空觀不苦不樂受即

知無我如是觀者名受念處
大王當知沙門瞿曇心念處者謂觀
內心外心內外心於是心中作二種
觀謂常无常常觀者觀於自身菩提
之性不忘不失正念不亂如是觀心
又觀所發菩提之心是心性者生已
即滅念念不住不在內入不在外入
不在內外入不在陰中不在界中作
是思惟如是心緣為異不異若心異
緣則一時中有於二心若心即緣不
應復能觀於自心亦如指端不能自
觸心亦如是作是觀已見心無住无
常變異即知是心非從緣生非不緣
生非常非斷非內非外非有非無菩
提之心亦復如是是心非色不可觀
見如幻如化無所罣尋自觀心已觀
諸一切衆生心性如自心性如自心
相一切衆生心性相亦復如是知
自心空一切衆生心空亦亦觀自心
平等觀諸衆生心性平等亦復如是
是名心念處大王當知沙門瞿曇法
念處者謂觀內法外法內外法於是
法中作二種觀謂常无常常以佛眼

見一切法至坐道場未曾中失觀諸
法時不見一法乃至一切微細諸相
離空無相无願無作无生無滅无物
不見一切法乃至微細相不入十二
緣者見法非法無非是法云何為法
謂无我無衆生无壽命無人是名為
法云何非法謂我見衆生見命見人
見斷見常見有見無見是名非法沙
門瞿曇觀一切法是法非法何以故
觀空无相無願是名一切法是法我
憍憍憍我及我所攝取諸見是名一
切法非法作如是觀諸法性已不見
有法非法菩提因非出道因悉是出法
若不如是求諸法者是名滅法出者
從緣滅者從緣如是觀時觀於三行
所謂惡行善行不動行於三行中常
行福行行十善法為淨三業淨身業
者為求諸佛三十二相八十種好他
不能害故淨口業者有所說法衆生
樂聞故淨心業者於諸衆生其心平
等常入禪定故如是方便觀法念
處離諸一切障菩提垢不着常見不
着斷見行中道見如是中道世間智

慧所不能見不可宣說不可顯亦無
有相貌無色无處無取无捨清淨寂
靜不可眼見乃至不可觸亦无至處
不在世間不出世間不可宣說非多
非少非常非斷非相非非相非覺非
非覺非虛非實非此非彼非有非無
非有為非无為非行非非行非生非
死非涅槃非作法是名中道不以肉
眼天眼慧眼觀法念處何以故如是
三眼無相貌故是故觀法以法眼觀
而心不着不失諸法是名法念處大
王當知修四念處得四種離法觀身
不淨出離淨倒觀受是苦出離樂倒
觀心無常出離常倒觀法無我出離
我倒又觀身念處離於端食觀受念
處離於觸食觀心念處離於識食觀
法念處離於思食大王當知沙門瞿
曇畢竟成就如是念處是故我言無
有過失王言大師云何如來四正勤
法答言大王沙門瞿曇四正勤者謂
四種精進遮二種惡法集二種善法
沙門瞿曇善性成就心住善法未生
惡法及已生惡不以精進令滅未生

尼乳子經卷第七 第八十四 讚

善法已生善法不以精進令生何以故
沙門瞿曇於無量世常修善性一切
惡法自然不生一切善法自然滿足
惡法者謂非戒聚伴非定聚伴非慧
聚伴於四念處觀時諸懈怠心五蓋
煩惱覆障心眼離於信等五種善根
是諸惡法未生不生已生即滅勤精
進故善法者謂信等善根未生令生
已生增廣勤精進故是名四正勤法
大王當知沙門瞿曇畢竟成就如是
四正勤法是故我言无有過失
王言大師何者如來四如意分答言
大王沙門瞿曇四如意分者一者欲
如意二者精進如意三者心如意四
者思惟如意如是四法慈悲喜捨而
為根本是四无量心常親近常親進
故心得調柔心調柔故得入初禪第
二禪第三禪第四禪入諸禪故身得
輕軟成就如是身輕心柔入如意分
善入如意分已即生神通若欲若精
進若心若思惟欲者專向彼法精進
者成就彼法心者觀察彼法思惟者
彼法方便成就如是如意分已能得

尼乳子經卷第七 第九十四

神通欲者莊嚴精進者成就心者
正住思惟者善能分別沙門瞿曇得
四如意隨其所解如其所作心得自
在隨意所往善作諸業畢竟成就一
切本行如風行空無所罣碍得四自
在一者命自在二者身自在三者法
自在四者神力自在命自在者為調
衆生隨所生處若天若人於短命中
能現長壽於長壽中能現短壽是名
命自在身自在者以自在故隨心作
身隨心作色示現威儀為衆生故若
欲與諸一切衆生同其身相悉皆能
作是名身自在法自在者能知一切
出世之法示諸衆生世間之事善知
甚深十二因緣得无導辯能隨種種
衆生言說令住正信是名法自在神
力自在者能令四大海水合作一海
不來不去無有動相能令三千大千
世界諸須弥山合為一山不來不去
无有增損如本不異於四天王三十
三天無所妨碍欲令三千大千世界
悉作金銀七寶莊嚴種種花香隨現
能作是名神力自在大王當知沙門

尼乳子經卷第七 第十段四 讚

瞿曇畢竟成就如是四如意分是故
我言無有過失大王當知沙門瞿曇
成就如是四如意分已能入一切禪
定解脫神通無導四无量心
王言大師何者如來禪定答言大王
沙門瞿曇有九次第定入三摩提提
一者初禪二者二禪三者三禪四者
四禪五者空處六者識處七者不用
處八者非有想非無想處九者入滅
盡處大王當知沙門瞿曇離諸欲惡
不善法有覺有觀離生喜樂入初禪
行離諸欲惡者謂初禪所對諸愛染
法遠離彼法名離諸欲離諸惡不善
法者謂因貪瞋癡起煞生等十不善
業是名不善法遠離彼法是名初禪
有覺者謂共覺故何者是覺依何境
界隨順初禪是覺多種謂知覺思惟
觀集定等是名為覺何者是觀即彼
隨順初禪覺行思惟觀受欲定知覺
是名為觀依於欲行共彼有覺有觀
而成初禪依於欲行共彼有喜有樂
而成初禪行是名有喜有樂入初禪
行行者所謂受持念護喜樂智等是

名為行大王當知沙門瞿曇住初禪中得無生法忍增上欲心是故入初禪求無生法忍為求轉勝无生忍故於初禪中生不堅固想起上欲心捨彼初禪求第二禪為欲入彼第二禪故離彼初禪有覺有觀心滅於彼心離於彼心淨於彼心寂靜彼心內淨心一處無覺无觀定生喜樂入第二禪行內淨者謂對治彼障第二禪法寂靜彼法清淨无濁是名內淨心一處者謂滅彼初禪一切覺觀寂靜一味猶如大海一切諸水入皆一味所謂滋味入第二禪滅彼初禪一切覺觀寂靜一味無覺无觀如是名得無覺无觀三昧依彼三昧生喜謂於佛法僧中生於喜心依彼喜心諸善功德自然滿足為欲令彼無生法忍轉轉增勝轉轉光明轉轉勝妙轉轉柔軟得上欲心於彼第二禪中不住不樂更求勝上第三禪行生如是心知彼喜心障第三禪及無生法忍是故離喜行捨憶念安忍身受樂是樂聖人亦說亦捨依彼二禪无生法忍勝上欲

心離彼喜樂入三禪行得三昧樂臥於彼喜生如是心此無喜樂是無常樂是盡滅法非常非恒非真實樂非究竟樂如是知已轉更復起勝无生忍增上欲心依彼勝忍增上欲心不樂苦樂遠離苦樂先滅憂喜不苦不樂捨念清淨入第四禪行得第四禪三摩拔提柔軟心自在心寂靜心光明心正直心捨彼一切所有樂事與諸眾生與彼眾生安隱樂時即時得彼勝無生忍光明現前得彼勝忍光明現前故令行遠疾於第四禪勝妙樂中不生樂心遠離彼樂捨念清淨惟見無邊虛空現前過一切色相滅一切有對相不念種種相知无邊虛空即入無邊虛空行如是觀色略有二種一者四大二者依四大四大者謂地水火風依四大者謂色香味觸如是廣有八種色相離彼色相无彼色相滅彼一切諸色相名過一切色相隨何等法有其色相彼法必有所對等相滅彼一切所有對相不念不行種種異相而能過彼種種異相而

不念彼種種異相故惟見虛空相是故知無邊虛空即入无邊虛空行是故說言過一切色相入彼無邊虛空三昧已生如是心虛空无邊虛空無際虛空无岸隨何等法以無邊等故彼法元有前際中際後際如是觀一切法元前中後際入如是三昧即於一切眾生起大慈心即捨一切法得平等智而現在前今時於彼無生忍中始得勝進光明現前過一切无邊虛空相現前知無邊識相入无邊識處行生如是心是無邊虛空相惟是識想分別得如是心知一切法惟是識相是識无量入如是三昧得無生法忍非究竟成就无生法忍過一切無邊識相處現前知无所有處入無所有少處行无所有者無彼所有貪瞋癡等分別之心種種分別虛妄分別一切世間有為之法皆從虛妄分別心生无彼所有故言無所有少者如向所說法中少相細相微相等名少相無彼少相故言無少過彼一切盡細想故言无所有無所少位是三

居觀子卷第七 第七十四

四

昧得於轉勝無生法忍光明現前為得彼勝无生法忍而不樂彼無所有无少三昧生勝欲心轉求增上三昧勝行生如是心是無所有無少行相亦是細相虛妄分別故次觀非想非非想何等是非想非非想非想者是空非非想者從因緣生今時非想非非想三昧現前過一切無所有處少相入非想非非想處三昧行住於彼寂生如是心彼非想非非想處无所可樂遠離彼法即證諸法不生不滅三昧現前知一切法不生不滅見一切法自性寂滅不行不住今時名得勝上清淨無生法忍是名九種次第入三摩拔提大王當知沙門瞿曇畢竟成就如是定法云故我言無有過失王言大師何者如來解脫之相答言大王沙門瞿曇解脫有八種一者有色見色二者內有色相見外色三者信淨四者過一切色相滅一切有對相不念一切別異相知無邊虛空即入无邊虛空行五者過一切虛空無邊相知无邊識即入無邊識

居觀子卷第七 第七十五

四

行六者過一切無邊識相知無所有少即入元所有處行七者過一切無所有處知非有想非无想安隱即入非有想非無想處行八者過一切非有想非无想行滅一切受想入滅盡定行是名八解脫有色見色者有色者皆是因緣生法見空无壽者能如是見得脫於縛名為解脫內有色相見外色者見空无壽者皆是因緣生法能如是見得脫於縛名為解脫信淨者若分別淨不淨相名為邪見以信淨故得脫於縛名為解脫過一切色相滅一切有對相不念別異相知無邊虛空即入无邊虛空行者無量虛空虛空能如是知得脫於縛名為解脫過一切虛空無邊相知无邊識即入無邊識行者無量識无邊識此无邊識即是空能如是知得脫於縛名為解脫過無邊識知无所有少即入無所有行者所有者名貪瞋癡煩惱入无所有行者滅彼煩惱能如是知得脫於縛名為解脫過無所有知非有想非无想安隱即入非有想非

居觀子卷第七 第七十六

四

無想行者非有想者性空寂靜非无想者以依因緣而有能如是見得脫於縛名為解脫過一切非有想非無想滅一切受想入滅盡定行者如是見想如陽焰受如泡想即是受受即是想無知者无壽者能如是見得脫於縛名為解脫大王當知沙門瞿曇畢竟成就如是解脫是故我言無有過失王言大師何者如來神通智行答言大王沙門瞿曇神通行有六種一者天眼通二者天耳通三者他心通四者宿命通五者如意通六者漏盡通大王當知沙門瞿曇所有天眼過諸一切天龍八部聲聞緣覺所有天眼一切悉能明見十方功德智慧所成悉見十方所有形色光明諸傳若虛若細若近若遠一切悉見明了分別其中所有一切衆生遍諸趣中生死相續若業業果分別諸根悉知無餘於十方界諸佛如來所有莊嚴淨妙國土亦見其中菩薩聲聞五道衆生所修行業悉見無餘何以故是眼清淨見无導故是眼不行不著色

故是眼解脫遠離諸見煩惱縛故是
眼清淨性明了故是眼無依離所緣
故是眼不發斷煩惱故是眼无垢斷
諸惡故是眼無暫斷疑網故是眼不
起斷障導故是眼无貪瞋恚愚癡能
斷一切諸結使故是眼得明照了法
故是眼念知不行識故是眼無上究
竟聖道故是眼無尋平等照衆生故
是眼無染性清淨故何以故沙門瞿
曇住大悲心善分別義无有諍訟隨
見聞說捨諸不善趣於道場心無障
導見慳貪者能以財施見犯戒者勸
攝諸根見瞋恚者勸忍不諍見懈怠
者勸勤精進見散亂者示禪定樂見
愚癡者教修智慧故得天眼清淨无
障是名天眼神通智行

大王當知沙門瞿曇所有天耳盡十
方界其中所有一切諸聲天龍鬼神
乾闥婆阿修羅迦樓羅緊那羅摩睺
羅伽人非人聲悉能分別及知諸佛
說法之聲菩薩聲聞緣覺之聲一切耳
根所能對聲乃至地獄畜生餓鬼蚊
虻蠅蚤所有諸聲悉皆能聞若諸衆

生心有所緣善惡無記所出音聲一
切解了悉聞過去未來諸聲皆盡本
際何以故沙門瞿曇安住大悲能聞
諸聲無有障導斷諸煩惱胃氣滅故
是名天耳神通智行

大王當知沙門瞿曇所有他心神通
智行所有衆生衆生所攝如其心念
所謂善心不善心無記心順煩惱心
背煩惱心聲聞心辟支佛心菩薩心
佛心天心龍心夜叉心乾闥婆心阿
修羅心迦樓羅心緊那羅心摩睺羅
伽心人非人地獄心畜生心餓鬼
心閻羅衆生心過去心未來心悉
分別知何以故沙門瞿曇安住大悲
能知他心無尋无障無諸煩惱故斷
諸習氣故照一切法故能如是解是
名他心神通智行大王當知沙門瞿
曇所有宿命神通智行念知過去一
生二生乃至三十生百生千生無量百
生无量千生無量百千生及天地成
壞元童世界成無量世界壞元童成
壞世界無量成壞劫知諸衆生於是中
生如是種姓如是名字如是色像如

是壽命如是受苦如是受樂如是住
處如是衣服飲食於是中死還是中
生於彼中死還彼中生死此生彼死
彼生此盡過去際悉知無餘又知過
去盡過去際所有諸佛如是眷屬父
母妻子兄弟姊妹從初發心出家求
道修集願行供養諸佛教化調伏一
切衆生坐菩提樹成等正覺如是名
号如是住處如是勝坐如是聲聞如
是侍者如是天如是人如是大衆如
是外道如是說法如是度衆生如是
壽命如是滅度如是正法住如是像
法住念能念知何以故安住大悲善
解作業故是智無惱安住禪定故是
智無畏善攝智慧故是智自然不從
他求現得善知故是智正憶畢竟不
失故是智功德究竟大乘故是智善
根從波羅蜜生到彼岸故是名知宿
命神通智行

大薩遮尼乾子所說經卷第七

癸卯歲高麗國大藏都監奉
勅彫造

大薩遮尼乾子所說經卷第八

九龍天生三歲菩提留支譯

如來無過功德品第三

大王當知沙門瞿曇如意神通智行者為欲調伏邪見剛強難化眾生令從正法是故沙門瞿曇能示種種神通教化若色相若勢力若變化色相者謂示佛色像菩薩色像緣覺色像聲聞色像釋提桓因梵天王四天王色像轉輪聖王色像及餘種種乃至畜生色像隨諸眾生應見受化慈能示現而為說法若有眾生恃身強力而起憍慢瞋恚貢高為欲調伏如是眾生示現大力如那羅延以須彌山置一指端擲著他方無量世界或時斷取三千大千世界下至水際以一手舉高至有頂經一劫現如是力令彼憍慢自大眾生貢高心息而為說法變化者以變化力能變大海如牛跡水大海不減牛跡不大變牛跡水能成大海若劫將盡火災起時應見水者即變為水應見風者即變為

尼乾子所說經卷第八 第三分

風水災起時應見火者即變為火應見風者即變為風風災起時應見水者即變為水應見火者即變為火作如是等種種變化示諸眾生令生歡喜而為說法何以故是神通力信欲精進禪定智慧諸法所攝調伏柔和心得自在善修集故是名如意神通大王當知沙門瞿曇漏盡通智行者諸漏已盡遠離一切煩惱習氣所謂欲漏有漏見漏無明漏不同一切聲聞辟支佛等所得漏盡何以故一切聲聞辟支佛等得漏盡已一切生處而有障導不具自在教化眾生是故有導沙門瞿曇无有障導是名漏盡智通大王當知沙門瞿曇畢竟成就如是神通智行是故我言无有過失王言大師云何如來四無導智答言大王四無導智者一者法無導二者義无導三者時無導四者樂說无導大王當知沙門瞿曇法無導者謂觀眾生初發心行多欲心行少欲心行及善法惡法世間法出世間法可作法不可作法有漏法無漏法有為法

尼乾子所說經卷第八 第三分

無為法黑法白法生死法涅槃法菩提平等法性平等如實而知隨所應聞而為演說是名法無導智大王當知沙門瞿曇義无導者於諸法中知第一義智是無我智无眾生智無人智无壽命智知於過去無有罣智知於未來无有邊智知於現在一切種智知諸諦智是苦不和合智知集不作智知滅自性智知道能到智知諸眾生心行隨入智皆如實知隨所應聞而能為說是名義無導智大王當知沙門瞿曇時无導智者志能了知一切音聲語言所謂知諸天龍鬼神乳閻婆阿修羅迦樓羅緊那羅摩睺羅伽人非人等所有音聲語言文字悉能了知隨所應聞種類差別一能同方音差別說法說義是名時無導智大王當知沙門瞿曇樂說无導智者隨所應聞隨所來問一切語言及諸文字口所分別正直而答心無歇息所謂一切禪定三摩跋提辯說三乘

隨諸衆生一切心行如應而答言辭
美妙說無罣碍猶如流水不可窮盡
是名樂說无罣碍智大王當知沙門瞿
曇成就如是四無罣碍是故我言无
有過失

王言大師何者如來四無量心答言
大王四無量者所謂慈心无量悲心
无量喜心无量捨心無量大王當知
沙門瞿曇有十種无量慈悲之心一
者平等大慈不選擇一切衆生故二
者饒益大慈能開天人善道涅槃閑
諸惡趣故三者救護大慈畢竟能度
一切衆生生死險難故四者哀愍大
慈不捨一切衆生長養諸根故五者
解脫大慈滅諸衆生煩惱熱故六者
出生菩提大慈示諸衆生無上涅槃
大菩提故七者於諸衆生無罣碍慈
放大光明普照一切衆生界故八者
虛空等大慈救護一切諸衆生故九
者法緣大慈覺悟一切諸衆生等知
真實法故十者无緣大慈證離生死
實法性故大王當知是名慈心无量
大王當知沙門瞿曇有十種無量

悲之心一者不共大悲性大悲故二
者不厭大悲代一切衆生受大苦故
三者入一切惡道大悲處在生死度
衆生故四者於諸天人受生大悲示
現諸法慈無常故五者不捨一切邪
定衆生大悲於无量劫起大捨心莊
嚴成就故六者不著已樂大悲為與
一切衆生樂故七者不求報大悲自
心清淨故八者除滅一切衆生倒心
大悲說實法故九者說真法性大悲
知諸法界自性清淨故十者說空空
無所有大悲不為諸客塵煩惱染故
大王當知是名悲心無量

大王當知沙門瞿曇有十種无量
喜之心一者大喜慶諸衆生發菩提
心故二者大喜念諸衆生捨諸有故
三者大喜於犯戒者不生惡心教化
成就故四者大喜於諸一切諍訟衆
生悉令和合得無上智故五者大喜
為諸衆生常護正法故六者大喜遠
離世間出世間故七者大喜令諸衆
生不善一切資生之具常樂正法故
八者大喜不共一切難摧伏故九者

大喜不壞法界令諸衆生常樂禪定
解脫三昧相續不斷故十者大喜令
諸衆生專求寂靜除滅亂心得無上
慧速離邪見滿足諸願故是名喜心
無量

大王當知沙門瞿曇有十種無量大
捨之心一者大捨一切衆生恭敬供
養心不加喜一切衆生輕慢毀辱不
生惱故二者大捨常行世間不為世
間八法所染故三者大捨知器知時
於器非器心行平等故四者大捨不
與衆生鬻聞辟支佛學无學法故五
者大捨遠離一切煩惱習氣故六者
大捨不歎修行二乘善提厭生死故
七者大捨遠離世間涅槃語非離欲
語戲笑語惱他語聲聞緣覺乃至一
切障菩提語故八者大捨若有衆生
待時受化如來於中暫時放捨故九
者大捨若有衆生應受佛化隨彼應
見種種色像即能現故十者大捨遠
離二法無上无下無取无捨無虛元
實觀察平等安住真實得淨忍故是
名捨心無量大王當知沙門瞿曇畢

竟成就如是四無量心是故我言无

有過失

尼釵子經卷第八 第七法 四 證道

王言大師何者如來三根之相答言
大王五根相者所謂信根精進根念
根定根慧根大王當知沙門瞿曇信
根者信於四法何等四法一者於生
死中行施正見信於業報乃至奪命
終不作惡故二者信菩薩行不隨諸
見專求菩提不求餘乘故三者信解
諸法同空無相无願同第一義同於
了義甚深因緣无我無人无眾生無
有分別故四者信一切佛十力四無
畏十八不共法如是信已除諸疑網
集一切佛法是名信根
大王當知沙門瞿曇精進根者若法
信根所攝是法即為精進根修是名
精進根若法精進根所攝是法終不
忘失是名念根若法念根所攝是法
不忘不失一心不乱是名定根若法
定根所攝是慧所親是慧體性內自
照了不從他知自住正行是名慧根
大王當知沙門瞿曇畢竟成就如是
五根是故我言無有過失

王言大師何者如來五力之相答言

尼釵子經卷第八 第八法 口 證道

大王五力相者所謂信力精進力念
力定力慧力大王當知沙門瞿曇信
力者是信一向不可沮壞乃至天魔
變為佛身亦現出入禪定解脫不能
傾動是名信力於諸善法得堅固門
如所得力修諸禪定諸天及人所不
能壞如本所願皆悉成就故名精進
力所住諸法不為煩惱之所破壞何
以故是正念力能摧伏故如是念力
無能壞者是名念力遠離憍慢常樂
獨行雖有所說言語音聲不尋初禪
善住覺觀不尋二禪心生歡喜不尋
三禪雖樂教化一切眾生不捨佛法
而亦不尋第四禪心行四禪時諸妨
定法無所障尋不捨諸定亦不隨定
而能自在處處受生是名定力知世
間法出世間法無有一法能壞是智
在在生處一切伎藝不從師受悉自
然知一切世間外道苦行為化眾生
悉能受行是出世間法能過世間者
慧力所成是名慧力大王當知沙門
瞿曇畢竟成就如是五力是故我言

無有過失

尼釵子經卷第八 第九法 四 證道

王言大師何者如來七覺分相答言
大王七覺分者所謂念覺分擇法覺
分精進覺分喜覺分猗覺分定覺分
捨覺分大王當知沙門瞿曇念覺分
者能觀諸法能分別法亦能觀察諸
法自相云何自相觀一切法自性皆
空念如是等一切覺了名念覺分若
能分別曉了八萬四千法聚如所了
法了義是了義不了義是不了義世
諦是世諦第一義諦是第一義諦假
名是假名正了無疑分別選擇如是
等法是名擇法覺分若念法擇法喜
法倚法定法捨法以智攝取精進勇
猛欲不退轉勤修進趣不捨本意行
於正道是名精進覺分於所修行無
量清淨勝樂法中心生悅豫無有懈
怠是喜踊躍能除身心所有煩惱是
名喜覺分若除身心諸煩惱垢離於
諸蓋入定境界令心正住是名倚覺
分如所入定悉能覺了非不入定是
覺了法又了諸見煩惱結縛其心平
等一切諸法無別異相能如是覺是

名定覺分若法憂喜其心不沒亦復
不為世法所牽無高无下正住不動
無有諸漏无喜無著无諸障尋隨順
真諦正直正道是名捨覺分大王當
知沙門瞿曇畢竟成就如是七覺分
是故我言無有過失

王言大師何者如來八正道分答言
大王八聖道分者所謂正見正思惟
正語正業正命正精進正念正定大
王當知沙門瞿曇正見者若見出世
不起我人衆生壽命養育士夫斷見
常見有見無見亦復不起善以不善
无記等見乃至不起生死涅槃二相
之見是名正見若能起彼貪欲瞋癡
諸煩惱等是名不正不起是事惟思
戒定智慧解脫解脫知見能如是思
住戒聚中名正思惟凡所有說不令
自身及以他身而有損惱成就如是
善好語言起於正道是名正語若業
是黑有黑報白有白報若業黑白有
黑白報終不敢作若業非黑非白有
非黑非白報若業能盡業是業必作
是名正業修行聖種頭陀威儀不

動不轉無諸新詔不為世間利養所
牽見他得利心不生熱於己利養常
知止足如是正行聖人所讚是名正
命若精進向邪非聖所讚所謂貪欲
瞋恚愚癡煩惱是正精進終不為之
若法能入正諦聖道寂滅涅槃是正
精進若念不失不動於法正直不曲
見生死過進求涅槃繫心不忘不失正
道是名正念若定不乱於一切法住
是定時成正決定是名正定大王當
知住是三昧者為一切衆生得解脫
故成正決定是名正定是八聖道志
是過去未來現在諸佛所行是名聖
道大王當知沙門瞿曇具足成就如
是三十七助菩提法依此法故沙門
瞿曇名為如來應正遍知是故我言
無有過失而說偈言

瞿曇四念處 及以四正勤 禪定諸三昧
於中得自在 惟瞿曇究竟 更無第二人
是故說瞿曇 无有諸過失 瞿曇如意道
寂勝無有比 脩諸四无碍 具足到彼岸
大聖能善解 解脫器差別 是故如實知
能淨諸衆生 梵行得自在 慈悲及喜捨

得正見寂靜 是故無過失 八聖正道水
清淨無垢濁 洗諸罪衆生 服七覺寶衣
將置彼不動 無畏涅槃處 是故說瞿曇
無有諸過失 瞿曇如牛王 獨勝過諸群
衆聖皆尊仰 世間無等倫 離諸一切惡
具足諸功德 常念利世間 是故无過失
大王當知沙門瞿曇畢竟成就十種
智力王言大師何者是如來十種智
力答言大王十力者所謂知是處非
處智力知業集智力知性智力知信
智力知根智力知至處道智力知定
智力知宿命智力知天眼智力知漏
盡智力大王當知沙門瞿曇知是處
非處智力者決定了知因果中智知
從是因能生是果不生是果知行不
善定得苦報不生樂報修行善因定
得樂果不生苦果是處者有是報非
處者无是報是名知是處非處智力
大王當知沙門瞿曇知業集智力者
如實能知過去未來現在諸業所得
果報知處知事知因知果或謂過去
事滅皆無沙門瞿曇說於過去雖无
現相是業能得未來世報若有作業

凡觀子經卷第八 第十四

是聲聞因是辟支佛因是菩薩因是如來因沙門瞿曇志能了知是名知業集智力大王當知沙門瞿曇知欲力者如實能知一切衆生種種欲樂知是衆生樂於五欲知是衆生樂於修道知是衆生住邪定聚知是衆生住正定聚知是衆生住不定聚知是衆生樂聲聞道知是衆生樂辟支佛道知是衆生樂無上道如是知已隨宜說法廣度一切諸衆生等是名知欲智力

大王當知沙門瞿曇知性力者如實能知一切衆生无量種性有漏種性無漏種性世間性出世間性常性非常性法界性無差別性又知衆生所樂習成難改之性從性起欲知其所樂及知所起善性不善性起聲聞性辟支佛性無上菩提性皆如實知隨宜說法是名知性智力

大王當知沙門瞿曇知根力者如實能知一切衆生諸根差別知有漏根無漏根利根鈍根知增知減能知貪欲瞋恚愚癡有無量種各有輕重志

凡觀子經卷第八 第十四

如實知知有根能增長生死知有根能損減生死知善根不善根知非善非不善根知眼根耳根鼻根舌根身根意根男根女根命根苦根樂根憂根喜根捨根信根精進根念根定根慧根未知欲知根知根知已根知眼根因乃至意根因知耳根因作眼根緣知鼻根因作舌根緣知舌根因作身根緣知戒莊嚴能修於施知施莊嚴能修於戒能知誰可說施說戒乃至智慧亦復如是能知誰可為說四念處乃至八正道分知誰可為說聲聞乘辟支佛乘無上佛乘知緣覺根學聲聞乘知正覺根學聲聞乘辟支佛乘知下根人能修上根上根之人修於下根知衆生根未可調者則生捨心可調伏者為說正法知根熟不熟相不熟熟相不熟不熟相熟有熟相知生死根知解脫根知莊嚴根知具足根如是知已而為說法是名知根智力

大王當知沙門瞿曇知至處道力者如實能知行是道者墮於地獄乃至

凡觀子經卷第八 第十五

生天行是道者得至涅槃是業皆從根欲性生知有漏業故生於五道无漏業故得至涅槃如是能知正定聚邪定聚及不定聚知於因力及果報力知過去世福德因緣知現在世莊嚴因緣難調易調略說廣解廣說略解知是衆生能得解脫知是衆生不得解脫知不定者過善知識住正定衆不得善友則元解脫如是知已隨所應聞而為說法是名能知至處道力大王當知沙門瞿曇知禪定力者如實能知禪定解脫三昧三摩提知垢知淨知住知增知諸衆生以是因緣貪樂生死以是因緣貪樂涅槃云何名因云何名緣知諸衆生思惟不善是生死因緣因不善思惟故生長無明是故不善為因元明為緣因無明故則生於行是故元明為因諸行為緣如是乃至因生則有老死等苦是故生則為因老死為緣煩惱為因諸業為緣諸見為因愛結為緣煩惱為因五蓋為緣是名為因是名為緣而諸衆生以是因緣貪樂生死何因

緣故貪樂淫勝有二因二法令諸衆生樂於淫勝一者喜樂聽法二者樂正思惟復有二法一者舍厚他二者毗婆舍耶又知說法因緣得聲聞三昧緣覺三昧菩薩三昧如是知已而為說法是名知定智力

大王當知沙門瞿曇知宿命智力者如實能知自身過去一切生處有無色無色種性名字飲食色類形相苦樂壽命長短念他有滅生於他有如知自身知他亦知是衆生所有業因是諸衆生造是業因得他有身知諸衆生心及因緣如是滅已次第生心念知三世無有始終勸諸衆生觀諸過去所作善惡果報苦樂如是知已隨所應聞而為說法是名知宿命智力

大王當知沙門瞿曇知天眼智力者如實知見一切衆生滅墮落若受善色若受惡色若生善有若生惡有知諸衆因皆悉明了知是衆生身口意惡諸惡人增長邪見以惡業故捨此身已即墮地獄知是衆生身口意

善不謗聖人增長正見以是業緣捨此身已即生善有能見十方諸佛世界無有邊際猶如虛空無有量量悉見衆生時滅時見諸世界成時壞時亦知衆生發菩提心時滅時見一切佛始成正覺轉正法輪入涅槃時見諸聲聞證解脫已取涅槃時見諸緣覺以神通力報諸衆生信施恩時如是等事一切五通聲聞緣覺及諸菩薩所不能見沙門瞿曇天眼成就如是功德以天眼故觀諸衆生誰應為佛之所化度誰復應為聲聞緣覺之所化度如是見已隨應度者示現其身而為說法是名知天眼智力大王當知沙門瞿曇知漏盡力者諸漏已盡畢竟解脫是故唱言我生已盡梵行已立所作已辦更無後有佛漏盡智清淨微妙言清淨者无習氣故聲聞之智有邊有量何以故有習氣故辟支佛智亦有邊量何以故無大悲故佛漏盡智无量無邊何以故知一切行故具足成就一切智故永斷一切諸習氣故攝取大慈大悲在

嚴四無所畏於一切法無取相習一切世間所不能勝行住坐卧无諸過失猶如虛空清淨無導不雜烟雲佛漏盡智亦復如是不雜一切煩惱習故能為一切衆生說法令彼聞者斷諸煩惱是名知漏盡智力大王當知沙門瞿曇畢竟成就如是十種智力以是莊嚴故名如來應正遍知是故我言無有過失而說偈言
是處及非處 諸佛如實知 太尊實證著 是故無過失 於諸過去世 聖照無障尋 未來及現在 智慧不迷沒 業及業果報 所有果因智 皆能如實知 是故名為佛 世人無量性 種種如實知 於性中善解 是名無等人 世間種種信 及无量信者 如實智慧知 是故不異語 如實知下根 及知中根者 如實知根熟 於根得自在 生一切處道 世尊如實知 力通根擇定 覺分解脫者 知染及清淨 差別如實解 如來無有障 以離諸障故 過去无量生 種種知力見 自身及他身 智者如實知 佛淨眼无垢 過天人世間 依彼清淨眼 見衆生退 知諸漏盡智 及知於解脫

聖子經卷第八 第十九
所有無漏界聖人如實知是力无等等
佛世尊自在於一中現而心无分別
不取亦不捨自然而現前如輪依本業
自然而轉轉一念如實知衆生諸心念
於心及衆生不起二種相於一切法中
具足諸功德是故說聖人自在无過失
大薩遮尼釁子所說經卷第八

癸卯歲高麗國大藏都監奉
勅彫造

大薩遮尼釁子所說經卷第九

九觀天生三歲菩提留支譯

四

如來無過功德品第八之四

大王當知沙門瞿曇畢竟成就四無
所畏王言大師何者如來四無所畏
答言大王所謂一切智无畏漏盡無
畏障道无畏盡苦道無畏大王當知
一切智无畏者沙門瞿曇悉以覺知
一切諸法若諸世間天人魔梵沙門
婆羅門作如是言沙門瞿曇不能覺
知一切諸法如實說者無有是處何
以故沙門瞿曇急能覺知一切諸法
是故名為平等正覺所謂凡夫法聖
人法聲聞法緣覺法佛法菩薩法學
法無學法世間法出世間法善法不
善法有漏法無漏法有為法无為法
覺如是法故名正覺言平等者見空
平等法真實故无相平等壞諸相故
無願平等不著三界故不生平等无
生性故無行平等无行性故無出平
等無出性故无至處平等無至處性
故真實平等无三世故解脫平等無

尼釁子經卷第九 第八
無明性故涅槃平等无生死性故是

故沙門瞿曇急能覺知一切諸法至
无畏處以大悲心在大衆中作師子
吼轉梵法輪一切世間天人魔梵沙
門婆羅門未曾有能如法轉者是名
一切智無畏大王當知漏盡无畏者
沙門瞿曇諸漏已盡是故唱言我漏
已盡若諸世間天人魔梵沙門婆羅
門作如是言沙門瞿曇諸漏未盡如
實說者無有是處何以故沙門瞿曇
諸漏已盡於欲漏有漏无明漏見漏
心得解脫諸習氣滅是故沙門瞿曇
諸漏已盡至無畏處在大衆中作師
子吼轉梵法輪一切世間天人魔梵
沙門婆羅門未曾有能如是轉者是
名漏盡無畏大王當知障道无畏者
沙門瞿曇知諸欲法能障聖道是故
說言欲能障道若諸世間天人魔梵
沙門婆羅門作如是言是諸欲法不
能障道如實說者無有是處何以故
沙門瞿曇如實覺知障道法故障道
法者謂十不善業能障聖道沙門瞿
曇能如實知至无畏處在大衆中作

師子吼轉梵法輪一切世間天人魔梵沙門婆羅門未曾有能如法轉者是名說障道无畏大王當知盡苦道無畏者沙門瞿曇說言修習聖道能盡苦際得無上解脫若諸世間天人魔梵沙門婆羅門作如是言修習聖道不能畢竟盡諸苦際如實說者无有是處何以故沙門瞿曇已證無上解脫盡諸苦故云何名為真實聖道所謂一乘復有二種謂舍摩陀毗婆舍那復有三種謂空三昧無相无願三昧復有七法謂四念處乃至八聖道是名畢竟真實聖道畢竟道者无增無減无取無捨无執無放非正非邪非一非二是名真實畢竟正道沙門瞿曇如實能知至無畏處在大眾中作師子吼轉梵法輪一切世間天人魔梵沙門婆羅門未曾有能如法轉者是名盡苦道無畏大王當知沙門瞿曇畢竟成就如是四無畏智能師子吼是故我言无有過失而說偈言瞿曇如師子 處眾无畏說 世間無與等 何況有勝者 瞿曇證諸法 如實不虛妄

以是實見故 出師子王說 若有能說言瞿曇說不正 瞿曇不能見 無有如是處以不見相者 在於天人中 自在師子吼出妙無畏聲 瞿曇漏已盡 已得无漏身過天人世間 是故言無等 瞿曇為眾生說諸障道法 一切皆如實 故不虛妄說瞿曇說進取 自證如是說 修行彼法者無有諸障導 瞿曇如是知 至勝无畏處得無畏樂 瞿曇安隱住 轉梵正法輪餘未曾轉彼 世人不能轉 除兩足尊者大王當知沙門瞿曇畢竟成就就不共之法王言大師何者如來不共之法答言大王沙門瞿曇不共法者所謂無有一切過名不共法何以故沙門瞿曇身業無失故無一切過名不共法何以故沙門瞿曇口業无失故無一切妄名不共法何以故沙門瞿曇意業无失故無種種相名不共法何以故沙門瞿曇若得供養不生高心若得毀辱不生下心故無不定心名不共法何以故沙門瞿曇若行若住若坐若卧若語若默常在定故无不住心捨心名不共法何以故沙門瞿

曇修身故修戒故修心故修慧故斷癡故是名聖捨欲無休息名不共法何以故沙門瞿曇大慈大悲說法度人安住寂靜無增減故精進无休息名不共法何以故沙門瞿曇為一切眾生於無量劫受大苦惱不生疲歇故念無休息名不共法何以故沙門瞿曇初得道時遍觀一切去來現在眾生之心後為說法不須更觀不失先念故智慧无休息名不共法何以故沙門瞿曇於三世中憶念不忘故解脫无休息名不共法何以故沙門瞿曇不從師學自然覺悟不同二乘從他聞故因緣生故解脫知見無休息名不共法何以故沙門瞿曇得无導智知一切義一切字一切句於一句法无量劫說義無窮盡故一切身業智為本智展轉名不共法何以故沙門瞿曇所有身業隨智行故一切口業智為本智展轉名不共法何以故沙門瞿曇所有口業隨智行故一切意業智為本智展轉名不共法何以故沙門瞿曇所有意業隨智行故

尼釵子經卷第九 第六張四

知過去世無障无等名不共法何以故
沙門瞿曇具宿命明故知未來世無
障无等名不共法何以故沙門瞿曇
得天眼明故知現在世無障无等名
不共法何以故沙門瞿曇得漏盡明
故無見頂者名不共法何以故沙門
瞿曇无邊身故無能勝者名不共法
何以故沙門瞿曇過諸天人聲聞辟
支佛故眾生各見在已前名不共
法何以故沙門瞿曇身不可思議故
所有言說聞者生善名不共法何以
故沙門瞿曇成就一切諸功德故說
法之音隨受者聞名不共法何以故
沙門瞿曇善知餘者聞无益故出言
清淨名不共法何以故沙門瞿曇口
常不說非義語故出口所說義言軟
語聞者歡喜名不共法何以故沙門
瞿曇其心平等離怨親故所說言音
聞者無厭名不共法何以故沙門瞿
曇說微妙故處眾无畏名不共法何
以故沙門瞿曇清淨一切諸智障故
於眾言說不生怯弱名不共法何以
故沙門瞿曇畢竟成就四無畏故隨

尼釵子經卷第九 第七張四

意言說名不共法何以故沙門瞿曇
善知一切眾生心故弟子寂靜名不
共法何以故沙門瞿曇所有徒眾隨
順受教故見者離惱除諸不善名不
共法何以故沙門瞿曇常願其身如
藥樹王故觀者無厭名不共法何以
故沙門瞿曇能令見者覺一切法故
動身迴顧如大鳥王名不共法何以
故沙門瞿曇視如龍王威儀清淨故
在於四眾能師子吼名不共法何以
故沙門瞿曇具足十力善決眾疑故
常受上供名不共法何以故沙門瞿
曇無上福田故功德无盡名不共法
何以故沙門瞿曇所修諸行不求果
報故一切天人魔王梵眾無能壞者
名不共法何以故一一節中有都羅
延力故所記之事無有虛謬名不共
法何以故善知一切諸根使故知一
切行名不共法何以故沙門瞿曇覺
一切法故所有智慧無有疑濁名不
共法何以故沙門瞿曇善知三世智
清淨故煩惱習盡名不共法何以故
沙門瞿曇善能清淨煩惱因故於諸

尼釵子經卷第九 第八張四

世間天人魔梵沙門婆羅門眾中而
為師首名不共法何以故沙門瞿曇
通達一切諸法相故所得法身名不
共法何以故沙門瞿曇壽命无盡故
見聞親近得大利益名不共法何以
故沙門瞿曇成就善法三業不空故
出身血者犯於逆罪名不共法何以
故沙門瞿曇成就無上勝善根故大
王當知沙門瞿曇畢竟成就如是不
共法是故我言無有過失而說偈言
瞿曇無過失 亦無一切習 諸念皆清淨
是智者无過 一切無異相 而心不忘失
捨心非無作 諸欲皆不減 精進无懈怠
有念不曾忘 慧解脫不退 正見无失滅
智慧不可動 身口業亦舍 以智為根本
如是常展轉 常智无過失 過去世亦舍
未來及現在 諸處无障碍 瞿曇是智者
如是諸功德 更有餘勝法 地主不可數
王言大師如來成就如是功德莊嚴
之身為是常也為無常也如是功德
為有盡也為无盡也若言大王沙門
瞿曇住是功德盡生死際最後邊身
是常住身非无常也大王當知勿觀

聖同無常也王言大師如是常身當云何觀答言大王如自觀已法性之身觀於聖法身亦亦是身為色不可如色見故是身為心不可如心知故是身為性不聞故是身為身降眾惡故是身為力無降伏故是身無連性平等故是身為空離見聞故是身無相離覺觀故是身無願出三界故是身一相無異相故是身如虛空無相似故是身非生從緣生故是身非滅本不生故是身非住非三世故是身非方不離方故是身非眾生不離一切眾生故大王當知如是觀者名觀常身名見法身大王當知如是觀者名為正觀若他觀者名為邪觀王言大師云何非生而從緣生大王當知法身非生從緣生故王言大師云何從緣生大王當知從緣生者從無量功德智慧生從戒生從定生從慧生從解脫生從解脫知見生從慈悲喜捨生從布施生從持戒生從忍辱生從精進生從禪定生從智慧生從解脫三昧生從諸方便波羅蜜

生從六通生從三明生從四無所生從十力四無所畏十八不共法生從斷一切不善法集一切善法生從實慧生從不放逸生大王當知從如是無量清淨功德法生聖身功德無盡故法身無盡王言大師生法有盡云何有生而無有盡答言大王本不生故而无有盡王言大師何者本不生故答言大王法身非生以本有故以緣生故名之為生王言大師如是緣者無量无边若欲行者以何為本從何為始答言大王一切功德助道之行要言之以戒為本持戒為始若不持戒乃至不得芥野干身何況當得功德之身大王當知以戒淨故不斷佛種成等正覺不斷法種分別法性不斷僧種修無為道以持淨戒相續不斷故功德無盡王言大師一切戒善皆無有盡亦有盡也答言大王非一切盡亦非不盡何以故相續斷故有盡不斷故無盡王言大師何者相續斷何者相續不斷答言大王淨戒相續不斷斷故功德無盡何以

故凡夫成者在所受生斷故有盡入中十善所得果報斷故有盡欲界諸天福報功德斷故有盡色界諸天禪無量心斷故有盡無色諸天取入諸定斷故有盡一切聲聞學无學戒入涅槃除斷故有盡辟支佛戒無大悲心斷故有盡諸菩薩戒到於菩提成大悲故功德無盡何以故於是戒中出生一切凡夫二乘所有諸戒如種無盡故果亦無盡是故菩提種不可盡王言大師如此法身當依何法作如是觀答言大王當依一切眾生煩惱身觀當依貪欲瞋恚愚癡眾生中觀當依四顛倒見眾生中觀當依陰界諸入中觀當依地獄畜生餓鬼乃至阿修羅等諸身中觀何以故此身即是如來藏故大王當知一切煩惱諸垢藏中有如來性湛然滿足如石中金如木中火如地下水如乳中酪如麻中油如子中牙如藏中寶如摩中像如孕中胎如雲中日是故我言煩惱身中有如來藏尔時薩遮尼札子重說偈言

尼乳子經卷第九 第十四張
覺法性身 妙色常湛然 清淨常寂滅

其相如虛空 如是法性身 衆生等无差

此境界甚深 二乘不能知

尔時嚴熾王聞大薩遮尼乳子說於
如來不可思議功德法身生歡喜心
生踊悅心生踊躍心生無量歡喜心
生无量信敬心生無量愛念心生无
量慶悅心於大薩遮尼乳子所復生
不可思議者心生不可量者心生可
尊者心生可尊重者心生可恭敬者
心生善知菩提道者心生一切智者
心生到彼岸者心生寤寐者心生與
念者心生住不可思議解脫菩薩心
生如是等不可思議種種心已以價
直百千万阿僧祇璣瑠及不可量上
價妙衣持用奉施薩遮尼乳子復作
是言善哉善哉薩遮大師能說如是
勝大方便巧妙法門復作是言薩遮
大師師所說法善巧隨順一切智智
此法能到一切智地師所說法能度
一切諸世間流師所說法能洗一切
諸煩惱垢師所說法能破一切諸嫉
妬門師所說法能拔一切諸惡道苦

尼乳子經卷第九 第十四張
師所說法能善方便壞散一切大情

傍山師所說法能慈能乾竭一切世間

憂欲大海師所說法能照一切無智

稠林師所說法能不失時不失受時

尔時薩遮尼乳子告嚴熾王言如是

如是大王諸菩薩摩訶薩无有威儀

不化衆生無有一法不能隨順大乘

法門無有一法不能到於一切智地

无有一法不能斷於一切煩惱無有

一法不示世間一切過失无有一法

不示涅槃無上功德无有一法不示

菩薩無上勝行大王當知諸菩薩摩

訶薩所行一切行皆為自利亦為他

利彼二俱利薩遮尼乳子說此法門

時嚴熾王得大堅固不退轉菩提之

心王十六子所得名為歡喜踊躍境

界信心八千天子得名觀佛莊嚴三

昧時嚴熾王所有眷屬及大薩遮尼

乳子諸眷屬等十三千人發阿耨多

羅三藐三菩提心彼諸衆生各各脫

身所著上衣持用奉施薩遮尼乳子

而作是言我今善得無上大利以我

得見薩遮善男子故得聞說此一切

尼乳子經卷第九 第十四張
智慧勝妙法門

大薩遮尼乳子所說經語如來品第九

尔時嚴熾王及諸眷屬作是言薩遮

善男子師今應往詣如來所見佛世

尊禮拜如來供養如來何以故令佛

世尊在我國中為諸大衆說微妙法

薩遮尼乳子言善哉大王欲見如來

今正是時可共國內城邑小王諸聚

落主大目王子長者居士及王夫人

後宮婦女并王大力目如是等衆一時

同心俱往佛所尔時嚴熾王勅令國

內一切城邑乃至聚落主等各將所

領及家眷屬悉共莊嚴俱詣佛所若

其不往如來所者當斷其命尔時國

內所有一切善男子善女人及童男

童女等聞王教令欲與薩遮大師俱

往佛所親觀供養心生歡喜各各莊

嚴殊飾綺妙備諸一切種種香華塗

香末香花鬘幡蓋執種種一切伎樂

出鬱闍延城在於大路待嚴熾王尔

時嚴熾王駕七寶輿交絡羣衆以諸

無量金瓶銀瓶神種種華供在兩廂

王與大力現大王勢作大王神通作

大王奮迅為馬車步作大王戲樂豎
諸種種幢幡華蓋打八千種諸妙聲
鼓種種歌舞與大薩遮尼乳子大目
王子與王大力夫人宮人及諸小王
長者居士乃至守門守宮人等九万
八千万人前後圍繞俱往國中詣如
來所到佛所已頂礼佛足繞佛三匝
薩遮尼乳子與諸眷屬頂礼佛足繞
佛无量百千匝已却坐一面一心合
掌觀佛不捨默然而住

大薩遮尼乳子所說經說法品第十一

尔時慧命舍利弗見大薩遮尼乳子
在佛前坐一心合掌觀佛不捨默然
而住作是思惟此薩遮尼乳子為何
事故來詣佛所作是念已語大薩遮
尼乳子言汝為何事來詣佛所為見
佛也為聞法乎尔時薩遮尼乳子語
慧命舍利弗言大德舍利弗我今來
詣佛世尊所不為見佛不為聞法大
德舍利弗我今不為一切法故來詣
佛所何以故大德舍利弗非見色故
名見如來非見受想行識故名見如
來非見地性故名見如來非見水性

火性風性故名見如來非見我故名
見如來非見眾生故名見如來非見
壽命故名見如來非見人故名見如
來非見作者故名見如來非見我所
故名見如來非見所見事故故名見如
來非見相故名見如來非見無相故
名見如來何以故大德舍利弗不見
一切相名見如來不執著見名見如
來不見拘故名見如來如實見故名
見如來見實際非際故名見如來默
眼默色故名見如來不見耳不聞聲
故名見如來不見鼻不嗅香故名見
如來不見舌不知味故名見如來不
見身不見觸故名見如來不見意法
不分別意法故名見如來舍利弗言
薩遮大德若如是相見不見如來者
云何名見佛世尊也薩遮尼乳子答
言大德舍利弗非見家故名見如來
非見姓故名見如來非相故名見如
來非非相故名見如來非法故名見
如來非非法故名見如來非實故名
見如來非非實故名見如來非觀故
名見如來非非觀故名見如來非念

故名見如來非非念故名見如來非
分別故名見如來非分別故名見
如來非有為故名見如來非無為故
名見如來非有物故名見如來非无
物故名見如來非和合故名見如來
非別離故名見如來非色故名見如
來非受想行識故名見如來非取故
名見如來非不取故名見如來非生
故名見如來非不生故名見如來尔
時慧命舍利弗語大薩遮尼乳子言
薩遮大德若如是見名見如來者薩
遮大德云何而見佛世尊也薩遮尼
乳子答言大德舍利弗我非見色見
如來亦不離色見如來我不滅壞色
名見如來如是非見受想行識名見
如來不離受想行識名見如來我不
滅壞受想行識名見如來我不見如
來世間所攝亦不見如來出世間攝
我不見如來為陰所攝不見如來為
界所攝不見如來為入所攝我見如
來離諸一切音聲言語我今如是見
於如來如是不見非不見不知不分
別不起不亦不生不增長不取不捨

居士經卷第九 第十八段

不戲論不作相不作非不作物
非不作物不受不護非作心見非自
然見非觀見非不觀見非可語見非
不可語見離一切言語名字章句音
聲名見如來何以故以不可如是相
見故大德舍利弗諸菩薩摩訶薩如
是見佛我亦如是見於如來舍利弗
言薩遮大德若能如是見如來者如
來說法大德云何而得聞也答言大
德舍利弗我若起法相非法相應聞
如來所說之法何以故大德舍利弗
諸菩薩摩訶薩於諸一切名字章句
言語之音聞說法聲而不作心法相
非法相何以故以離一切諸法相故
舍利弗言薩遮大德汝來佛所非為
法來也答言大德舍利弗我不為法
非不為法來詣佛所何以故大德舍
利弗夫為法者不為一切法名為為
法大德舍利弗若有人言為法來者
彼人不著此法名為佛不見此法名
為法不著生名為僧夫為法者不為
知苦不為離集不為修道不為證滅
不為過欲界不為過色界不為過无

居士經卷第九 第十九段

色界不為得涅槃大德舍利弗汝依
此法應知我今不為法故來詣佛所
尔時慧命舍利弗告大薩遮尼軋子
言薩遮大德今依何法作如是說答
言大德舍利弗我今都不依於一法
作如是說何以故法界中无依法界
中依不可得法界中無依亦不可得
何以故以不見二故舍利弗言薩遮
大德汝今不依六道去來也答言大
德舍利弗我若見彼六道相者應有
去來我若有生亦應受生有退應退
有去應去大德舍利弗一切法不動
不轉不去不退不生舍利弗言薩遮
尼軋子若如是者如來何故說言比
丘汝生老死亦退亦生答言大德舍
利弗如來依著六道眾生作如是說
為欲拔彼依止六道是故如來作如
是說大德舍利弗於佛法中不去不
來不退不生舍利弗言善哉善哉薩
遮大德如薩遮大德所說是大乘行
者知義知字者薩遮尼軋子言大德
舍利弗汝知何者為義何者為字舍
利弗言善男子我不欲說我欲聞說

居士經卷第九 第二十段

大德當說何者為義何者為字尔時
薩遮尼軋子告舍利弗言大德舍利
弗所言義者名不可說說不可說名
之為字所言義者名不可語說彼語
者名之為字所言義者名不可名說
彼名者名之為字所言義者不可動
不可知不可戲論不可分別不可生
不可聚非物非實無我非起非可取
非可依遠離一切依言語名字所言
字者思惟數極量觀察令他解名之
為字所言義者為義无尋所言字者
名法無尋辭无尋樂說無尋大德舍
利弗是名略說義略說字尔時世尊
告薩遮尼軋子言善哉善哉薩遮尼軋子
善哉若有善男子欲說法者應如是
說如汝所說說此法門尔時眾中三
千天子聞大薩遮尼軋子樂說辯才
得無生法忍二十千眾生發阿耨多
羅三藐三菩提心

大薩遮尼軋子所說經卷第九

癸卯歲高麗國大藏都監奉

勅彫造

大薩遮尼乾子所說經卷第十

九觀天生三藏善提智支譯

說法品第十之二

今時慈命大目犍連白佛言世尊此薩遮尼乾子現此外道相教化衆所衆生發阿耨多羅三藐三菩提心佛告目連目連汝今問我此事天人聞說皆悉迷沒除諸善薩摩訶薩衆目連我今就其少分令衆生入薩遮善男子以種種形種種色種種威儀教化衆生發阿耨多羅三藐三菩提心目連如須彌山微塵數等衆生住外道法中薩遮善男子行外道法教化令發阿耨多羅三藐三菩提心四天下微塵數等衆生住逆罪如外道法中薩遮善男子行逆罪如法教化令發阿耨多羅三藐三菩提心八萬四千恒河沙等衆生住波利婆闍外道法中薩遮善男子行波利婆闍外道法教化令發阿耨多羅三藐三菩提心十恒河沙等衆生樂聞行薩遮善男子現聲聞行教化令住聲聞善

提後發阿耨多羅三藐三菩提心過

是聲聞數等身現行辟支佛形教化令發阿耨多羅三藐三菩提心無數衆生薩遮善男子行善薩道教化令發阿耨多羅三藐三菩提心應見帝釋身而受化者即現帝釋身教化衆生應見梵王身而受化者即現梵王身教化衆生應見轉輪王身而受化者即現轉輪王身教化衆生應見四天王身而受化者即現四天王身教化衆生應見緊鄰羅身而受化者即現緊鄰羅身教化衆生應見阿修羅身而受化者即現阿修羅身教化衆生應見迦樓羅身而受化者即現迦樓羅身教化衆生應見摩睺羅伽身而受化者即現摩睺羅伽身教化衆生應見人身而受化者即現人身教化衆生應見女身而受化者即現女身教化衆生應見童男童女身而受化者即現童男童女身教化衆生應見地天身而受化者即現地天身教化衆生應見同生天身而受化者即現同生天身教化衆生應見聖人身

左此子經卷第十

第二卷

卷

左此子經卷第十

第二卷

卷

而受化者即現聖人身教化衆生應見摩訶婆身而受化者即現摩訶婆身教化衆生應見比丘比丘尼身而受化者即現比丘比丘尼身教化衆生應見優婆塞優婆夷身而受化者即現優婆塞優婆夷身教化衆生目連薩遮善男子現如是等一切種種無量身相教化如是无量衆生發阿耨多羅三藐三菩提心目連白佛言世尊薩遮善男子供養數所諸佛佛告目連目連地界水界火界風界虛空分界等悉可量數而薩遮善男子以種種身所供養佛不可量數

大薩遮尼乾子所說經授記品第十一

今時大德摩訶迦葉告薩遮善男子言善男子汝已供養無量諸佛具足成就無量无边諸功德聚何故不成阿耨多羅三藐三菩提薩遮善男子大德迦葉我若有見此是菩提此是證者我應得阿耨多羅三藐三菩提迦葉言薩遮善男子無量无边菩薩發阿耨多羅三藐三菩提心不可已成阿耨多羅三藐三菩提當成阿耨多

法華經卷第十 第四

羅三藐三菩提現成阿耨多羅三藐三菩提也。薩婆言大德迦葉。汝今所言無量无边諸衆生等。成阿耨多羅三藐三菩提者。此是憍慢衆生之數。何以故。大德迦葉。於第一義中。菩提不可得。菩提不可得。何以故。大德迦葉。言菩提者。名為無為。菩提者。離一切數。菩提者。非色。法菩提者。不可見。菩提者。非青。非黃。非赤。非白。非紅。非黑。非頗梨。色無色。无。形無相。无表。過一切相。無依離一切依。無物離一切物。無相離一切相。不可言。不可說。不可見。不可和。合知不可別。異知非闇。非明。無形。无相。無可觀。非言語。非言。語不可觸。不可知。不可聞。非音聲。非口道。無擁无尋。無縛无脫。非瞋非癡。不可以一切事示現。不可說大德。迦葉。菩提體如是。相彼不可以身證。不可以心知。何以故。大德迦葉。是身無知如草木。是身无覺如石壁。是身無識如鏡像。是故不可以身得。菩提大德。迦葉。心亦不可見。不可示。是故不以心得。菩提大德。迦葉。衆生不可

法華經卷第十 第五

見無衆生。故是故不得阿耨多羅三藐三菩提。大德迦葉。一切諸法。若如是者。云何迦葉。而作是言。汝已供養无量諸佛。滿足無量无边功德。何故不成阿耨多羅三藐三菩提。今時會中諸菩薩摩訶薩。比丘比丘。丘優婆塞。優婆塞。釋提桓因。四天王。梵天王等。一切大衆。作如是念。如來世尊。應除我等疑惑。心故。隨我心信。應與薩遮善男子。授阿耨多羅三藐三菩提。記於幾所。時當成阿耨多羅三藐三菩提。於何等劫。何等世界。何等國。何等姓。何等家。何等眷屬。云何出家。何等樹下。成阿耨多羅三藐三菩提。成阿耨多羅三藐三菩提。已佛名何等。幾時住世。幾衆集會。今時世尊。知彼衆會。諸菩薩摩訶薩。比丘比丘。丘優婆塞。優婆塞。釋提桓因。四天王。梵天王等。心之所念。諸覺觀。已告文殊師利法王子。言。文殊師利。此薩遮善男子。過此賢劫。復過無量無數劫。已當成阿耨多羅三藐三菩提。佛名實慧。憶王世界名善觀。名稱彼世界中無

法華經卷第十 第六

諸慈妙文殊師利。彼善觀名。稱世界莊嚴。希有殊特。極妙可樂。其地七寶間錯。莊嚴城郭。周匝七寶牆障。百千萬重。其中復有七百萬重。大香海水。周匝圍遶。七百萬大毗琉璃摩。丘寶珠。以為門闕。十百千萬閻浮檀金。以為羅網。遍覆世界。十百千萬摩。丘寶間錯。其間懸十百千萬師子。受摩。丘寶遍諸宮殿。以為嚴飾。十百千萬師子。幢摩。丘寶莊嚴街道。十百千萬大幢摩。丘寶日夜常然。普照世界。十百千萬七寶和鈴。常出妙聲。遍諸世界。懸十百千萬摩。丘寶高幢。普遍世界。懸十百千萬金。幡置在高幢。文殊師利。彼善觀名。稱世界地。平如掌。寶樹普覆。諸草柔軟。右旋婉轉。如善巧畫。如孔雀項毛。其觸柔軟。如迦陵伽鳥。遍覆世界。十百千萬妙莊嚴園。普遍世界。一園中十百千萬諸大寶池。普遍莊嚴。一池皆八道側。方八楞摩。丘寶以為間錯。閻浮檀金沙。遍布其底。一池中皆各滿足八味香水。七寶鈴頭摩。花以覆水上。昆崙

連為者著婆為常出妙聲通諸世界文殊師利彼善觀世界有八千萬城邑聚落通滿國土以為莊嚴一大城中有十百千萬小城以為莊嚴一切城邑皆亦如是一城邑一一聚落滿百千萬男子女人童男童女文殊師利彼善觀名稱世界中有一四天下名曰見者歡喜世界諸四天下此眾勝妙人民熾盛安隱快樂實慧幢王如來應正遍知彼世界中出現於世文殊師利彼善觀慧幢王如來生在摩羅門家母名速行如我現世母名摩耶父名梵才如我現世父名白淨王兄名名稱如我現世子羅睺羅妻名大慧如我現世釋種瞿夷乳母名大稱如我現世摩訶波闍提瞿曇彌奉侍人名常隨順如我現世闍陀迦馬名大速如我現世馬王捷勝寶慧幢王如來乘彼大速踰城出家如我現世所乘捷勝馬王出家彼佛道場名曰法尚寶慧幢王如來於彼道場成阿耨多羅三藐三菩提如我現在寂滅道場彼道場樹有八十

萬百千萬億樹以為眷屬文殊師利寶慧幢王如來於彼劫中出世之時無諸魔怨及魔眷屬文殊師利彼實慧幢王如來成阿耨多羅三藐三菩提時彼世界中所有眾生一切執持種種華香塗香末香散香作諸種種伎樂歌舞一時往詣法尚道場乃至阿迦尼吒天一切天眾作諸種種天妙伎樂集彼道場一切夜叉眾作諸伎樂集彼道場彼世界中所有一切乾闥婆眾一切阿脩羅眾一切迦樓羅眾一切緊那羅眾一切摩睺羅伽眾各作百千萬種伎樂與其眷屬集會道場東方南方西方北方四維上下無量無邊世界菩薩俱來集會文殊師利寶慧幢王如來初成正覺為彼時會所集大眾說此菩薩行方便境界奮迅大法門有無量百千萬億那由他修多羅以為眷屬文殊師利彼實慧幢王如來說此法門時恒河沙等眾生得不退轉阿耨多羅三藐三菩提文殊師利彼實慧幢王如來出世下說三乘教化之法何以故彼

佛國土無諸聲聞辟支佛人彼世界中所有眾生皆信一乘皆信菩薩上妙勝行文殊師利彼實慧幢王如來初集會時有諸無量恒河沙等不退菩薩面來集會第二會時有八十億百千萬那由他一生補處菩薩而來集會第三會時有六十頌婆羅門菩薩而來集會文殊師利次於後時無量無邊眾生得不退轉阿耨多羅三藐三菩提心文殊師利彼實慧幢王如來得阿耨多羅三藐三菩提已六十小劫住世說法後入涅槃佛涅槃後正法住世八十萬億百千萬那由他劫正法流行教化眾生人眾多少所得利益如佛在世所度不異文殊師利彼實慧幢王如來臨涅槃時與大幢王菩薩授記然後入般涅槃作如是言大幢王菩薩次我後成阿耨多羅三藐三菩提名大莊嚴如來應正遍知今時大眾欲知眾中何者是彼大幢王菩薩次彼實慧幢王如來後成阿耨多羅三藐三菩提何者名大莊嚴如來應正遍知今時世尊知彼

左乳子經卷第十 第十七

時衆覺觀心念知心心念已告文殊師利法王子言文殊師利此薩婆善男子坐前坐者名實善摩都婆於一切弟子衆中家為第一此摩都婆於彼時中成大莊嚴如來應正遍知彼佛世界莊嚴勝妙如實慧幢王如來世界不異余時會中聞說彼佛國土勝妙功德莊嚴彼六十百千萬億那由他菩薩願生彼國作如是言此實慧幢王如來成佛之時願我往生彼佛國土余時世尊即與授記皆當往生彼佛國土八十千萬那由他子衆一時同聲自言世尊我亦願往生彼佛國世尊亦即皆與授記汝等善男子一切皆當生彼佛國八十萬億那由他天子虛空界中作如是言世尊我等亦願實慧幢王如來得菩提時俱往生彼善觀名穠世界得見彼佛不可思議功德莊嚴清淨國土時佛即告彼諸天子諸善男子汝等皆當生彼善觀名穠世界供養彼佛諸天子汝等亦當在彼善觀名穠世界皆成阿耨多羅三藐三菩提種種名字壽命住

左乳子經卷第十 第十八

世劫數多少如彼實慧幢王如來住世不異彼時三千大千世界六種振動大地涌出百千萬億鉦頭摩花閻浮檀金為葉大青因陀羅摩尼寶以為其臺瑠璃日光寶為璽大毗琉璃摩尼寶以為其蓋彼諸一切鉦頭摩花一一花上見有無量百千萬億諸菩薩衆結跏趺坐三十二相八十種好莊嚴其身一切皆共歸命如來彼諸菩薩各以種種寶雲羅網奉施如來作如是言世尊我等種種世界來詣佛所為聞佛說不可思議示現菩薩功德法門為見如來禮拜如來供養如來為見薩遮大善男子為欲見此大會所有諸菩薩衆如來說此妙法門時於不可思議佛國土中無量無邊諸來菩薩皆得不退阿耨多羅三藐三菩提今時世尊欲宣此義而說偈言
一心攝諸根 聽我說妙法 如來無妄語 諸佛不虛說 薩婆及大衆 未來無量世 過不可數劫 無刺淨劫中 余乃得成佛 号實慧幢王 時世無垢害 故名無刺劫

左乳子經卷第十 第十九

時彼佛世界号善觀名穠具足諸功德天人皆歡仰 國界諸莊嚴一切皆殊妙 門閤諸樓閣 百千諸寶成 閻浮金羅網 遍覆相映發 光明常普照 晝夜无差別 懸諸百千寶 建立師子幢 寶鈴出妙聲 說於如實法 無垢寶垣牆 過諸天宮殿 泉流諸池水 具足八美味 鉦頭摩諸花 拘迦那陀等 鮮明滿諸池 不雜諸塵垢 彼世界住處 四天下中衆 具足妙莊嚴 是故名樂見 彼處如來生 婆羅門出家 母名曰連行 父字名梵才 子名曰妙稱 如我羅睺羅 彼夫人大慧 如我今羅夷 乳母大名稱 如我波闍提 給侍名隨順 亦名闍尼迦 如我闍尼迦 恭敬隨我心 第一取勝焉 字名曰大速 彼能出如來 如我乘捷步 彼佛菩提樹 字名曰法尚 勝樹為眷屬 八十百千萬 彼樹下法王 字名實慧佛 坐彼道樹下 成於大菩提 無諸魔眷屬 亦无諸魔業 彼佛國土中 無有諸怨刺 无量諸天人 俱集彼淨土 各執妙花鬘 百千諸伎樂 各以恭敬心 俱詣如來所 如來知彼心 為說諸妙法 無量修多羅 以為諸眷屬 彼佛初集時

聞此法門者過恒沙塵界不退之菩提
彼無聲聞乘及無辟支佛諸勇猛菩薩
充滿彼淨土第二時會中有諸菩薩
八十那由他一一生住補處第三會所集
諸大勝菩薩六十頻婆羅住於如寶處
彼如來住世壽命六十劫時佛滅度後
法燈住世間舍利廣流布八十億萬千
那由他劫住利益諸眾生彼佛記大幢
然復入涅槃佛名大莊嚴名稱顯世間
彼世界莊嚴不異寶覺佛於彼國土中
成無垢菩提汝等當信我智慧如虛空
無盡性常住遍處無障尋志能見未來
未有當有事何況過去劫曾有而不記
我住第一義如寶智覺中出言無虛妄
亦不令他說我今說真實美妙甘露法
是故汝大眾聞應諦信受大眾聞佛說
皆生歡喜心彼佛成道時威願生彼國
世尊念記彼無量諸眾生彼佛出於世
汝等皆往生汝等彼世界教化諸眾生
即彼成菩提世界亦不異說此法門時
大地六種動蓮花中菩薩合掌向佛言
善哉佛世尊不可得思議為諸無量眾
善說此法門我等諸大眾無量世界眾

皆為欲聞此最上妙法輪
大薩遮尼乾子所說經信功德品第十二

今時會中一切大眾皆大歡喜踊躍
各各脫身所著上衣奉施如來而作
是言如來世尊今於世間第二轉法
輪如來昔於波羅捺城初轉法輪今
復於此鬱闍延城第二轉法輪復作
是言世尊我等願常不離聞此妙實
法門願常不離薩遮尼乾子時虛空
中諸天伎樂妙鼓出聲天雨曼陀羅
花鉢頭摩花拘牟頭花分陀利花葵
師迦花等滿佛足下天於空中滿天
寶衣如雲而下而作是言若有善男
子善女人有能受持讀誦書寫為人
解說此妙法門彼人決定已得無量
無邊功德今時文殊師利法王子菩
薩自佛言世尊善男子善女人有能
受持讀誦書寫廣為人說此妙法門
成就幾許功德佛告文殊師利法王
子言文殊師利若有善男子善女人
數此三千大千世界眾生若有色若無
色若有想若無想於眾生界中所有
眾生佛智慧知彼諸一切所有眾生

一時俱生得於人身得人身已彼共
俱修波羅蜜行一時俱成阿耨多羅
三藐三菩提彼諸佛等一劫住世有
善男子善女人滿足一劫供養念所
諸佛如來禮拜恭敬尊重讚歎具足
一切諸勝供養乃至一切花香伎樂
文殊師利於意云何彼善男子善女
人得福多不文殊師利言甚多婆伽
婆甚多修伽陀彼善男子善女人所
得功德無量無邊不可量不可數不
可知不可說佛告文殊師利若有善
男子善女人受持讀誦書寫流布為
人廣說此菩薩行方便功德法門所
得功德過彼善男子善女人供養諸
佛功德無量無邊不可稱數不可校
量文殊師利自佛言世尊希有婆伽
婆希有修伽陀如來為欲安樂一切
諸眾生故說此法門復作是言世尊
此妙法門於閻浮提幾時住世佛告
文殊師利我涅槃時有八大國王為
欲流布我舍利故彼時八國分為八
分置八箇中人取一函各還本國立
大塔廟尊宣供養

今時阿闍世王於我舍利所得一分

莊嚴經卷第十 第十六

法華

於金臺上書此偈多羅并與舍利一時俱置七寶函中於王舍大城外掘地作坑於中立塔莊嚴殊妙以舍利函置彼塔中懸百千萬阿僧祇寶蓋幢幡散諸花一切香花七寶香麝盛滿香油然大燈炷滿一百年住持不滅文殊師利我入涅槃一百年後有阿輪迦王於毛梨家生出現於世作轉輪王王闍浮提而得自在得具足力善能降伏剛強眾生彼王今時必觀察我能憶念我護持我法於我身上得尊重心文殊師利彼阿輪迦王有一比丘名淨自在王子中生出家求道阿輪迦王以為門師有大神通力有大威德力護諸佛法護大方便廣阿輪迦王深心尊重淨自在比丘故不令餘處常在王家身自供養文殊師利阿輪迦王為欲流布我身舍利饒益一切諸眾生故欲出地下舍利寶函與諸無量大臣王子長者居士眷屬園遶設大莊嚴顯大王力執持香花塗香末香散香作百千種諸

妙伎樂詣王舍大城設諸一切勝妙

莊嚴經卷第十 第十七

供養無量無邊不可稱數掘出地中舍利寶函出已七日以一切香一切花一切花鬘一切散香一切塗香一切伎樂供養恭敬滿七日已於闍浮提種種國土非前後時於一日一時一須臾間遍闍浮提一時建立八萬四千佛舍利塔今時淨自在比丘於彼舍利函中取此法門在於北廂大國土中廣宣流布文殊師利彼淨自在比丘雖加流布而此法門受持者少多人不知多人不覺多人不攝多人不受布有人能受持讀誦此法門者何以故此是勝法眾生薄福不應聞故文殊師利此妙法門人多秘掌置經函中諸庫藏中何以故以無法器不應得種無上善根故何以故文殊師利此妙法門難信難行難量故文殊師利凡所有人宿無善根曾聞大乘生疑毀謗是故聞此无上法門不能生信不能得入文殊師利後末世中法欲滅時聞此法門能生信者能推求者能解入者文殊師利汝知此

人已曾供養過去無量無邊諸佛善

莊嚴經卷第十 第十八

行諸行乃能信入此大乘門文殊師利若有善男子善女人於後末世聞此經名聞能生信受持讀誦書寫解說書已尊重供養經卷彼諸眾生應自念知已於過去曾見无量恒沙諸佛供養恭敬恒沙諸佛文殊師利彼諸眾生亦見我身在此國中說此法門亦見此諸大會之眾今時世尊告阿難言阿難汝當受持讀誦此妙法門為諸眾生而廣宣說當觀眾生有大乘根堪信受者乃可為說不得率尔不觀而說何以故薄福眾生聞生不信得罪無量故阿難此法門者名為如來真實功德名為如來秘密之藏名為如來純淨妙藏名為如來法印之藏名為如來心所護藏名為如來現實信藏是故阿難汝當秘密莫平宣說除諸佛子菩薩摩訶薩等何以故彼善男子於諸佛所深種善根能說法藏能利自己亦能利他應為彼說阿難言世尊我已受此淨妙法門世尊今此法門名為何等云何奉

持佛告阿難此妙法門名為菩薩行方便境界普迅法門名為如來深秘密藏名為如來具足功德名為如來甚深境界名為一乘名為文殊師利所說經名為薩遮尼乾子授記經名為薩遮尼乾子所說經汝今應當如是奉持如來說此法門時三十億那由他眾生發阿耨多羅三藐三菩提心六十千菩薩得無生忍無量無邊眾生畢竟不退阿耨多羅三藐三菩提心 佛說此經已慧命阿難文殊師利法王子菩薩及諸一切菩薩摩訶薩比丘比丘尼優婆塞優婆夷持提桓因四天王梵天天人阿脩羅等聞佛所說皆大歡喜信受奉行 大薩遮尼乾子經卷第十

癸卯歲高麗國大藏都監
勅彫造

持佛告阿難此妙法門名為菩薩行方便境界普迅法門名為如來深秘密藏名為如來具足功德名為如來甚深境界名為一乘名為文殊師利所說經名為薩遮尼乾子授記經名為薩遮尼乾子所說經汝今應當如是奉持如來說此法門時三十億那由他眾生發阿耨多羅三藐三菩提心六十千菩薩得無生忍無量無邊眾生畢竟不退阿耨多羅三藐三菩提心 佛說此經已慧命阿難文殊師利法王子菩薩及諸一切菩薩摩訶薩比丘比丘尼優婆塞優婆夷持提桓因四天王梵天天人阿脩羅等聞佛所說皆大歡喜信受奉行 大薩遮尼乾子經卷第十

持佛告阿難此妙法門名為菩薩行方便境界普迅法門名為如來深秘密藏名為如來具足功德名為如來甚深境界名為一乘名為文殊師利所說經名為薩遮尼乾子授記經名為薩遮尼乾子所說經汝今應當如是奉持如來說此法門時三十億那由他眾生發阿耨多羅三藐三菩提心六十千菩薩得無生忍無量無邊眾生畢竟不退阿耨多羅三藐三菩提心 佛說此經已慧命阿難文殊師利法王子菩薩及諸一切菩薩摩訶薩比丘比丘尼優婆塞優婆夷持提桓因四天王梵天天人阿脩羅等聞佛所說皆大歡喜信受奉行 大薩遮尼乾子經卷第十